

Voglsanger, Ambrosius

Iurisdictio Episcoporum proxime a Deo deducta

Oenipontum 1779

J.can.p. 1104

urn:nbn:de:bvb:12-bsb10547153-5

VD18 14760649-001



III.
orig.

J Can B 1104

JVRISDICTION
EPISCOPORVM

PROXIME

A DEO

DEDUCTA

A P. AMBROSIO M. VOGLSANGER

ORD. SERV. B. V. M. SS. THEOLOGIAE


ET JVRIS ECCL. LECTORE ORD.



PERMISSV SUPERIORVM.

OENIPONTE,

LITERIS ACADEMICIS WAGNERIANIS



M. D. CC. LXXIX.

*Si iustitiæ est, ius cuique suum servare, auferre cui-
que sua, iusto quomodo poterit convenire? Erras,
si ut summam, ita & solam institutam a Deo ve-
stram apostolicam potestatem existimas: si hoc sen-
tis, dissentis ab eo, qui ait: non est potestas nisi
a Deo: proinde quod sequitur: qui potestati re-
sistit, Dei ordinationi resistit, etsi principaliter
pro te facit, non tamen singulariter. Denique
idem ait: omnis anima potestatibus sublimioribus
subdita sit: non ait sublimiori, tanquam in uno,
sed sublimioribus, tanquam in multis. Non ergo
tua sola potestas a Domino, sunt mediocres, sunt
& inferiores. Et quomodo, quos Deus conjunxit,
non sunt separandi, sic nec, quos subjunxit, com-
parandi. Monstrum facis, si manui submovens
digitum facis pendere de capite, superiorem manu,
brachio collateralem. Tale est, si in Christi cor-
pore membra aliter locas, quam disposuit ipse, qui
posuit in Ecclesia, quosdam quidem Apostolos,
quosdam Prophetas, alios vero Evangelistas, Pa-
stores, & alios Doctores, ad consumationem san-
ctorum, in opus ministerii, in ædificationem cor-
poris Christi. S. Bernard. L. 3. de Considerat.
ad Eugen. R. P. c. 4. edit. Parisiens.*

Bayrische
Staatsbibliothek
München

PRÆFAMEN

AD

LECTOREM.

Finem petis, Lector benevole! quo permotus leves hasce pagellas orbi obtruderem? Fingas tibi per me, quemcunque velis, dummodo illo abstineas iudicio, horum meam conlimasse opellam, ut ejus sub tegmine me orbi litterato ingere-rem; quum alium haud senserim stimulum, quam consuetudine adtractum, vi cujus positionibus, publicæ disquisitioni expositis, quandam dissertationem præfigere obtinuit. Quibus ut & ego quoque deferrem moribus, præfens opusculum, aliunde ad usus confratrum hisce disciplinis incumbentium conscriptum, typis mandari curavi, in quo plures equidem propositiones haud sat perspicue discussas novi, a me tamen eo ineptius discutiendas; quo studio-

dius in ipsa Juris ecclesiastici syno-
psi, ab aula Cæsarea præscripta, atque
reverendissimi Ordinarii mandato nobis
promulgata, prætermittas deprehendo.
Quoniam igitur nulla me novandi libi-
do divexat, pari consilio utendum du-
xi, ipsis sanioris politicæ regulis per-
suasus, cuivis alicujus societatis mem-
bro crimen putari, si illius, cui se so-
ciare placuit, status jura, quamvis fors
ambigua, nec tamen nulla, propriis
pedibus conculcata velit, sufficienter
ab aliis examinanda, quos alia erudit
philosophia. Quodsi vero, Lector
benevole! vel ideo conatum huncce
meum tuis oculis indignum reputes, me
ipso consulente eisdem parces. Vale.



SERIES REERV^{ae} M.

- §. I. Explicatur natura jurisdictionis in genere.
- §. II. Definitor jurisdictio ecclesiastica.
- §. III. Apostolus non prohibet Christianis frequentare fora infidelium, quod ex facto Domini probatur.
- §. IV. Dum Episcopi sæcularia judicia exercerunt, non ambitionis sed charitatis causa factum.
- §. V. Nihilominus libere hæc obibant munia, & pari libertate se eorum judiciis subiciebant laici.
- §. VI. Hæc facultas sæcularia judicia exercendi confirmatur ab Imperatoribus, & inter jura Ecclesiæ adventitia reputat Alexander III.

SERIES RERVM.

- §. VII. Quæ jura innata sint jurisdictioni ecclesiasticæ, ostenditur.
- §. VIII. Protestantes negant dari jurisdictionem in Ecclesia.
- §. IX. Probatur autem ex Scriptura.
- §. X. Imperium Ecclesiæ ex Scriptura stabilitum novatores vendicant Principibus.
- §. XI. Referuntur signa eorum, quibus Christus jurisdictionem suæ Ecclesiæ commisit.
- §. XII. Hæc signa non reperiuntur in Principibus, sed in Apostolis.
- §. XIII. Quod ex eo eruitur, quod Apostoli exercuerint illam potestatem per hæc signa denotatam.
- §. XIV. Non solum quoad vim suadendi & declarandi, ut vult Grotius, sed etiam quoad vim cogendi.
- §. XV. Idipsum traditione continua primorum etiam sæculorum.
- §. XVI. Sicut & autoritate Gregorii nazianzen. Osii Cordub. Ambrosii, Chrysostomi, Hieronymi, & Augustini comprobatur.
- §. XVII. Eadem erat sententia romanorum Pontificum.
- §. XVIII. Ipsorumque hujus sæculi Principum.
- §. XIX. Frustra autem contra hoc adsertum Anglo-Brittani in Synagoga Judæorum patrociniū quærunt.

SERIES RERUM.

- §. XX. Vendicato Apostolis Ecclesiæ regimine, quæstio proponitur: num per Christum, an per Petrum idem Apostolis fuerit concessum?
- §. XXI. Atque ex Scriptura resolvitur.
- §. XXII. Paulus & Jacobus minor in Episcopos non fuerant a Petro ordinati.
- §. XXIII. Vacuum quoque illud videtur argumentum, inde deductum, quod Ecclesia romana sit matrix Ecclesia.
- §. XXIV. Sat convenienter dicitur etiam Judam iscarioten fuisse Episcopum.
- §. XXV. Probatur autem adsertio potissimum ex Joan. 20. v. 20.
- §. XXVI. Ecclesia Christi est perpetuo duratura.
- §. XXVII. Deficientibus igitur Apostolis in alios debet illorum potestas transire.
- §. XXVIII. Nempe Episcopos.
- §. XXIX. Uti ex continua primorum sæculorum Traditione constat,
- §. XXX. Sicut & Conciliorum definitionibus.
- §. XXXI. Plures ex Protestantibus hanc potestatem in pace Religiosa, vel transactione Passaviensi in Principes transisse ajunt.
- §. XXXII. Alii concedunt Episcopis ex favore collegiorum, quo privati denuo sunt tempore Reformationis: quorum opinatio ex eo rejicitur, quia solum per consecrationem sacra potestas obtineri potest,

SERIES RERUM.

- §. XXXIII. Quod probatur.
- §. XXXIV. Apud Catholicos certum est principium, jurisdictionem episcopalem saltem quoad institutionem esse juris divini.
- §. XXXV. Quæstio proponitur in Concilio Tridentino: an non collatio ejusdem proxime fiat per romanum Pontificem?
- §. XXXVI. Resolvitur juxta Apostoli.
- §. XXXVII. Ecclesiæ Patrum.
- §. XXXVIII. Ipsorumque romanorum Pontificum effata,
- §. XXXIX. Quæ in alium sensum frustra exponentur.
- §. XL. Satisfit Bellarimini loco ex Num. I I.
- petito,
- §. XLI. Francisci Vargas
- §. XLII. Et Zacchariæ argumentis ex S. Augustino desumptis,
- §. XLIII. Alique dubio, quæ omnia Apostoli sententiam impugnare videntur.
- §. XLIV. Nec contextus contrarium evincit.
- §. XLV. Nec Patrum interpretatio,
- §. XLVI. Nec mens Ecclesiæ,
- §. XLVII. Nec alia ratio.
- §. XLVIII. Episcopi non accipiunt jurisdictionem a romano Pontifice per electionem, cum hæc non per ipsum fiat.
- §. XLIX. Prouti testantur primitivæ,
- §. L. Et Gallicanæ Ecclesiæ.

SERIES RERVM.

- §. LI. Imo ipsius patriæ monumenta.
- §. LII. Neque per confirmationem romani Pontificis, cum hanc impendere non jure divino ipsi competat.
- §. LIII. Prouti denuo omnium Ecclesiarum,
- §. LIV. Ipsiusque Patriæ historia affirmat.
- §. LV. Sed omnes ab uno eodemque suam jurisdictionem habent.
- §. LVI. Jurisdictio igitur Episcoporum, quam post confirmationem exercent, est solum delegata, non ordinaria.
- §. LVII. Episcopi etiam honoris causa solum consecrati veram accipiunt jurisdictionem, quod ex paritate cum ordinatione Presbyterorum instituta illustratur.
- §. LVIII. Hæc paritas impugnatur,
- §. LIX. Sed frustra.
- §. LX. Respondetur ad Concilium Tridentinum.
- §. LXI. Proponitur dubium ex inæqualitate Diœcesium petitum.
- §. LXII. Et removetur ex eo, quod æqualis fit omnium Episcoporum jurisdictio teste Julio I. roman. Pontif. & S. Cypriano.
- §. LXIII. Salvo tamen Primatu romani Pontificis, quem Petrus in Apostolos exercuit, quorum successores sunt Episcopi.
- §. LXIV. Successio ista non est similitudinaria tantum, sed vera & propria.

SERIES RERVM.

- §. LXV. Quamvis non detur ista successio, quo-
ad omnia Apostolorum privilegia.
§. LXVI. Datur tamen circa jurisdictionis au-
thorem.
§. LXVII. Quia alias non daretur vera successio,
sed nova haberetur institutio.





JURISDICTION
EPISCOPORVM
A DEO
PROXIME DEDUCTA.



§. I.

Jurisdictionem sacratis ecclesiæ præfulibus propriam a Deo proxime deducturus, de natura jurisdictionis primum differere eo aptius constitutum habeo: quo solertius sapientum parens Philosophia notiones rerum evolvere fatagit, multiplici certe fœnore exinde comparando inducta; cum ex hac agendi ratione antea humeris jacta fidem, & tenebris obvoluta suam



suam inde lucem mutuare consueverint. Quæ proin a quovis optimo adorata toties vestigia lecturus jurisdictionem necdum certis circumscriptam negotiis confidero, atque a jure dicundo ita dictam cum Jctis (a) definitio: *Quod sit publica de causis cognoscendis & juris reddendi potestas.* Vel prout aliis (b) eloqui placet: *Potestas alicujus auctoritatem publicam habentis super alios ad eorum regimen & gubernationem.* Quos dum characteres præferebat jurisdictio, eandem solum imperiis natam sceptrisque adsueta esse, propria luce proditur: unde nec arbitris nec collegis jurisdictionem adserendam esse contingit, qui, quamvis de causis conlegiorum quodammodo cognoscere possint, illas tamen pro imperio definire nequeunt, insurgentibus talia in judicia sociis (*) atque imperii habenas excutientibus, tanquam ori libero injectas pessime. Vel ipsa proin imperii natura a jurisdictione imbibita perorat, eandem per potestatem legislatariam, judiciariam, atque coercitivam reddi conspicuam, hisque tribus potentiis tanquam con-

(a) Arg. l. 1. ff. h. t. l. 3. C. eod. l. penult. de judic.

(b) Harrprecht instit. L. 1. c. 20. Duar. ad tit. ff. de jurisdict. c. 2.

connatis essentia viribus constitui, exigentibus id ipsum rerum publicarum commodis, quæ facile dilabuntur, nisi leges in earum bonum latæ ipsas statuminent, fora jus cuique suum vindicent, iudicesque, penes quos imperii summa est, in reluctantes atque maleficos condignis pœnis animadver-
tant.

(*) Inter gentes liberas jurisdictio sine summi imperii vestigio suum exercet dominium; cum lites utriusque partis consensione alterius rei-publicæ relinquuntur placitis Aricinorum & Ardeatum ad exemplar: *qui multis invicem cladibus fessi, iudicem populum romanum cœpere, frustra de ambiguo agro certantes.* Livius L. 3. c. 71.

S. II.

Atque hæc jurisditionis œconomia est, nullis adhuc constrictæ terminis, atque communibus solum proprietatibus descriptæ; quæ tamen, ubi ecclesiæ negotia disquirat, eo augustior progreditur, quo amplius ejus ex arbitrio vera hominis beatitas dependet, finisque ultimi consecutio habetur, ipso societatis christianæ fundatore ejus oraculis conscientias hominum subjugante, atque decernente, ut ecclesiæ ex judicio probus futura gloriæ pignora, scelestus vero admitti
crimi-



criminis gratiam consequatur, (*) quin tamen statutis hisce prærogativis concessæ a Christo potestatis fines immineant, utpote sac largis ulnis se se ad totum exterius insuper ecclesiæ regimen exporrigentes. Unde hoc sub obtutu eandem Joannes Flœrcke definit: (c) *quod potestas sit causas ecclesiasticas controversas cognoscendi atque definiendi. Causæ proin solum spirituales jurisdictionis ecclesiasticæ frequentant forum, ejusque judicio absolvuntur.*

(*) *De propria enim ratione talis muneris est, ut qui ecclesiastica jurisdictione gaudet, vi sui officii pastor animarum sit & gubernator in spiritualibus & magis in his, quæ pertinent ad internum bonum animæ, quam ad externum: a tali ergo munere inseparabilis est hæc jurisdictio. Suarez, in 3. P. T. 4. disp. 25. sect. 1. n. 9.*

§. III.

Apostoli igitur effatum, quo infidelium rostra a fidelibus suorum jurium tenacibus frequentari vetat, (*) non præcepti sed consilii rationem sortitum esse constat, ipso salvatore in testimonium adducto, qui nequidem familiæ exerciscundæ arbitrium sumere

VO-

(c) Lucæ 12. v. 14.

voluit, dicens: *quis me constituit iudicem inter vos.* (d) Adeo aliena quippe a suo regno mox construendo sæcularia negotia voluit dominus, ut nec supplicantium precibus deferre voluerit, vel umbram scilicet a sæculari jurisdictione emissam, fugiendam ratus, atque ita suo exemplo contestans, claves a se concreditas non, nisi ubi regnum cœlorum referandum est, vim habere atque emolumentum.

(*) Verba Pauli sunt: *Audet aliquis vestrum habens negotium adversus alterum judicari apud iniquos & non magis apud sanctos. An nescitis, quoniam sancti de hoc mundo judicabunt? Et si in vobis judicabitur mundus, indigni estis, qui de minimis judicetis? Nescitis, quoniam Angelos judicabimus, quanto magis sæcularia? sæcularia igitur judicia si habueritis, contemptibiles, qui sunt in ecclesia, illos constituite ad judicandum. Ad verecundiam vestram dico, si non est inter vos sapiens quisquam qui non possit judicare inter fratrem suum, sed frater cum fratre iudicio contendit, & hoc apud infideles.* I. ad Cor. 6. v. 1. & seqq. Quis vero horum verborum sit sensus, quinam sint illi contemptibiles ab Apostolo ad judicandum deputati; quis vero ad mentem Apostoli sit sapiens, fat solide declarat Van Espen I. E. V. P. 3. Tit. 1. c. 1. n. 7. & 12.

§. IV.

(d) Luc. 12. v. 14.



§. IV.

Non tamen ideo ventosæ ambitionis ad-
 flatu, aut propriæ potestatis exaggerandæ im-
 piis stimulis adacti, vel Paulus incitabat Epi-
 scopos, vel ipsi Episcopi hortatu Pauli per-
 movebantur, ut in iudicium civilium aut ma-
 gistratum messem suas falces immitterent,
 eloquii dominici haud immemores, sicut
 nec legis a christiana charitate dictatæ ob-
 liti; hujus enim facundia persuasi molissi-
 mos captabant aditus, atque opportuna mo-
 numenta, quibus facilius in fidelium pecto-
 ra christianæ pietatis placita inlaberentur,
 illæque amoris flammæ erumperent, quibus
 a terrenis ad cœlestia grata nihilominus
 violentia raperentur. Longissime hinc tem-
 porales exulabant cupiditates, nec tantus
 alio suspirabat labor, quam, ut peccatores
 a vitiorum deviis revocarentur, justî ve-
 ro nova in dies singulos augmenta justitiæ
 capefferent, jucundo onere pressi. Unde
 & de S. Augustino testatur Possidius: *quod*
compertis rerum opportunitatibus divinæ legis
veritatem partes doceret, eamque illis inculcaret,
& eos, quo adipiscerentur vitam æternam, do-
ceret, & admoneret, nihil aliud quærens ab
eis, nisi tantum obedientiam & devotionem chris-
tianam.

stianam, quæ & Deo debetur & hominibus, peccantes coram omnibus arguens, ut cæteri timorem habeant. (e) Multum impari itaque jure audiebat illud tribunal judicis, quo schola virtutum, pietatis sanctuarium, cathedra veritatis. Id genus curia eo confidentius consulebatur, quo minus æmulorum judicium suspicionibus atque cavillis erat subjectum. Imperium hoc equidem sacerdotale erat, imperii tamen nomine ejusque sub specie obumbrata servitus tritissima, quam facilem lætamque non redderet, nisi flagrantissimæ charitatis præceptum, atque ultima necessitas obsequendi fidelibus omnibus, semet ad eos, & cum iis ad ipsas rerum temporalium fæces dejiciendi, illisque proprios pedes in evangelium pacis præparatos conspurcandi. Unde nec injuria Chrysostomo visum est, in eo munere sustinendo, & difficultatis & periculi esse plurimum, ut quod & sentibus undique horreat, tamque difficiles explicatus exposcat: Partem enim illam, quam Episcopum tractasse in judiciis convenit, infinita certe odia, infinitas dissensiones parere ait. (f)

b

Quæ

(e) De vita Augustini c. 19.

(f) De Sacerdot. L. 3. c. 18.

Quæ tamen singulis obsequendi studium, ore Pauli injunctum eo alacrius contempnit, quo æquius huic potestas & jurisdictio ecclesiastica facta est famula, quin etiam tantis cum impendiis tributaria, utpote a Christo unice in bonum gregis sibi subditi, & ut in ejus tantum favorem exerceatur, concessa.

§. V.


Abfit tamen, ut hæc isthuc disputata sint, quasi id oneris nominatim ecclesiæ præfulibus, ejusve ministris impositum foret a consulente solum Apostolo, ne christianis sacris initiati ad alios suas lites referant, quam ad viros in Christi ecclesiâ ob rerum gerendarum peritiam conspicuos; quæ proin gloria cum & laicis quoque possit esse domestica, eidem officio solos ecclesiæ prælatos adjudicari, nemo facile dixerit, fortis potius cursui tribuendum esse convictus, quod præstituta mox prærogativa Episcopis & Clericis magis putetur familiaris, atque ipsorum etiam laicorum huc tenfa conliment vota, ecclesiasticorum potius quam profanorum judicia exposcentium atque judicantium, exoptatam usque adeo
in

in iudiciis sapientiam & integritatem sacerdotio magis, quam sæculo esse domesticam. (g) Atque inde repetenda sunt incunabula, quod propriis laicorum præjudiciis & votis indefinita Apostoli propositio ad solos Episcopos & Clericos fuerit relata, incolumi nihilominus tum Episcopis, tum laicis libertate servata: primis quidem, ut ea sollicitudine sese pro arbitrio exuere possent; (*) hisce vero, ut mutuis conventionibus hæc provincia aliis demandaretur, qui eandem sapientiæ & integritatis gloriam forent adepti. Cardo proinde doctrinæ & institutionis Apostolicæ circa illud versari videtur potissimum, ut fidelium lites componerentur, pace & innocentia inlibata, ablegatis procul fraudibus, ærisque cupiditatibus, familiæ bene dispositæ adinstar, in qua Pater suorum amantissimus jurgia, si quæ domi nascuntur, domi quoque sopire eo impensius adlaborat: quo felicius flammarum globus propriis in cunis statim restinguitur; ut adeo non tanta sollicitudine ecclesiasticorum judicia fidelibus inculcet Apostolus, quanta notas virtutes, mu-

b 2

tuæ

(g) Conf. Petrus Soavis Polanus in Hist. Conc. Trident. L. 4.



tuæ paci & charitati fovendæ studiosissimas,
quibuscunque in iudiciis relucere opta-
tum habere dignoscitur.

(*) Privilegio hoc usus videtur Synesius Cy-
renæus, dum litium aliarum ex aliis profer-
pentium fegetem cum ea mentis serenitate ju-
gique ad orandum stimulo sociari posse de-
speravit: unde Epist. 57. scribit: *Contem-
platio Sacerdoti finis est, si non falso id sibi
nomen usurpet; contemplatio vero & actio nequa-
quam in unum conveniunt. Nec tamen ideo eos
insimulatos cupiebat Episcopos, quorum in ani-
mis ea veritatis supernæ lux resplendesceret,
quæ nulla rerum terrenarum caligine obfu-
scari posset, idemque contemplationis vigor
persisteret, quem nullæ negotiorum vel soli-
citudinum temporalium procellæ turbarent;
pergit enim: Nec Episcopos damno, qui ne-
gotiis distinentur. Sed cum noverim, vix me
horum alterutrum adsequi posse, qui utrumque
præstare possint, hos admirari soleo. Non est
id mearum virium, ut duobus dominis serviam.
Sin aliqui reperiuntur, quibus ne mentis qui-
dem ad inferiora descensus detrimentum adferat,
merito illi possunt Sacerdotes fieri, & præesse
civitatis. Solaris radius, quamvis cœnum con-
tingat, purus nec inquinatus manet; ego, si
idem fecero, fontibus ac mari opus habeo. loc.
cit. Quoniam vero suum secessus amorem at-
que sæcularium curarum fastidium multis dis-
plicere adverteret, omnibus gratum, sibi gra-
tissi-*

tissimum fore testatur, si alius ejus loco eli-
 geretur Episcopus, causis quoque dirimendis
 adjecturus animum: Quoniam autem ob hæc
 minime placemus vobis, quasi alii sint, qui in
 utrisque versari possint, consulere vobis licet,
 quod & civitati & ecclesiis & mihi magis expe-
 diat. Seligendus vobis aliquis est, qui sit omnium
 utilissimus, nostroque in loco eligendus, qui ægre
 admodum servari soli possumus. Quid exclama-
 stis? Num, quia illud factum nondum est, fieri
 idcirco nec nunc convenit? Multa, quæ necessa-
 ria erant, invenit tempus & emendavit. Non
 ad exemplum omnia fieri solent. epist. 105. De
 Sylvano primæ sanctitatis Episcopo meminit
 Socrates L. 7. H. E. c. 36 quod civilium judi-
 ciorum curas a Clericis fugiendas esse demon-
 strarit, Clericis suis fori circuitus vigilantibus
 verbo interdicens, quod aliquid luccelli inde
 conrasissent, totum protinus negotium in spe-
 ctatissimæ sibi pietatis laicum transferens. Ver-
 ba Socratis sunt: Cum Clericos ex litigantium
 controversiis quæstum facere videret, deinceps
 neminem ex Clero judicem esse permisit, sed ac-
 ceptis supplicantium libellis unum ex fidelibus
 laicis, quem æquo & bono favere pro certo cog-
 nosceret, eum causarum cognitioni præfecit.

S. VI.

Nec alia Constantini M. fuisse videtur
 persuasio, dum quasi gentium Doctore con-
 sen



sentiens illam eo consilio Episcopis adferre
 potestatem, quod judicia ab illis ad arca-
 nas conscientiae leges, atque incorruptas
 aeternae veritatis regulas elimentur, exagi-
 tenturque; ex adverso iudice civili huma-
 nas solum constitutiones in concilium advo-
 cante, quamvis & has saepenumero priva-
 tis perversi animi adfectibus pedissequas.
 Unde eidem sanxisse placuit: *Illud est enim*
veritatis auctoritate firmatum, quod a sacro-
sancto homine conscientia mentis inlibata protu-
lerit. Multa enim, quae in iudicio captiosae
praescriptionis vincula non patiuntur, investigat
& promit sanctae religionis auctoritas. (h)
 Hujus nempe sub auspiciis dirimebant, si
 quas disceptabant lites Apostoli, sub iis-
 dem optabant etiam a suis successoribus
 dirimi, atque ita resplendere sacri Eccle-
 siae tribunalis sanctimoniam, piamque a sae-
 culari discrepantiam. Nec mirum proin,
 ducem Constantinum, Arcadium, Hono-
 rium & Theodosium secutos fuisse, hunc
 in modum sua imperia evulgantes: *Episco-*
pale iudicium ratum sit omnibus, qui se audi-
ri a sacerdotibus elegerint, eaque illorum ju-
dicacioni adhibendam esse reverentiam jubemus,
quam

(h) Euseb. de vit. Constant. L. 4. c. 7.

quam vestris deferri necesse est potestatibus, a quibus non licet provocare. Datum idib. Decemb. Basso & Philippo Coss. 408. (i) Quibus ex testimoniis jam suapte natura confectaneum fieri auguror, jurisdictionem ecclesiasticam circa temporalia negotia occupatam, summorum Principum indulgentia & usu potius, quam jure divinitus constituto adcrevisse, ipso Alexandro III. teste, dum anglorum Regi possessionum judicia reliquit, (k) ad Regem, & non ad Ecclesiam talium possessionum judicia pertinere attendens. (l)

§. VII.

Coæva igitur atque innata tunc solum jurisdictione gaudet Ecclesia, quando causas spirituales dirimit, atque fidei & ecclesiasticæ disciplinæ regulas statuit, cum hisce in negotiis sua, quaqua placet, imperia protendat, suaque sceptrum omnibus, quos salutaris regenerationis unda suavi Christi iugo subjecit, verenda ostendat, utpote

b 4

cir-

(i) L. 8. C. de Episc. audient.

(k) cap. Causam 7. qui fil. sint leg.

(l) Conf. Van Espen integrum caput 1. loc. cit.



circa discolos etiam minaci virga ipsam adfligente animam compescendos occupatissima. Quo in adparatu num in Christi Ecclesia humilitatis atque mansuetudinis fundamento superinstructa adparere concessum sit, protinus differendi materiam suppeditat.

§. VIII.

Jus determinandi mox præstitutum, non nisi ubi imperium est, reperiri, nemo unus ignorat, qui juris publici adyta vel in ipso saltem, quod ajunt, limine salutarit; ut adeo vel ipse eruditorum Protestantium numerus huc totam ingenii aciem intendat, ut imperium ex societate a Christo fundata proferibat, in qua proin, si ipsis fides est, omnis imperantium & parentum ordo nescitur, quamdiu divinæ institutionis ratio servatur. Totum igitur, quod imperium olet, infauusta superbientium pontificiorum proles est, quorum in pectoribus juxta ipsos, nescio quis, dominandi faustus, ceu tot sartaginibus ebullit, flabellante eadem continuo turpi super alios eundi prurigine. Omnium loco Boehmerus perorat, vel ideo, quia fors in vastissima, qua pollet, scientia primus, juxta cujus placita

ta omnis sacerdotum in docendo & admo-
nendo consistit gloria. (*) Si vero Moshe-
mii, (m) Pfaffii, (n) Pertschii (o) syste-
mata recensuisse juvat, Ecclesiæ haud alia,
quam conlegiis æqualibus jura competunt:
ut adeo, sicut hæc non separatam consti-
tuunt rempublicam, & Ecclesia imperio ca-
reat. Protestantium ergo sub auguriis chri-
stiana societas non civitas est, sed imper-
fecta quædam consociatio, quæ juri natu-
ræ in acceptis referenda æqualitate gaudet,
nullis privatis ausibus imminuenda, ea qui-
dem ratione: ut qui supremi ducis in Eccle-
sia munere fungitur, non plus juris sibi con-
fiscat, quam miles gregarius. (p) Unde
etiam sat acri stylo in Carpzovium & Gis-
bertum Voetium, cætera sacris protestan-
tium addictos, Boehmerus invehitur, quod
tres continuo in christiano cætu ordines es-
se ex publico suggestu docere non erube-
fant, quorum primum imperantium, secun-
dum docentium, tertium vero audientium
ordo effingit. (q) Quamvis igitur quoad mo-
b 5 dum

(m) Von dem allgemeinen Kirchenrecht. c. 4.

(n) De Jure sacrorum absoluto & collegiali.

(o) Element. Jur. can. t. I. memb. 3. §. 18.

(p) Puffendorf. de habit. relig. ad statum civil. §. 32.

(q) Jus Parochiale sect. 1. c. 2. §. 36. & seqq.



dum discrepent, in hoc tamen omnes unanimes lego, Ecclesiam non instar reipublicæ aut status independentis, sed potius collegii ad instar esse concipiendam, eodemque cum illo dimetiendam filo, atque æstimandam.

(*) Ne a clar. viri mente abesse videar, ipsa
 Icti verba propino: *Dari aliquod regimen in Ecclesia concedi potest, sed non civile, verum huiusmodi, quod Doctoribus, quales sunt Sacerdotes competere potest, quod in docendo, non imperando; in admonendo non mandando & jubendo consistit. Observat. select. ad L. 2. de conc. fac. & imp. observat. 1. ad §. 2. & infra §. 3. Facile limites constituerentur, si cogitaremus, Sacerdotum esse docere, & viam salutis inculcare, non autem imperare, & jurisdictionem exercere, quod est Principis. Hic cogit adhibito imperio externo, Sacerdos permovet, rogat, admonet, docetque. Statim itaque ac Clerici doctrinæ suæ vim externam addunt, & schema politicum in legibus præscribendis, jurisdictione exercenda, aliisque actibus civilibus suscipiendis inducere conantur & limites sui officii transcendunt. Quod ulterius observat, 2. ad §. 5. ex epist. Abogardi Lugdunensis Archiepiscopi ad Ludovicum Imperatorem comprobare nititur, atque eundem in finem orat. apol. S. Gregorii Naz. adducit, in qua S. P. ita scribit: Nobis circa occultum, & internum hominem curatio omnis, & studium versatur. Unde infert: Hæc cura nullum*

nullum admittit imperium proprie dictum, quale tantum civile est, quod recipit obligationem externam, sicut illud internam tantum.

§. IX.

Multum tamen disparem deprehendo regiminis formam a Christo pro sua Ecclesia institutam, utpote quam vi divinæ institutionis societatem quandam inæqualem (*) esse, seu quod nobis idem sonat, reipublicæ (**) juribus a suo fundatore dotatam esse, sat potenter scriptura persuadet, imperium eidem concessum esse, singulis ferme N. T. paginis promulgans. Aut quem alium nisi civitatis per omnia Christus conceptum habuit, dum ex circumcissione duodecim ad suam Ecclesiam plantandam vocavit, eisdemque Apostolorum nomen imposuit? (r) dum certos fines suæ societati præfixit, eosque ad salutem æternam, regnumque cœlorum ordinavit? (s) dum legem mosaicam circa ritus & judicia abrogavit?

(r) Elegit duodecim, & Apostolos nominavit. Luc. 6. v. 13.

(s) Ego dispono vobis, sicut disposuit mihi Pater regnum, ut edatis & bibatis super mensam meam in regno meo, & sedeatís super thronos judicantes duodecim tribus Israel. Luc. 22. v. 3



gavit? (t) dum leges fundamentales condidit? (u) dum baptismum instituit? (w) dum sumptionem sui corporis præcepit? (x) dum potestatem ligandi & solvendi, (y) pascendi, (z) ex Ecclesia refractarios ejiciendi, (a) docendi & baptizandi transmittit? (b) His vero in justam vocatis trutinam, quis tam emotæ mentis esse valeat, ut veram Christi Ecclesiam, pro membrorum libertate, atque arbitrio, pactis duntaxat conven-

- (t) *Lex & Prophetæ usque ad Joannem. Luc. 16. v. 16.*
- (u) *Diliges Dominum Deum tuum ... hoc est maximum & primum mandatum: secundum autem simile est huic: diliges proximum tuum sicut teipsum. Matth. 22. v. 36.*
- (w) *Nisi quis renatus fuerit ex aqua & Spiritu sancto, non potest intrare in regnum celorum. Joan. 3. v. 5.*
- (x) *Nisi manducaveritis carnem filii hominis, & biberitis ejus sanguinem, non habebitis vitam in vobis. Joan. 6. v. 54.*
- (y) *Quæcunque alligaveritis super terram, erunt ligata & in cælis, & quæcunque solveritis super terram, erunt soluta & in cælis. Matth. 18. v. 18.*
- (z) *Pasce oves meas. Joan. 21. v. 15. & 17.*
- (a) *Si Ecclesiam non audierit, sit tibi sicut ethnicus, & publicanus. Matth. 18. v. 17.*
- (b) *Euntes docete omnes gentes, baptizantes eos in nomine Patris & Filii & Spiritus sancti. Matth. 28. v. 19.*

ventionibusque regendam & gubernandam esse, adseverare non reformidet; quæ tamen propria, atque societatibus æqualibus consentanea regiminis forma est, (c) a qua quantum Scriptura abhorreat, vel ex ipsis nominibus, quibus Ecclesiam innuit, datur intelligi, dum eandem modo civitatem, domum, aut regnum, modo ovile, aut corpus, modo navem aut exercitum ordinatum adpellat: quæ tamen vocabula quid aliud nisi perfectam hierarchiam indignant? cui alteri quam inæquali conveniunt societati? Aut quis alius quam reipublicæ status eadem sibi vindicare præsumit? In civitate magistratus, in domo paterfamilias, in regno princeps, in ovili pastor, in corpore caput, in navi gubernator, ac bellidux in exercitu imperium prodit, quidni & rectores idipsum in Ecclesia efficiant, dum leges condunt, transgressores coercent, tranquillitatem spirituum procurant, animarum salutem promovent, totamque communitatem adversus inferni portas tuentur, atque defendunt? Totum jam verbis Apostoli concludo, qui non æquali potestate præditum semet Corinthiis exhibuit, eisdem optionem

(c) Boehmerus *Jur. publ. P. spec. L. 1. c. 2. §. 7.*



nem faciens: *Quid vultis? in virga veniamus ad vos, an in charitate, & spiritu mansuetudinis?* (d) & alia in epistola: *Hæc absens scribo, ut non præsens durius agam, secundum potestatem, quam Dominus dedit mihi.* (e)

(*) Differt talis societas multum ab æquali. In illa receditur a statu naturali, qui inter paciscentes seu socios æquales immunis persistit. In illa vinculum seu nexus arctius stringit propter imperium eidemque conhaerens jus cogendi: in hac vero remissius vinculum membra conligat, in sola & simplici obligatione consistens. Ibi oritur ordo imperandi & parendi: hic omnis submissio exulat. Ibi omnia jura imperii penes unum, vel aliquod concilium figuntur, vel ideo, quia imperantis voluntas tanquam totius reipublicæ propositum respicitur, teste Tullio: *Imperans intelligere debet, se gerere personam civitatis.* L. I. de off. At vero in statu æquali sociorum ad arbitrium quibusdam solum juribus iisque nonnisi sociorum benevolentia concessis præfertur cæteris.

(**) Nobis videtur, quod conceptus essentialis reipublicæ consistat in perfecta subordinatione imperantium & obedientium, in fine communi
a sociis

(d) I. Cor. 4. v. 21.

(e) II. Cor. 13. v. 10.

a sociis præfixo, in electione mediorum ad consequendum finem aptorum, ac demum in imperio, in mediis coactivis, tam respectu subditorum, quam ipsius finis proportionatis, aliisque juri-
 bus, de præcipue ferendi leges, decidendi causas, plectendi pœnis imperio adnexis. Hæc si adsint, nescio profecto, quid ad construendam civitatem ultra desiderari possit. Nam quod aliqui ad statum ejusmodi præterea imperium summis Principibus commune requirant, nec non jus vitæ necisque postulent, extra orbem versari videtur. Dicant hi nobis, quare potestas imperii necessario jure gladii, vitæ & necis debeat esse armata? quid si Dominus Deus, qui solus est author vitæ & necis, sibi soli jus gladii reservasset, de cætero autem imperium aliis mediis compulsoriis armasset, & in imperantes cætera omnia jura, alias majestati adnexa transtulisset, anne defectuosam fuisse rempublicam dicemus? Dicant nobis, quare solum jus vitæ & necis potestatem imperii constituat? Si dicant, quod hoc solum sit medium, quo homines in suo officio contineri, & ipsa respublica contra injustos aggressores conservari valeat & debet: replicamus, nequidem hoc ipsum remedium esse sufficiens ad hominum malitiam coercendam. An non dantur homines facinorosi, fures, raptores, homicidæ, qui nequidem pœnam mortis timent? Dein si ad statum conservandum necessarium esse dicamus, omnes profecto respublica minores cessabunt esse respublicæ, quia necessario debent succumbere civitatibus

tibus

tibus majoribus, virium præpotentia prævalentibus, hoc ipso, quod efficacibus resistendi mediis destituantur. Suscipit ergo potestas imperii majus & minus, nec consistit in indivisibili. Quare ergo ille non deberet habere potestatem imperii, qui habet jus ferendi leges, dictandi penas? . . . ejiciendi, proscribendi, & communitate, omnibusque juribus ad cives & membra reipublicæ pertinentibus privandi? Zallwein Princ. I. E. Tom. 4, Q. 1. c. 4. §. 7.

§. X.

Extractum modo imperium sat divitem illico cogitandi, atque disceptandi materiam subgeffit, iis cumprimis, quos erga pontificios, ipsorum operibus contrarios, eo acrior invidia urit: quo sacratioribus ex aris hasce flammæ succendi gaudent, utpote ex præscripta, ab ipso lumine naturæ debita, erga Principes reverentia ortas. Coæva igitur Principis in quasvis societates, jure civitatis potitas, fideribus coæquarunt jura, ut superna proin sicut & imafato consimili, etiam in negotiis statum internum concernentibus, Principum venerationentur jussa. Unde malefanis etiam Lutheri sub astris illud emerfit principium: *Illius est religio, cujus est regio.* Verum sat modici præstitutam adsertionem ponderis esse,


esse, eo præprimis ex capite datur intelligi, quod ea, quæ divinæ institutioni suæ debent incunabula, non ex luxuriantibus hominum geniis, sed divinis potius ex eloquiis sint repetenda, atque firmanda.

§. XI.

Quæ, quum ita sint, uti sunt certissima, limpidissimos Scripturæ, Traditionisque fontes, divinis ex effatis scaturientes accedamus, atque ex illis inconcussæ veritatis præsidia hauriamus, oportet. Sex autem potissimum loquendi modos in sacris paginis legimus, quibus jurisdictionem, aut potestatem ecclesiasticam expressit Dominus: dum nempe claves regni cælorum tradidit: dum potestatem peccatores ligandi atque solvendi fecit: dum Apostolos, cæterosque discipulos per mundum universum sparsit: dum eosdem in sacerdotii sui communionem admisit: dum hominum peccata Sacerdotum iudicio subiecit: dum denique curam suarum ovium injunxit. Ut adeo huc tota controversia recidat, quosnam suis de sequacibus mox dictis imperii signis coruscare voluerit, atque eisdem cæteros inter christianæ religionis socios eminere.

c

Quodsi



Quodsi hujus sæculi Principes constitutæ potestatis hæredes fecerit Christus, Reformatorum merito triumphos canet Ecclesia, alias licet specioso sub titulo eo turpius ingloria, quo magis a Christi regno aliena.

§. XII.

De primo jam exordium duco, in id unice intentus, ut eo solertiori, qua possum indagine, cui claves regni cœlorum commissæ sint, inquiram, quo plura id scire cujusque inereſt, a quo exoptatissimum illarum usum quondam emendicare cogatur, ex hac mortali vita, ad immarcescibilem & incontaminatam gloriam transiturus. Verum vah sinistram Novatorum sortem! Easdem nec Pilato, nec Herodi, nec ipsi demum Tiberio Augusto concessas lego, utpote vili piscatori, unco vitam quærenti, promissas, (f) atque post resurrectionem delectis undecim discipulis concreditas, (g) qua-

(f) *Tibi dabo claves regni cœlorum.* Matth. 16. v. 19.

(g) *Accipite Spiritum sanctum, quorum remiseritis peccata, remittuntur eis, & quorum retinueritis, retenta sunt.* Joan, 20. v. 23.

quarum potestate refractarios quosque ex sua societate pellerent, (h) pœnitentia cordis vero ductos a peccatorum nexibus dissolverent, atque in libertatem filiorum Dei adfererent. Nec minus funestum eosdem circa immediatam missionem fatum adgravat; infirma enim hujus mundi elegit omnium Dominus, ut confundat fortia, nec Cæsares aut Augustos socios habere placuit, qui non ministrari, sed ministrare in terram descendit, sed stultos & tardos corde ad credendum testes esse voluit in omni Judæa, & Jerusalem, & Tyri, & maritima, & Sidonis. (i) In illos insuper, qui permanserunt cum ipso in tentationibus suis, Sacerdotium, tanquam totius ecclesiasticæ potestatis fundamentum, transtulit. (k) Nec alios suarum ovium pastores constituit, quam illos,

c 2

los,

- (h) Quod si non audierit eos, dic Ecclesiæ. Si autem Ecclesiam non audierit, sit tibi sicut ethnicus & publicanus. Matth. 18. v. 15.
- (i) Jesus vidit duos fratres, Simonem, qui vocatur Petrus, & Andream fratrem ejus mittentes rete in mare; erant enim piscatores, & ait illis: Venite post me, faciam vos fieri piscatores hominum. Matth. 4. v. 18. & 19.
- (k) Hoc facite in meam commemorationem. Luc. 22. v. 19.

los, in quos corporis sui tum veri, tum mystici potestatem transfudit, quibusque evangelicæ doctrinæ prædicationem injunxit. (1)

§. XIII.

Tam ampla jam potestate, in bonum Ecclesiæ inrestricto jure exercenda, dotati Apostoli, quid mirum, quod eandem suo haud voluerint carere effectu, sed finem a suo authore intentum omnibus, quibus potuerunt, modis promovere studuerint? Quare pro ea, quæ ipsos sollicitos habebat, cura Ecclesiis præfecerunt Episcopos, impertiendo eisdem per impositionem manuum plena spiritualium charismatum dona: (m) eisdem officium constituendi per civitates non Presbyteros modo sed & Episcopos injunxerunt: (n) pro expediendis dubiis,

(1) *Euntes docete omnes gentes: — — docentes eos servare omnia, quæcunque mandavi vobis. Matth. 28. v. 20.*

(m) *Noli negligere gratiam, quæ est in te per impositionem manuum mearum. II. Tim. 1. v. 7.*

(n) *Hujus rei gratia reliqui te Cretæ, ut constituas per civitates Presbyteros. ad Tit. 1. v. 5.*

biis, fanciendis legibus, decidendis maioris momenti controversiis synodos coegerunt: (o) quandoque singuli præcepta sua auctoritate firmarunt: (p) exhortationibus imperia miscuerunt: (q) variaque præcepta promulgarunt. (r)

§. XIV.

Quoniam vero adlata hucusque testimonia Grotius de potestate suadendi, & declarandi solum intelligit, inque sensum a proprio genio, non a Spiritu sancto intentum detorquere non dubitat, (s) unum adhuc superesse adverto, quod breviter conficiendum adgredior: Apostolos nimirum eo regimine fuisse præditos, quod suo etiam

c 3

mo-

(o) *Convenerunt Apostoli videre de verbo hoc. Act. 15. v. 6.*

(p) *Hoc præcipio, non laudans, quod non in melius, sed in deterius convenitis. I. Cor. 11. v. 17. Cætera, cum venero, disponam. Loc. cit. v. ult. Scitis - quæ, præcepta dederim vobis. I. Thessal. 4. v. 2.*

(q) *Hæc loquere, & exhortare, & argue cum omni imperio. ad Tit. 2. v. 15.*

(r) *Præcipiens custodire præcepta Apostolorum. Act. 15. v. 41.*

(s) *Tract. de imper. sum. potest. circa sacra.*



modo jurisdictione, nec non congruæ coactionis jure gauderet, atque illo sese discollis verendum redderet. Aut quid aliud Apostolorum facta perorant, dum circa fidem naufragantes ejecerunt? (t) dum sceleribus notatos communione privarunt? (u) nec amplius benignos erga quosvis discollos semet exhibuerunt? (w) Quæ si æqua, atque ab imbibitis præjudiciis vacua lance librentur, non nisi veritatis inimicus fit oportet, cui non persuadeant, solis Apostolis ecclesiasticæ potestatis gubernacula esse concessa, eademque haud segniori manu illos pro sui officii munere administrasse, atque direxisse. Ecquis enim reverentiæ, primis fidei magistris ex alle debitæ, usque adeo oblitus sit, ut adfirmare non horreat, quod Apostoli absque potestate legitime conlata, sed frivolis solum manibus adrepta, Ecclesias instituerint, rectores eisdem præfecerint, tot ordinationes promulgarint, tam diris pœnis in peccantes animadvertierint,

(t) *Ex quibus est Hymenæus & Alexander, quos tradidi sathanæ. I. Tim. 1. v. 20.*

(u) *Ut tollatur de medio vestrum, qui hoc opus fecit. I. Cor. 5. v. 2.*

(w) *In promptu habentes ulcisci omnem inobedientiam. II. Cor. 10. v. 6.*

rint, atque regimen Ecclesiæ, ausu non tam temerario quam nefando, sibi adrogarint, insuper habitis, quin imo neglectis sublimioribus potestatibus, hujus mundi Principibus atque præpositis æque a Deo constitutis, imo ipsorummet juxta placita omni obedientia atque subjectione dignissimis, nisi ipse dominantium Dominus, in cujus manu potestas & imperium, eosdem vicaria potestate fungi voluisset, atque societatis a se fundatæ principes pro suo arbitrio ordinasset atque decrevisset?

§. XV.

Ut vero in præsens dicta pleniori in luce conlocentur, atque omnes dubitationis nebulas proprio fulgore dispescant, perpetuam, constantemque Ecclesiæ consuetudinem ut animo reputem, natum fore confido. Illa autem, qua S. Cyprianus ætate vixerat, id moris in Ecclesia inductum fuisse, ut Episcopi subjeutorum sibi cœtum habenas moderarentur, eo propius veritati adcedit: quo minus illud ipsum in dubium vocare Boehmerus præsumit, ipsa videlicet veritate testimonium perhibente, quam posse commoda quadam interpretatione per-



verti etiam felle saginatus desperavit animus. Ut vero S. Doctoris mentem penitius inspicere liceat, pauca recitemus: *Inde, quæ Cypriani labia sunt, per temporum & successionum vices Episcoporum ordinatio, & Ecclesiæ ratio decurrit, ut Ecclesia super Episcopos constitutur, & omnis actus Ecclesiæ per eosdem præpositos gubernetur.* (x) Hæresum autem, funestissimorumque Ecclesiæ schismatum rationem redditurus, huc totam causam rejicit: *Neque enim aliunde hæreses orta sunt, aut nata sunt schismata, quam inde, quod sacerdoti Dei non obtemperatur.* (y) Quæ sicut & alia, quæ ex S. Doctore adduci mererentur testimonia, quoniam plus placito lividos Boehmeri perstrinxere oculos, cuncta Episcoporum ambitioni tribuit, ejus impio folle effectum lamentans, quod gliscens in Episcoporum præcordiis domnandi adpetitus tandem in apertum incendium ipsis merito lacrimis restinguendum eruperit, omniaque jura tum conlegiis tum majestatibus propria perjuris flammis depastus sit. (z) Verum, quam adposite scribit

Ci-

(x) Epist. 33. (y) Epist. 55.

(z) Observat. select. ad Petri de Marca L. 1. c. 3. observ. 5. §. 7. & Jus paroch. sect. 1, c. 2. §. 37. & seqq.

Cicero : *Livor excæcat mentes hominum.* (a)
Dum, quod vir cætera eruditissimus perversis Cypriani impingit sæculis, illis multo antiquius, imo ipsis nascentis Ecclesiæ cunis coævum esse Clémentis, Ignatius, Irænaeus, & Tertullianus uno ore testantur. (*)
Quid enim præcipuis hisce primi & secundi sæculi Ecclesiæ Patribus frequentius, quidve solennius, quam obediendum esse Ecclesiæ præpositis : illis nos subditos esse oportere : nil sine Episcopi licentia audendum esse : nec nisi de præsidentium manibus Christi sacra roganda esse atque percipienda ? Quæ quidem si in Cypriani epistolis, etiam Boehmero adsurgente Episcoporum imperium & jurisdictionem celebrant, cur idem in antiquioribus monumentis præstare non valeant, necdum habeo. Tantum igitur abest, ut Cypriani temporibus ex orci caligine caput exerens ambitio sacros Ecclesiæ Præsules imperio dotarit, utpote quod Sacerdotum chorus semper tenuit : neque iniquitas vendicavit, quod Christus instituit, atque veneranda antiquitas semper certum habuit.

(a) L. 2. de offic.



(*) Clemens R. in illa celeberrima ad Corinthios epistola, etiam juxta eruditos ab omni amariore crisi libera, eosdem laudat, quod in Dei legitimis ambulassent, subditi præpositis suis. Quorum sub nomine Episcopus venisse, illorum temporum usus persuadet. Unde & Ignatius M. Epist. ad Trallianos, postquam præpositis, ut ipsi Christo, obedientiam exhibendam commendasset, subjungit: *Quid enim est aliud Episcopus, quam is, qui omni principatu & imperio, superior est!* Et epist. ad Magnes. Hortor, ut hoc vestrum sit studium, in Dei concordia omnia agere, Episcopo præsidente Dei loco. Ad Polycarpum vero scribens eundem monet, ut suam in omnibus potestatem ostendat: *Quare nihil sine tua sententia fiat.* Irenæus L. 4. advers. hæres. c. 43. ita suam mentem declarat: *Eis, qui in Ecclesia Presbyteri sunt, obedire oportet.* Presbyterorum vero vocabulum primi & secundi ordinis sacerdotibus illo ævo commune fuisse Natal. Alexand. Hist. Eccl. Sæc. IV. dissert. 44. Rupperecht ad Tit. de M. & O. q. dogm. n. 55. sat solide evincunt. SS. PP. effata insuper suo calculo Tertullianus L. de coron. milit. roborat, mores christianorum ita perscribens: *Nec de aliorum manibus, quam præsidentium Eucharistiam sumimus.* Unde constat, quod jam Tertulliani temporibus illi conventibus præfederint, quorum manibus synaxes distribuebantur, quod tamen, solum
absente


absente Episcopo , Presbyteri vel Diaconi officium fuit. Rupprecht loc. cit. n. 60.

§. XVI.

Hisce nonnisi cum reverentia terendis, christianus orbis ut insisteret, vestigiis, illud de duplici principatu propositum usque adeo solemne habuit, ut & subcrescens eidem adfurrexerit fidelium parens Ecclesia. Elegantissime hoc in argumento versatur Gregorius Nazianz. (b) de cujus oratione inter litteratos dubium hæret, utrum uberius sale christiano condita, an prolixius venustate dictionum & sententiarum exornata sit, in ea magistratibus denuntians: duo velut imperia a Christo in Ecclesia fuisse constituta: unum, quod sublimioribus potestatibus creditum; alterum vero, quod Episcopis commissum. Hoc illi ita dignitate præcedit, ut anima corpori, terrenis cœlestia. Par Gregorio est utraque potestas in imperandi jure, impar in mandatorum dignitate. Illi tranquillitas vitæ, huic animarum salus injuncta; neutrius vero libertas ab altera infringenda. Quare cum in sacrata ecclesiasticæ potestatis atria pedem inferret Con-

stan-

(b) Orat. 17.



stantius, eundem non solum Amianus Marcellinus, quamvis idolorum cultui addictus; sed Osius quoque Cordubensis Episcopus officii sui admonuit, ita imperii terminos perscribens, *Tibi Deus imperium commisit; nobis, quæ sunt Ecclesiæ, concedidit: Et quemadmodum, qui tuum imperium malignis oculis carpit, contradicit ordinationi divinæ; ita Et Tu cave, ne, quæ sunt Ecclesiæ, ad te trahens magno crimini obnoxius fias. Date, scriptum est, quæ sunt Cæsaris, Cæsari, Et, quæ sunt Dei, Deo. Neque igitur fas est nobis in terris imperium tenere, neque Tu thymiamatum Et sacrorum potestatem habes imperator.* (c) Pari fundamento nitebatur Ambrosius, de fide cum Auxentio in consistorio Principis verba facere dedignatus, atque hunc in modum iustitiam causæ defendens: *Nec quisquam contumacem me iudicare debet, hoc cum adferam, quod A. M. pater tuus non solum sermone respondit, sed Et legibus sanxit. — — Certe, si vel seriem scripturarum divinarum, vel vetera tempora retrahemus; quis est, qui abnuat, in causa fidei, in causa inquam fidei Episcopos solere de Imperatoribus christianis, non Imperatores de Episcopis iudicare? — — Si*
con-

(c) apud Athanas. epist. ad solit. vit. agent.

conferendum de fide, sacerdotum debet esse ista collatio. (d) Quum porro Maximus tyrannus cæso Gratiano Gallias occupasset, Romæque jamjam, totique Italiæ victor immineret, Justina Principis nomine jussa dedit, ut Arianis ab Ambrosio ipsorum restituerentur basilicæ. Verum iisdem armis impotenti fœminæ, Principis nomine extrema minitanti, Ambrosius restitit, oratione habita ita utriusque potestatis officia discernens: Nec mihi fas est tradere, nec Tibi accipere, Imperator! expedit. — — — Adlegatur Imperatori licere omnia, ipsius esse universa. Respondeo: Noli Te gravare, Imperator! ut putes, Te in ea, quæ divina sunt imperiale aliquod jus habere: noli te extollere; sed si vis diutius imperare, esto Deo subditus. Est scriptum: quæ Dei, Deo; quæ Cæsaris, Cæsari. Ad Imperatores palatia pertinent; ad sacerdotem Ecclesiæ: publicorum Tibi jus manium concessum est, non sacrorum. (e) Nec aliud Chrysostomi lego hac super re iudicium, qui ideo Ecclesiæ vincula contemni vetat, quia ipse Dominus Episcopis hanc ligandi potestatem contulit, atque ad tanti honoris

(d) L. 5. epist. 35.

(e) Epist. 20. Marcell. n. 16.

*ris fastigium elevavit. (f) Unde & alio in loco summa Principum imperia cum administratione rerum sacrarum ita confert, ut duo principatum genera esse decernat, quorum unum celebrat Apostolus, sublimioribus potestatibus omnium animas subdi præcipiens: altero vero, præpositis obediendum esse, persuadens. De utriusque palma autem ita discurret: *Iste autem principatus civili tanto melior est, quantum terra cælum, imo & multo magis: & non multa illi cura est de sæculari vita, omnia autem de cælestibus rebus pronuntiat.* (g) Hieronymus vero suam sententiam ita eloquitur: *In toto orbe decretum est, ut unus de Presbyteris electus superponeretur cæteris, ad quem omnis Ecclesiæ cura pertineret.* (h) Unum addo Augustinum, ad præsens propositum cæteris opportunius discurrentem: *Corripiantur a præpositis suis subditi fratres, correptionibus de charitate venientibus, pro culparum diversitate diversis, vel minoribus, vel amplioribus; quia & ipsa,**

(f) Hom. 4. in epist. ad Hæbr. relat. a Gratiano XI. q. 3. cap. *Nemo.*

(g) Hom. 15. in epist. II. ad Cor.

(h) In comment. c. 1. epist. ad Tit. Epist. 85. ad Evagr.

ipsa, quæ damnatio nominatur, quam facit episcopale iudicium, quæ pœna in Ecclesia nulla maior est, potest, si Deus voluerit, in correptionem saluberrimam cedere, atque proficere.
(i)

§. XVII.

Sanctorum PP. effata, SS. Pontificum testimonia excipiunt, Gelasii inprimis, hunc in modum Anastasium Imperatorem compellat: Duo sunt, Imperator Auguste! quibus principaliter mundus hic regitur; authoritas sacra Pontificum, & regalis potestas. In quibus tanto gravius pondus est Sacerdotum, quanto etiam pro ipsis regibus hominum in divino reddituri sunt examine rationem. Nosti enim, Fili clementissime! quod, licet præsideas humano generi dignitate, rerum tamen præsulibus divinarum devotus colla submittis, atque ab eis causas tuæ salutis expetis, inque sumendis cælestibus sacramentis eisque, ut competit, disponendis subdi Te debere dignoscis religionis ordine potius, quam præesse. Nosti itaque inter hæc ex illorum Te pendere iudicio, non illos ad tuam velle redigi voluntatem. (k) () Eidem*

(i) L. de corrept. & grat. c. 15. relat. a Gratian. XXIV. q. 3. cap. Corripiantur.

(k) Epist. ad Anast. Imper. apud Harduin. Tom. 4. Conc. col. 1182.



dem Augusto ob Accacii causam seipsum a communione fidelium refecanti Symmachus utriusque potestatis discrimen suo in apologetico proposuit: Conferamus autem, scribit Pontifex, honorem Imperatoris cum honore Pontificis: inter quos tantum distat, quantum ille rerum humanarum curam gerit, iste divinarum. Tu, Imperator! a Pontifice baptismum accipis, Sacramenta sumis, orationem poscis, benedictionem speras, penitentiam rogas, postremo Tu humana administras, ille Tibi divina dispensat. Itaque, ut non dicam, superior, certe æqualis honor est. (1) Et infra: Fortassis dicturus es, scriptum esse: omni potestati nos subditos esse oportere: nos quidem potestates humanas suo loco suscipimus, donec contra Deum suas erigunt voluntates: cæterum si omnis potestas a Deo est, magis ergo, quæ rebus est præstituta divinis. Defer Deo in nobis, & nos deferemus Deo in Te. Cæterum si Tu Deo non deferas, non potes uti ejus privilegio, cujus jura contemnis. (m) Et quid mirum? Gelasium & Symmachum tantas dixisse sententias, cum jam Felix III. regulæ adinstar Zenoni perscripserit, in causis Dei hujus mundi Principi-

(1) Symmachus epist. ad Eundem loc, cit. col. I 184.

(m) loc. cit.

cipibus solam obsequendi gloriam esse reli-
 ctam. Verba Pontificis sunt: Certum est,
 hoc rebus vestris esse salutare, ut, cum de cau-
 sis Dei agitur, juxta ipsius constitutum regiam
 voluntatem Sacerdotibus Christi studeatis subde-
 re, non præferre; & sacrosancta per eorum præ-
 sules discere potius, quam docere; Ecclesie for-
 mam sequi, non huic humanitus sequenda jura
 præfigere; neque ejus sanctionibus velle domina-
 ri, cui Deus voluit clementiam tuam pie devo-
 tionis colla submittere, ne, dum mensura cæle-
 stis dispositionis exceditur, eatur in contumeliam
 disponentis. (n) Felici per omnia Grego-
 rius II. consentit. Postquam enim Leoni
 Haurico unam jam inscripserat epistolam,
 in qua Imperatoribus lege divina ab eccle-
 siasticis abstinendum esse monuit, frustrato
 effectū alteram adjunxit, in illa idem ar-
 gumentum dignis tanto viro sententiis in-
 culcans: Non sunt Imperatorum dogmata, sed
 Pontificum: militarem, & quem ineptum habes
 sensum & crassum, in spiritualibus dogmatum
 administrationibus habere non potes. Ecce Tibi
 palatii & imperii scribo discrimen, Imperato-
 rum & Pontificum: agnosce illud, & salvare,
 nec contentiosus esto. — — Quemadmodum Pon-
 tificex

(n) Epist. ad Zenon. apud Harduin. Tom. 4. Conc.

*tifex introspiciendi in palatia potestatem non
 habet, ac dignitates regias deferendi; sic neque
 Imperator in Ecclesias introspiciendi, & ele-
 ctiones in clero peragendi, neque consecrandi,
 vel symbola Sacramentorum administrandi, sed
 neque participandi absque opera Sacerdotis; sed
 unusquisque nostrum, in qua vocatione vocatus
 est a Deo, in ea maneat. (o) Pari consilio
 Lotharium juniorem Austrasie Regem ab
 insanis Valdradae amoribus revocare Nico-
 laus I. studuit, dum eidem, sat acribus
 pro officio verbis, potestatis a Domino com-
 missae jura exposuit: Ceterum praecave, ne-
 quando nos secundum Domini praecceptum duos
 aut tres testes adhibeamus, imo vero, ne hoc
 Ecclesiae sanctae dicamus, &, quod non opta-
 mus, fias cunctis sicut ethnicus & publicanus.
 (p) Basilium vero Ecclesiae jura in causa Pho-
 tii invadentem, sequentibus coercebat Ste-
 phanus V. aliis IV.: Licet ipsius Christi Im-
 peratoris similitudinem geras in terris, rerum
 tamen humanarum & civilium tantum curam ge-
 rere debes, quod etiam precamur, ut ad mul-
 tos annos praestare valeas. Quo igitur pacto
 a Deo largitus es nobis terrenis rebus praesse;
 ita*

(o) Epist. 2. ad Leonem apud Baron. tom. 9. ad
 ann. 726.

(p) Epist. 51. Nicol. ad Lothar. Tom. 8. Conc.

ita etiam nos per principem Petrum spiritua-
libus rebus Deus præfecit. Accipe, quæso Te!
benigna fronte, quæ sequuntur: Datum est Ti-
bi curare, ut tyrannorum impietatem & feri-
tatem gladio potentia concidas, ut justitiam mi-
nistres subditis tuis, ut leges condas, ut terra
marique militares copias disponas: hæc est præ-
cipua cura potentia & principatus tui; gregis
vero cura nobis commissa est, tanto præstantior,
quantum distant a cælo ea, quæ in terris sunt.
(q) A suis prædecessoribus prolixius dicta,
duobus quasi verbis complexus est Leo IV.
dicens: Sicut Reges præsumt in causis sæculi;
ita Sacerdotes in causis Dei. (r) Merito proin-
fero, quod sicut Regum est, in rebus po-
liticis, per vim determinandi, tranquilli-
tatem reipublicæ procurare; ita etiam Ec-
clesiæ præsulum sit, in causis Dei per ea-
dem media finem sibi præfixum omnimodis
promovere, atque intendere. Quoniam
vero media ejusmodi vis determinandi im-
perio propria constituit, Ecclesiæ quoque
taliam competere non nisi malevolus inficias
ibit.

d 2

(*)

(q) Epist. Steph. V. ad Basil. Tom. 9. Conc.

(r) Apud Gratianum II, q. 7. cap. nos si incompe-
tenter.



(*) Hunc Gelasii locum Carolus & Ludovicus Gallia Reges in capitularia Regum Francorum retulerunt, ita quidem, ut ad rationem legis publicæ elevaretur. L. 5. capit. c. 319. Unde ejusdem authoritati haud leve pondus adjicitur.

§. XVIII.

Verum, ne Cicerones, solum pro domo sua perorantes, in testimonium adduxisse videar, ipsorum Cæsarum statuta subjungam, eo fortius pro rei veritate pugnatura: quo fuerint a propriæ utilitatis studio remotiora. Facem cæteris, sicut fidei ita & veritatis, Cunctantinus præfert, hisce verbis Nicænos Patres adlocutus: *Deus vos constituit Sacerdotes, & nobis dati estis Dii: conveniens non est, ut homo judicet Deos; sed ille solum, de quo scriptum est: Deus stetit in synagoga Deorum, in medio autem Deus judicet.* (s) Pari ratione permotus Valentinianus senior ab Hypatiano orientalium Episcoporum legato, pro restauranda fide a Constantio pessumdata, interpellatus respondisse legitur: *Sibi, qui unus e laicorum numero esset, non licere se ejusmodi negotiis immisce-*

(s) Apud Harduin. Tom. 1. Conc. col. 383.

miscere. (t) Quæ autem verbo testatus fuerat, rescripto constituit, fidei causas a Sacerdotibus judicandas esse eloquutus. Eandem quoque Valentiniano & Theodosio Impp. insedisse mentem acta ephesinæ synodi testantur, in qua Imperatoris lecta est epistola, ad Concilii Patres directæ: *Igitur Candidianum præclarissimum sacrorum domesticorum comitem ad sacram vestram synodum abire jussimus; sed ea lege & conditione, ut cum questionibus & controversiis, quæ circa fidei dogmata incidunt, nihil quidquam commune habeat; nefas est enim, ut qui sanctissimorum Episcoporum catalogo adscriptus non est, illum ecclesiasticis negotiis & consultationibus sese immiscere.* (u) Ne vero hucusque adlata testimonia solum de potestate legislativa & judiciaria intelligi contingat, vim quoque cogendi penes Ecclesiam esse, sat clara, quamvis singultibus intercepta voce apud Theodoretum fatetur Theodosius, ecclesiasticis Ambrosii vinculis constrictus: *At Imperator gemens in palatium reversus est, his verbis obtemperans, quippe, qui probe nosset, quæ Sacerdotum, quæ Imperatorum officia essent, —*

d 3 in

(t) Apud Sozom. L. 6. c. 7.

(u) Apud Harduin. in epist. ad synod. Ephes.
Tom. I. col. 1346.



ingemiscebat postea Imperator, quod Ecclesiæ aditu interdicto, clausæ essent cæli fores: memor enim sum, inquit, dominicæ vocis: quodcunque ligaveris super terram, erit ligatum & in cælis. (W) Unum adhuc Justinianum commemoro, in novella sua constitutione Joanni prætoriorum præfecto sua placita propinquantem: Si ecclesiasticum sit delictum, egens castigatione ecclesiastica & multa, Deo amabilis Episcopus hoc discernat, nihil communicantibus clarissimis provincie judicibus. Neque enim volumus talia negotia omnino scire civiles judices: cum oporteat talia ecclesiastice examinari, & emendari animas delinquentium per ecclesiasticam multam, secundum sacras & divinas regulas, quas etiam nostræ sequi non dedignantur leges. (X) Adductis vero his testimoniis, delicatioribus quoque ingeniis satisfactum reor, in ipsis Ecclesiæ primordiis fiduciam conlocantibus, ut ex illis argumentum non tam mutuent, quam dolo & arte parent, in primorum videlicet Imperatorum idololatriam atque impietatem rejicientes causam; quod nulla illis Christi Ecclesiæ dirigendæ cura fuerit demandata; Principibus tamen, sacris christianorum inunctis, eo securius injun-

(W) Apud Theodoretum L. 5. c. 17.

(X) Novell. LXXXIII.

jungenda : quo certius potestate quoque politica foret statuminanda. Quis enim Constantinum, utrumque Valentinianum, Theodosium, Marcianum, Justinianum, aliosque, quos ob pagellarum angustias silentio involvi, paganos futurosque Ecclesiæ hostes pronuntiare non horruerit, quos tamen ipsos in divinis omni jurisdictionis exercitio abstinuisse legimus ?

§. XIX.

His necdum contenti Anglo-Britanni, ad Judæorum Synagogam provocant, in ea omnem potestatem tum sacram, tum profanam penes Regem fuisse garrientes, atque concludentes : etiam in christiana republica non solum, si exterioris disciplinæ articuli, sed etiam si fidei causa pertractetur, imperii summam competere Principi, ea tamen conditione, ut Episcoporum consilium non respuat, prout & Judæorum Nasi magni Synedrii consiliis uti debuerat. Verum in Judæorum sacris jure peregrinos dixero, qui eorum Nasi præter belli gerendi, imperiique administrandi causam liberam solutamque copiam faciunt. Quin neque in his quidem teste Josepho, qui



inter cætera Mosis instituta hoc quoque recensuit: *Ne Rex aliquid ardui ageret, nisi ex Pontificis atque Senatorum sententia.* (y) Unde etiam in Hebræorum moribus, sacrificiorum, rerumque sacrarum in templo administratio penes solos Pontifices erat. (z) Communem tamen & Nasi, & Pontifices jurisdictionem exercebant, quæ vel de sacris, vel de profanis rebus oriebantur contentiones, quin ullum exinde firmum argumentum erui possit; longe enim disparerem, Synagogam inter & Christi Ecclesiam, rationem currere inde dignoscitur, quod in Synagoga per Mosis institutum tum sacræ tum politicæ fuerit confusa atque permixta jurisdictio potestatis, quæ tamen in ecclesia per disertum Christi oraculum, traditione firmatum, fuit sejuncta atque discretata. Nec ergo de Principe nec de Sacerdote est, quod sperent Anglo Britanni, utriusque dignitatem potestatemquen ex judaicis institutis metientes, quæ tamen circa judicia & cæremonias antiquata & cum Synagoga sepulta fuisse, utpote ecclesiæ
per

(y) L. de rationis imperio. c. 10.

(z) *Amarias Sacerdos & Pontifex vester in his, quæ ad Deum pertinent, præsidebit.* II. Paralip. 19. v. 11.

per Christum fundandæ umbras atque figuras, nemo nisi volens ignorat. Quo fit, ut ecclesiastici directio imperii illis solummodo viris vendicanda veniat, quos ipse christianæ societatis Author huic muneri præfecit, quosque Ecclesia errare nescia, suorum instar principum semper habuit; quorum vero in sortem nunquam Cæsares vocavit, tranquillitati externæ civium procurandæ pro suo officio intentos; verum Apostolos, utpote ab ipso Christo Domino tanquam ministros & dispensatores mysteriorum suorum constitutos.


§. XX.

Præstitutis mox argumentis confectum tandem esse opinor, nonnisi apostolicis manibus ecclesiastici, regiminis sceptrum debere, eo magis, quo certius scriptores romanæ Ecclesiæ devotos ad unum omnes consentientes habeo; circa hoc tamen inter se confisos: num Christus per seipsum, an per Petrum vicaria conlatione eadem ipsis consignare dignatus sit? pro Christi favoribus decertante Bellarmino, (a) aliisque,

d 5

que,

(a) L. 4. de rom. Pontif. c. 23.



que, quibus Scripturæ verbis pressius insistere placuit: pro Petro vero perorante Jacobatio (b) cum non adeo multis, Cephæ potestati tam amplos fines decernentibus. Totam denuo controversiam divinis ex oraculis absolvendam esse, eo levius relinquitur dubium: quo indubitatus totum negotium divina juxta placita confectum fuisse dignoscitur.

§. XXI.

At vero, si missionis factæ, si conlatæ potestatis in sacris litteris memoria recurat; si, quod humani generis Salvator discipulos in participium sui Sacerdotii, Sacerdos ipse in æternum, vocaverit, mentio fiat, singula capita ipsamet Christi dignatione peracta fuisse, vel per hoc in aprico ponitur, quod ipse Dominus, si ante passionem potestatis ecclesiasticæ fundamenta ponens, si post resurrectionem ejusdem exercitium concedens, Petri opellam, absit, ut adhibuerit, quin etiam communi nec discriminata forte ad omnes, quos sibi Apostolos selegit, dixerit: *Eun-*
tes

(b) L. 10. de conc. art. 7.

tes autem prædicæte, dicentes: quia appropinquavit regnum cælorum. (c) Nec disparem missionis conditionem innuerit, circa hoc hoc negotium ad Patrem conversus: Sicut me misisti in mundum, ita & ego eos misi in mundum, & pro eis sanctifico meipsum, ut sint & ipsi sanctificati in veritate. (d) Quare etiam, dum suis discipulis potestatem clavium contulit, atque regalis Sacerdotii honores decrevit, non Petri, sed propriis verbis corporis sui tum veri tum mystici, quod est ecclesia pro adglomeratione fidelium sumpta, singulis potestatem fecit, inquiens: Quæcunque alligaveritis super terram, erunt ligata & in cælo: & quæcunque solveritis super terram, erunt soluta & in cælo. (e) Hoc est corpus meum, hoc facite in meam commemorationem. (f) Unde etiam transiturus ad Patrem, eadem ipse repetit oracula: Euntes in mundum universum docete omnes gentes, baptizantes eos. (g) Sicut misit me Pater, & ego mitto vos. Hæc cum dixisset, insufflavit & dixit: accipite spiritum sanctum, quo-

(c) Matth. 10. v. 7.

(d) Joan. 17. v. 19.

(e) Matt. 18. v. 18.

(f) Luc. 22. v. 19.

(g) Matth. 28. v. 19.



quorum remisistis peccata, remittuntur eis: Et quorum retinueritis, retenta sunt. (h)

§. XXII.

Non tamen contemnendum de sacerdotio conlato relinquitur dubium, Joanne de Turrecremata plus cæteris sapiente, atque adfirmante, solum Petrum episcopalibus muniis consecratum a Domino; cæteros vero Apostolos Petri manibus ad tanti honoris fastigium fuisse elevatos. (i) Quo in proposito etiam facile consentientem habere meruit Bellarminum, geminisque potissimum argumentis suum, quod ponere placuit, adsertum subcollantem. (k) Utrumque autem ex Apostolorum factis mutuatur, quorum testimonio & Paulum & Jacobum Hierosolymorum Episcopum per manus ab Ecclesiæ ministris impositas, episcopali dignitate dotatos fuisse constat. Quoniam vero Pauli testimonium e diametro videtur oppositum testantis: *Qui videbatur aliquid esse, nihil mihi contulerunt; (l)* per dictam modo

(h) Joan. 20. v. 21.

(i) L. 2. de Eccl. c. 32.

(k) L. 1. de R. P. c. 23.

(l) ad Gal. 2. v. 6.


modo manuum impositionem non Episcopatus ordinem, sed ad particulares provincias missionem fuisse designatam persuasum habeo, eo magis: quo aptius ad propositum Eusebius, de Jacobi ordinatione verba faciens, ex Clementis narratione græco verbo *ἐλεται* utitur, (m) quod idem ac *eligere* indigitat, ita ut sensus prodeat: Jacobum ad Hierosolymitanam diœcesin regendam specialiter fuisse electum atque designatum; sicut & Paulum ad prædicandam illis provinciis fidem catholicam, quas in Apostolorum actis recensitas legimus. (n)

§. XXIII.

Nec plus præsidii in illo argumento reperiri autumo, vi cujus romana Ecclesia omnium Ecclesiarum matrix unanimi veterum suffragio veneranda adseritur. Quis enim hoc ex fonte Apostolorum, cæterorumque, quos christianus orbis agnoscit, Episcoporum ordinationes, Petri favoribus in acceptis referendas esse, deducet, anireputans, ex eo solum majorem, quam
Iræ-

(m) L. 2. hist. c. 1.

(n) a cap. 13. ad 15. v. 37.



Irænæus insinuat, principalitatem, non vero monarchicam regiminis formam concludi? (o) Nec mea isthæc est adfertio, quam toties in SS. Patrum tabulis exarata deprehendo, quibus illud erat frequentissimum, usuque firmatum, ut illas, quæ Metropoles erant, Ecclesias Matris vocabulo condecorare non dubitarent. (*) Totam igitur matricis Ecclesiæ gloriam in eo reposuisse videtur antiquitas, ut eidem Metropoleos prærogativas adfereret, ea fere ratione, ut, quemadmodum civitas, quæ Metropolis civilis erat uniuscujusque provinciæ, cæterarum quoque ejusdem provinciæ urbium caput existeret: pari honore Episcopus, qui illi præesset civitati, cæterorum in eadem provincia caput, vertexque foret Episcoporum. (p)

(*) In exemplum Tertullianus adduci meretur, qui omnes Ecclesias, ab Apostolis fundatas, matrices prædicat L. de præscript. c. 21. *Si hæc ita sunt, constat proinde, omnem doctrinam, quæ cum illis ecclesiis apostolicis matricibus & originalibus fidei conspiret, veritati deputandum, id sine dubio tenendum, quod Ecclesiæ*

(o) L. 3. ad vers. hæres. c. 3. de Eccl. rom. fundat.

(p) Thomas. de V. & N. Eccl. discipl. P. 1. L.

1. c. 3. n. 1.

eclesie ab Apostolis, Apostoli a Christo, Christus a Deo suscepit. Gregorius Nazianz. epist. 30. Cæsaream Cappadociae omnium Ecclesiarum Matrem ideo adpellat, quia totius Cappadociae Metropolis erat: Igitur cujuslibet quidem Ecclesie tanquam corporis Christi habenda est ratio, maxime vero nostræ, quæ prope mater est omnium Ecclesiarum & fuit ab initio, & nunc quoque est, & nominatur, quam christiana respublica, velut centrum suum circulus, undique observat. Eundem in sensum etiam Basilii epist. 50. ad Athanasium scribit: Melotium Patriarcham Antiochenum universo corpori Ecclesie præesse, & fide ac vita irreprehensibilem esse, reliquos nulla ratione cum eo posse comparari. Patres quoque synodi CPæ, in epist. Synod. ad Damasum R. P. Ambrosium & Brittonem, hierosolymitanam Ecclesiam aliarum omnium matrem efferunt, teste Theodoret. L. 5. hist. c. 9. Hieronymus vero de eadem Ecclesia mentionem ingerens c. 2. in Esaiam scribit: Sed & in Hierusalem primum fundata Ecclesia totius orbis Ecclesias seminavit. Celebris pariter est de origine Ecclesiarum matricium Petri de Marca locus L. 6. conc. c. 1. n. 3. ubi ait: Observatum id ab Apostolis in infantia Ecclesie: qui sapienter in Ecclesia retinuerunt civilem romani imperii dispositionem, in quo Dei religio facilius suscepta est, quam apud gentes Barbaras: adeo, ut cum imperii corpus in provincias tributum esset, orbem quoque & ipsi ecclesiasticum in provincias partiti



partiti sunt. Rursum cum in imperio provin-
cia contributa essent cuidam civitati primariae,
quae metropolis dicebatur, apud quam magistra-
tus subiectorum causas judicabant, & quo pro-
pterea populi conveniebant frequentius, quod
singulari quodam jure ceterae civitates a matri-
ce penderent, Apostoli itidem Episcopos in ci-
vitatibus constituerunt, eo videlicet ordine, ut
penderent ab Episcopo in metropoli sive urbe
primaria collocato. Quae vero Ecclesiae ab Apo-
stolis praeter ceteris tanquam matrices fuerint
constitutae L. 1. c. 3. n. 2. pluribus deducit.
Consequitur proin, Ecclesias matrices ab il-
lis, quas modo metropoliticas dicunt, haud
fuisse diversas.

§. XXIV.

Adductis adversantium nobis hac in
parte argumentis, ut abundantius satisfa-
ciam, illud notasse juverit: Judae Iscario-
tae certe non a Petro manus fuisse imposi-
tas, quem tamen Episcoporum gloria in-
signitum fuisse vel ipsius Petri testimonium
perorat aientis: Judam cum Apostolis con-
numeratum, eandemque cum illis fuisse
sortem sortitum. (q) Unde & alium in ejus
locum suffici postulat, testem resurrectio-
nis

(q) Act. 1. v. 17.

nis Christi, hac ratione ductus: Scriptum est enim: *Episcopatum ejus accipiat alter.* (r) Cui argumento, quantum deferendum foret, Bellarminus pro sua, qua pollet, ingenii acie optime perspectum habens sequenti verborum pondere illud deprimere nititur: *Ad illud de Judæ Episcopatu respondeo, in Psalmo 108. vocari Episcopatum non id, quod nunc proprie vocamus Episcopatum, sed præfecturam quamcunque; est enim in hebræo PEKUDAH, quod visitationem, seu præfecturam significat, & credibile est, Petrum hebraice allegasse hunc Psalmum, & nomen illud præfecturæ ad Apostolatum Judæ accommodasse. Lucas autem hæc referens græce secutus est LXX. interpretes, qui vertunt τὴν ἐπισκοπὴν. Quæ voce LXX. non potuerunt intelligere, nisi præfecturam in genere, cum non esset ipsorum tempore Episcopatus proprie dictus adhuc institutus. Adde, quod etiam Cicero L. 7. epist. ad Atticum hoc nomine utatur, cum dicit se a Pomponio totius Campaniæ episcopum constitutum. Potest etiam responderi, Psalmum istum loqui de Episcopatu proprie dicto, non quem Judas habuit, sed quem erat habiturus, si Dominum non prodidisset.* (s) Verum sint per me ista
e
sat

(r) Psalm. 108. v. 8.

(s) Loc. cit.




fat præclare dicta, utinam etiam intentioni Spiritus sancti ex asse conformia! Variis episcopatus vocabulum interpretationibus obnoxium esse, apud Scripturæ interpretes passim lego, (t) ut adeo vel dubitare ignorantiam proderet. Quem vero sensum Propheta intenderit, vel ipsa, quæ discussioni subiecta est, materia eloqui videtur. De illo enim Episcopatu Propheta recte intelligitur, qui Juda prævaricante ab alio supplendus a Petro proponitur; qui non alteri, quam apostolicæ conveniret dignitati, atque cuius conlatio Ecclesiæ arbitrio relinquitur. Quæ ad rationis regulam vocata non cuicunque præfecturæ quadrare videntur, ut de profana ne mentionem ingeram, utpote spiritui ecclesiæ aliunde contraria. Quodsi ergo mox dicta de præfectura solum ecclesiastica intelligenda veniant, eadem præfecturæ episcopali recte aptari vel inde confectaneum fit, quum alia eo sanius nesciatur: quo magis Episcopos Ecclesiæ prælatos atque speculatores constisutos esse, persuasum habetur. Illud
unum

(t) Lorin. expof. in Psal. 108. v. 8. Cornel. a Lap. eod. loc. Salmeron. tom. 12. tract. 9. ad fin.

e 2

tem-

(u) Act. I. v. 24. & seqq.



temporis differentia eventus emergat, pro qua prophetæ intelligitur vaticinium. Ut adeo ea, quam de Episcopatu proprie dicto Bellarminus format, expositio, cæteris Scripturæ locis multum videatur conformior atque planior, fors hiulca tamen; dum Judam Episcopatus infula condecorandum scribit, nisi prodicionis, qua magistrum tradidit, macula tantam deturpasset gloriam. Verum enimvero nullam profecto conditionem nec propheta regius, nec etiam Petrus adjunxit, dum absque ullis anfractibus Judæ Episcopatum ab alio accipiendum esse, spiritu adflati divino, eloquuntur. Quo autem pacto in Judæ Episcopatum quispiam sufficitur, qui nunquam exstitit? cui Judas nunquam præfuit? cujus munia vel ipse ignoravit? Utrum vero prævaricatione non admissa tanto honore dignus fuisset habitus, eadem ratione ambiguum est, moneute Duguetio : *Nihil decrevit aut permisit Deus pro eo statu, qui futurus non erat; Et si nihil decrevit aut permisit, hæc omnia figmenta sunt nostræ phantasie, cui quanto minus fræna laxantur, tanto melius, sapientiusque est.* (w) Judam igitur episcopali præfectura conspicuum

(w) expof. de Gen, tom, I. c. 3, v. 6.

cum fuisse non incongrue dicitur, utpote a Domino electus Apostolus ad prædicandum cum cæteris missus: (x) potestate curandi infirmos, regnumque Dei adnuntian- di instructus: (y) Christi sacerdotio initia- tus, (z) imposita insuper, idem officium aliis quoque conferendi, obligatione. (a) (*) Hisce rite perpenſis plures doctrina ce- leberrimi viri, quos Salmeron adducit, (b) in eam abi-ere ſententiam, ut omnes Apo- ſtolos in ultima cœna a Chriſto non Sacer- dotes modo, ſed & Episcopos a Domino ordinatos fuiſſe ſuſtinerent, inde moti: quod ibidem in illos omnis episcopalis dig- nitatis prærogativa fuerit translata, pari- que ſorte cunctis concredata.

(*) Chriſtum per illa verba: *hoc facite in meam commemorationem*: verbum N. L. ſacrificium inſtituiſſe, ejusque oblationis uſum uſque ad finem mundi præcepiſſe, dubio caret. Quo- niam vero idipſum ſolum Sacerdotum mani- bus perfici voluit, per præſtituta verba Apo- ſtolis, alios quoque ordinandi munus injun- xiſſe, pluribus placet.

e 3

§. XXV.

(x) Matth. 10. v. 7.

(y) Luc. 10. v. 9.

(z) Luc. 22. v. 19.

(a) Loc. cit.

(b) Tom. 12, in cap. ult. Lucæ, & cap. 1. Act.

§. XXV.

Ut vero ad illud, unde me paululum disgressum adverto, propositum redeam, Apostolos non mediante Petro, sua, qua gavisi sunt, potestate fuisse præditos, illi potissimum Scripturæ testimonio, tanquam inconcusso fulcro inniti, confido, quo Christus resurgens ex mortuis in medio discipulorum stetisse creditur, dicens: *Pax vobis. Sicut misit me Pater, & ego mitto vos. Hæc cum dixisset, insufflavit & dixit eis: accipite Spiritum sanctum, quorum remiseritis peccata, remittuntur eis, & quorum retinueritis, retenta sunt.* (c) Quo ex oraculo Apostolos pari autoritate missos, Spiritu sancto plenos, atque potestate clavium instructos eo certius conligimus: quo plures per hæc verba Apostolos ab ipso Domino primi ordinis presbyteros fuisse constitutos, licet quoad cætera contrarii, coguntur fateri, in eandem quoque sententiam abeunte Anacleto apud Gratianum, (*) atque hunc in modum suum iudicium proferente: *Petrus ligandi atque solvendi potestatem primus accepit a Domino, primusque ad fidem populum virtute sua prædicationis adduxit, cæteri vero Apostoli*
cum

(c) Joan. 20. v. 20.

cum eodem pari consortio honorem & potestatem acceperunt, ipsumque principem eorum esse voluerunt, qui etiam, iubente Domino, in toto orbe dispersi Evangelium prædicaverunt. (d)

(*) Dum præsentem Gratiani locum recito, abfit, ut ejus robur ex Anacleti autoritate repetam, probe gnarus, primum in cujusdam Isidori cerebro hanc epistolam esse natam. Quare in tantum unice adductum Gratiani textum pugnare contendo, in quantum Cypriani L. de Unit. Eccl. verba refert, atque locum in Gratiani decreto obtinuit, cui communis saltem utriusque potestatis receptio in Germania magnam auctoritatem adjecit teste cl. Riegger Instit. jurispr. eccl. P. I. sect. 4. c. 6. §. 536. aliisque plurimis.

§. XXVI.

Ea jam veræ Christi Ecclesiæ fors est, atque conditio longe exoptatissima, quod finem pati nescia, usque ad consummationem sæculi perstitura, (e) regnumque ejus absque fine futurum (f) divinis eloquiis adferatur, propriis idipsum verbis confirman-
te Augustino, qui ita Ecclesiam, Donatum

e 4 per

(d) dist. 21. can. 2.

(e) Matth. ult. v. 20.

(f) Luc. 2. v. 33.

perstringentem, inducit; *Quamdiu ero in isto sæculo, annuntia mihi propter illos, qui dicunt: fuit & jam non est. — — Apostatavit & periit Ecclesia de omnibus gentibus, — — & annuntiavit. Nec vacua fuit vox ista. Quis annuntiavit mihi, nisi ipsa via? Quomodo annuntiavit? Ecce ego vobiscum sum usque ad consummationem sæculi.* (g) Hæc dum seria mente perpenderet Melchior Canus, Ecclesiæ quoque principatum nullis temporum angustiis constringi invicta consequutione deduxit, ajens: *Regnum Christi futurum erat æternum: ergo & Ecclesiæ quoque principatus non fuit temporalis.* (h) Cessent proin novatorum, Calvini præprimis, (i) atque helmstadiensis apostatæ somnia, dum prædestinatorum etiam Ecclesiam, non tam temporum injuriis, quam hominum vitiis dissipandam atque evertendam esse contendunt, illius Christi oraculi quasi inmemores: *Ecce ego vobiscum sum usque ad consummationem sæculi.* (k) Nulla proin nocebit perversa iniquitas, talis quando pastor invigilat: nullus error Ecclesiæ maceriam destruet, quæ petra tanquam

(g) Enarrat. in Psalm. 101.

(h) de locis Theol. L. 6.

(i) L. I. instit. c. 2.

(k) Matth. ult. v. 20.

quam fundamento gaudet, nec ulla ventorum rabies Petri naviculam merget, dum ille, cui venti & mare obediunt, gubernacula tenet, docente Ambrosio: *Navem Ecclesiam debemus accipere, in salo mundi istius constitutam, quæ crebris ventorum fluctibus, id est, tentationum plagis & verberibus fatigatur, quam turbidi fluctus, id est, hujus sæculi potestas conatur ad saxa perducere. Quæ, etsi undarum fluctibus aut procellis sæpe vexatur, tamen nunquam potest sustinere naufragium, quia in arbore ejus, id est, in cruce Christus erigitur, in puppi Pater residet gubernator; proram Paracletus servat spiritus. Hanc per angusta hujus mundi freta duodeni in portum remiges ducunt, id est, duodecim Apostoli. (1)*

§. XXVII.

Quoniam vero Apostolos nulla immortalitatis prærogativa donatos fuisse constat, utpote communi nobiscum sorte mundi hujus theatrum ingressos, atque tanquam filios iræ eidem ferali mortis decreto subiectos; alios proinde horum in defectu viros fuisse constitutos, quorum in humeros pa-

e 5

stora-


(1) L. de Salomone c. 4.



storalis officii munus exonerarent, abunde datur intelligi. Hisce jam ea sollicitudo curaque pastoralis debet incumbere, ut prouti Apostoli legatione Dei fungerentur, exigente idiplum provido Ecclesiæ regimine, ne fides christiana, totius corruptæ naturæ immutationem anhela, cujuscunque arbitrio disjudicanda, aut interpretanda concedatur, insuper habita omni geniorum, educationis, morum, ipsiusque vitæ discrepantia, eo majori adnisu per præstitutum nuper jus determinandi, in ordinem cogenda: quo liberius quilibet suo genio indulget, perversamque, nec non in omne malum pronam naturam laxatis habenis insequitur: ut illud nequidem commemorasse lubeat, hac agendi ratione, millenis perturbationibus in statu Ecclesiæ oriundis, fecundissima, errantibus omne fidus obnubilari, quo minus illius sub auspiciis in viam salutis redire valeant, deficiente nimirum clavium potestate, quarum adminiculo regnum cœlorum, noëvis etiam per fragilitatem humanam contractis obserratum, aperiri, atque vincula ejusdem ingressum prohibentia dissolvi possent, constitutis utpote ad hoc ministerium solis Apostolis, ut superius sat prolixè exhibitum est. Quare, nisi

nisi vera daretur Apostolorum successio, nulla amplius Ecclesiæ potestas foret, & quod inde conligere pronum, eadem, quæ Christi & Apostolorum temporibus Ecclesia fuit, haud amplius inveniri posset, præter illud, quod Christus fallendi expers toties disertis ore eloqui dignatus est, Ecclesiæ ceu sponsæ dilectissimæ nullos durationis terminos prætigens, eosque fore perpetuos repetitis vicibus contestans, quin nec ullis hostium insultibus, sæpius fors eo magis timendis quia domesticis, perfringendos, perrumpendosve. Unde etiam, ut hujus mali vel umbram tolleret, fideique, quod religionis christianæ palmare caput est, regulam nullis arietibus concutiendam constitueret, *Ipse, ut Pauli verbis loquar, dedit quosdam Apostolos, quosdam autem Prophetas, alios vero Evangelistas, alios autem Pastores, & Doctores ad consummationem sanctorum, in opus ministerii, in ædificationem corporis Christi, donec occurramus omnes in unitate fidei & cognitionis filii Dei.* (m) Quo ex Apostoli testimonio illud limpidum fieri censeo, non prius defuturos Ecclesiæ ministros, ordinatione divina segregatos, donec occurramus
omnes

(m) Ephes. 4. v. 11.



omnes in unitate fidei, & cognitionis Filii Dei, unumque ovile & unus pastor fuerit. Hoc vero temporis punctum non sine mundi antiquius, sed cum eodem advehendum fore præter Hieronymum, Augustinum, Damascenum, omnes, qui exponendis difficilioribus Scripturæ legibus suam navarunt operam, sat erudite ostendunt, in hunc textum commentantes. Ut igitur nihil eodem jure concludere prohibeat, etiam Apostolorum successores nunquam defecturos, quorum sacratis manibus opus ministerii perficiatur, quibusque corpus Christi indefessa, nec mercenariis sueta solertia ædificare incumbat, pari etiam hunc in finem potestate & autoritate præditis, ut ea omnia disponere satagant, quæ pastoralis cura, bonumque Ecclesiæ ipsis concreditæ postularit, siue leges ferendo, siue membra putrida resecando, omni, quo dabitur conatu promovendum atque statuminandum.

§. XXVIII.


Porro in Episcopos plenam apostolicæ successionis gloriam esse transfusam, eo securius extra omne dubium videtur positum: quo minus etiam a nostris sacris alieni in
idem

idem placitum concedere hærent (n) vel inde de veritate persuasi : quod nec ipsi Apostoli ejusmodi viris inanem solum nominis speciem sine potestatis confortio, cassa nuce & vilissimo putamine viliorem, contulissent, nec ipsimet hi viri, vere apostolici, solas vocabuli labruscas ostentare adtentassent, nisi sicut tituli gloria, muneris quoque & officii ad eos devoluta fuisset sarcina, ut proin sicuti nominis, (*) ita & pastoralis officii Episcopos hæredes merito pronuntiarim.

(*) Episcopos in primitiva Ecclesia etiam Apostolos fuisse adpellatos ex Theodoretis discimus, qui authorem commentariorum in epistolas Pauli sequutus hæc scribit in epist. I. Tim. c. 3. v. 1. *Eos qui posterioribus ævis Episcopi dicuntur, illos tunc Apostolos vocabant, procedente vero tempore apostolatus nomen veris Apostolis reliquerunt, episcopatus vero appellationem illis, qui olim Apostoli dicebantur, imposuerunt. Sic Philippensium Epaphroditus, Cretensium Titus, Asianorum Timotheus Apostoli erant.*

§. XXIX.

(n) Bingham Vol. 1. orig. eccl. L. 2. c. 2. Beveregius in C. can. primit. eccl. c. 2.



§. XXIX.

Et quidni idipsum adferam, quod veneranda antiquitas suis semper comprobavit calculis? ut adeo sub ipsis Ecclesiæ incubulis se constituti hujus memoria prodat, cum Petro in sede romana Linum, in antiochena vero Evodium successisse: dum Smyrnæ Polycarpum Joanni subrogatum, & Alexandria Anianum Marci locum tenuisse, totius christianæ historiæ documentis, omnibusque antiquitatis vestigiis testatum habemus: scribit enim de Petro Clemens (*): *Episcopos ergo vicem Apostolorum gerere Dominum docuisse dicebat, & reliquorum discipulorum vicem tenere presbyteros debere insinuabat: nullum etiam presbyterum in alicujus Episcopi parochia aliquid agere debere absque ejus permissu docebat. Sed & cunctos presbyteros omnibus Episcopis in omnibus absque mora obedientes instituyente Domino esse debere docebat. (o)* Et alio in loco: *Dominus noster mittens vos vice sua in loco Apostolorum ad prædicandum præcepit vobis docere omnes, omnesque vobis fideliter obedientes, ut ipsi, existere. (p)* Nec sequentibus temporum intervallis alia Patrum

(o) Epist. ad Jacob. fratr. Dom.

(p) Epist. 3. ad Episc.

trum exstiterē senſa. Sæculo enim II. Iræ-
 næus Hyginum nonum locum episcopatus per
 ſucceſſionem ab Apoſtoliſ habuiſſe, teſtatur. (q)
 Et infra: Traditionem apoſtolicam per ſucceſſio-
 nem preſbyterorum (***) in Eccleſiis cuſtodiri.
 (r) Cui ſæculo III. exacte Tertullianus con-
 ſentit: Edant, inquiens, hæretici origines
 Eccleſiarum ſuarum; evolvant ordines Episco-
 porum ſuorum, ita per ſucceſſiones ab initio de-
 currentem, ut primus ille Episcopus aliquem ex
 Apoſtoliſ vel apoſtolicis viris, qui tamen cum
 Apoſtoliſ perſeveraverint, habuerit authorem vel
 antecēſſorem: Hoc enim modo Eccleſiæ apoſtolicæ
 cenſus ſuos deferunt, ſicut Smyrnæorum Eccleſia
 Polycarpum a Joanne collatum refert, ſicut Ro-
 manorum Clementem a Petro ordinatum edit.
 Perinde utique & cæteræ exhibent, quos ab Apo-
 ſtoliſ in episcopatum conſtitutos apoſtoliſ ſemi-
 nis traduces habent. (s) Firmilianus ſua ſuper
 hoc negotio ſenſa hunc in modum Cypria-
 no exponit: Potestas ergo remittendorum pec-
 catorum Apoſtoliſ data eſt, Eccleſiis, quas illi
 miſſi a Chriſto conſtituerunt, & Episcopis, qui
 eis ordinatione vicaria ſucceſſerunt. (t) Nec mi-
 nus

(q) L. I. adverſ. hæref. c. 28.

(r) L. 3. c. 2.

(s) L. de Præſcript. c. 32.

(t) Epist. 75. inter Cyprian.

nus celebris est Cypriani locus, quo Cornelio Romæ Episcopo conlegarum officia perscribit: *Hoc vel maxime frater laborare debemus, ut unitatem a Domino & per Apostolos nobis successoribus traditam, quantum possumus, obtinere curemus.* (u) In concilii vero carthaginensis confessu ita Episcopos adloquitur: *Apostolis nos successimus, eadem potestate Ecclesiam Dei gubernantes.* (w) Cui in eodem confessu ad votum Clarus a Muscula Episcopus respondit: *Manifesta est Domini nostri Iesu Christi sententia, Apostolos suos mittentis, & ipsis solis potestatem a Patre datam permittentis, quibus nos successimus eadem potestate Ecclesiam Domini gubernantes.* (x) Sæculo IV. S. Pacianus eodem prorsus modo rem edifferit, fatum nulla admiratione dignum reputans, si Apostoli Episcopis nomen suum dederint, quum Christus suo eosdem insignire non dedignatus sit: *Ius illud nobis, ut Apostolorum cathedram tenentibus, negabit, qui Episcopis etiam unici sui nomen indulgit? Nemo Episcopum hominis contemplatione despiciat. Recordemur, quod Petrus Apostolus Dominum Episcopum nominavit: sed conversi, inquit, modo*
ad

(u) L. 3. c. 9. alias epist. 42.

(w) In præfat ad PP. concil. carthag.

(x) Apud Cyprian. in suffrag. Clari a Muscula.

ad Episcopum & Pastorem animarum nostrarum.
 Quid negabitur Episcopo, in quo nomen Dei
 operatur? (y) Hieronymus Episcoporum ho-
 norem eodem argumento contra Montani-
 stas defendit: *Apud nos Apostolorum locum*
Episcopi tenent, apud eos Episcopus tertius est.
 (z) Alio vero in loco scribit: *Fuerunt, o*
Ecclesia! Apostoli patres, quia ipsi te genuerunt.
Nunc autem illi recesserunt a mundo, ha-
bes pro iis Episcopos filios, qui a te creati sunt.
Sunt enim & hi patres tui, quia ab ipsis re-
geris. Constitues eos super omnem terram. Con-
stituit Christus sanctos suos super omnes popu-
los. In nomine enim Dei dilatatum est Evan-
gelium in omnibus finibus mundi, in quibus prin-
cipes Ecclesiae, id est, Episcopi constituti sunt.
 (a) Nec aliam interpretationem eidem Psal-
 tis regii loco saeculo V. Augustinus adtri-
 buit: *Patres missi sunt Apostoli, pro Apostolis*
fili nati sunt tibi, constituti sunt Episcopi.
Hodie enim Episcopi, qui sunt per totum mun-
dum, unde nati sunt? Ipsa Ecclesia patres illos
appellat, ipsa illos genuit, ipsa illos constituit
in sedibus patrum. Non ergo te putes deser-
tam, quia non vides Petrum, quia non vides
 f Pau-

(y) Biblioth. PP. Tom. 4. epist. 1.

(z) Epist. 54. ad Marcellam contra Donat.

(a) Expos. in Psal. 44.



Paulum, quia non vides illos, per quos nata es, de prole tua ibi crevit paternitas, pro patribus tuis nati sunt tibi filii, nempe Episcopi. (b) Cælestinus vero I. hisce stimulis Episcopos Ephesi conlectos perurget: *Hæc ad omnes in commune domini sacerdotes mandatæ prædicationis cura pervenit. Hæreditario in hanc sollicitudinem jure constringimur, quicunque per diversa terrarum eorum vice nomen Domini prædicamus, dum illis dicitur: Ite, docete omnes gentes. Advertere debet vestra fraternitas, quia accepimus generale mandatum: omnes etiam nos id agere voluit, quia illis sic omnibus commune mandavit officium. Necessè est, ut competenter nostros sequamur authores, subeamus omnes eorum labores, quibus omnes successimus in honore.* (c) Sæculo VI. Gregorius M. Apostolis concessum a Christo defendit, ut quibusdam peccata relaxent, re-tentis quibusdam. Subjungit autem: *Horum profectio nunc in Ecclesia Episcopi locum teneant. Ligandi atque solvendi auctoritatem suscipiunt, qui gradum regiminis sortiuntur.* (d) Eadem autem apud posterioris ævi scriptores obcurrunt testimonia, qui concordi calamo

(b) Enarrat. in Psal. 44.

(c) Epist. ad Synod. ephes.

(d) L. 3. moral, c. 3.

lamo Episcopis apostolicæ successionis gloriam vendicant, uti Beda, (e) Hincmarus, (f) Amalarius Fortunatus metensis Ecclesiæ Diaconus, (g) Petrus Blesensis, (h) Eckbertus presbyter, & san-florensis monasterii Abbas, (i) Petrus Lombardus, (k) Eugenius IV. (l) Thomassinus, (m) Petrus Aureolus, (n) Gersonius, (o) aliique plurimi, quorum verba propinare supersedeo, ne eadem repetendo a præfixo brevitatis scopo aberrare contingat.

(*) Absit, ut Clementis epistolas, præter illam, quam ad Corinthios scripsit, genuinas agnoscam; ut adeo nec putridis Isidori meribus cuiquam imponere animus sit. Quare illorum gratia solum Clementis testimonia primo loco conlocanda duxi, quibus fors adhuc ob novitatis studium eisdem vim quamdam tanto authori debitam adtribuere placet.

f 2

(**)

(e) in Psal. 44.

(f) Opusc. ad quemdam Episcop. de translat. episc. n. 3. Opusc. de criminof. presbyt n. 26.

(g) L. 2. de offic. c. 11.

(h) Epist. 51. ad Joan. saresberiensem Episc.

(i) Serm. 10. advers. Catharos.

(k) In 4. dist. 24.

(l) In decreto unionis pro Armenis de Sacr. confir.

(m) Discipl. N. & V. Eccl. P. II. L. 2. c. 8. n. 7.

(n) T. 2. pag. 87.

(o) De stat. eccl. de statu prælatorum confid. 3.



(**) Ut præfens Irænzæ testimonium pugnare possit, ex cl. Gerberto c. 2. de vero eccl. syst. n. 5. notasse juverit: *Tota hic difficultas in vocum ambiguitate latet, qua non statim cuique ordini nomen suum determinate fuit adaptatum atque peculiare factum. Quod igitur dicebam, inquit S. Chrysostomus hom. 1. ad Philipp. 1. & presbyteri antiquitus vocabantur Episcopi, & Episcopi presbyteri. Cum Chrysostomo faciunt alii complures sancti patres ac antiqui doctores Hieronymus, Theodoretus, Ambrosiaster, Pelagius, Sedulius, Primasius, Theophylactus, Oecumenius. Conf. Luc. Paleotimus orig. eccl. L. 2. c. 2. Petavius de eccl. hierarch. L. 5. c. 4. Natal. Alexander Tom. VI. ad Sæc. IV. Diff. 44. a n. 14. & seqq. Rupperecht not. hist. ad tit. de M. & O. n. 46. & seqq. quorum tres posteriores Aerii, &, qui ejusdem crambem novissimis temporibus recoxit, Davidis Blondelli argumenta ex vocum æquivocatione petita hoc telo retundunt, probatissimis testimoniis horum vocabulorum conversionem demonstrantes.*

§. XXX.


Quid mirum proin, quod constantem hanc Patrum traditionem etiam concilia fuerint sequuta, & ad hujus normam canones decreverint, ne vel temporum vel hominum male feriatorum injuriis Ecclesia in suis

fuis pastoribus vices subire cogatur eo amplius abominandas: quo magis a Christi voluntate remotas. Hinc Patribus Aquisgranini anno 816. congregatis statuere placuit: *In novo testamento post Christum sacerdotalis ordo cæpit a Petro. Ipsi enim primum datus est pontificatus in Ecclesia Dei, sic enim ad eum loquitur Dominus: Tu es, inquit, Petrus, & super hanc petram ædificabo Ecclesiam meam, & portæ inferi non prævalebunt adversus eam, & tibi dabo claves regni cælorum. Hic ergo ligandi solvendiue potestatem primus accepit, primusque ad fidem populum virtute suæ prædicationis adduxit; siquidem cæteri Apostoli cum Petro par consortium honoris & potestatis acceperunt, qui etiam in toto orbe dispersi Evangelium prædicaverunt: quibusque decedentibus successerunt Episcopi, qui sunt constituti per totum mundum in sedibus Apostolorum. (p) Patres vero meldensis concilii hæc in initio præfationis ponunt: Nos licet indigni, Christi tamen vicarii & Apostolorum ipsius successores. (q) Porro Episcopi rhemensis & rhomagensis provinciarum in synodo carissimica Ludovico Regi sequenti verborum gravitate*

f 3

(p) Can. 9.

(q) In præf. act. concil. meld.



vitate suam dignitatem ante oculos ponere
 decernunt: Pro certo sciatis, quia cum nostris
 parentibus, id est, cum Apostolis Christus Rex
 regum regnum suum, id est, Ecclesiam acqui-
 sivit, ampliavit, & rexit, & per nos & no-
 biscum, utinam non ad iudicium nostrum di-
 camus, id est, regnum suum quotidie acquirit
 auget, & gubernat. Idem Dominus Iesus
 Christus, sicut dictum est a Domino Ecclesiae per
 prophetam: Pro patribus tuis nati sunt tibi filii,
 id est, pro Apostolis creavit tibi Episcopos, qui
 te regant & doceant. Cumque Ecclesia nobis
 commissa, Rex christiana & Domine! sicut lit-
 teris vestris iussistis, pro vobis deprecari stude-
 bimur. (r) Ultimum tandem robur testimo-
 niis sat divite manu congestis, addit con-
 cilium tridentinum, ejus hoc est decre-
 tum: Proinde sacrosancta synodus declarat,
 praeter caeteros ecclesiasticos gradus Episcopos,
 qui in Apostolorum locum successerunt, ad hunc
 hierarchicum ordinem praecipue pertinere, & po-
 sitos, sicut Apostolus ait, a Spiritu sancto re-
 gere Ecclesiam Dei. (s)

§. XXXI.

(r) Can. 15.

(s) Sess. 23. de saer. ord. c. 4.


§. XXXI.

Huc jam, si maturum, limatumque judicium revocassent Theologorum pariter ac Jurisconsultorum protestantium plurimi, (t) eosdem nec rogatos jus in sacra superioritati territoriali vendicatueros fuisse, eo certius confido: quo prolixius propria ingenia, consultissimo æquitatis studio consecrassent in ipsorum scriptis deprehendo; haud alio proin pondere eos in hanc partem depresso auguror, quam ut debitæ subjectionis censum summis potestatibus penderent, quamvis tali in cultu superflui, dum Principibus mere profanis ecclesiasticorum quoque honorum infulas adtribuunt, quas solis Apostolis ab ipsorum magistro decretas fuisse omnes fere sacre Scripturæ paginæ eloquuntur, non minus diserta facundia pro Episcopis Apostolorum successoribus perorantes, quum veram Christi Ecclesiam, columnam & firmamen-

f 4

men-


(t) Conf. Joan. Gerhard. in loc. de magistr. polit. §. 174. & seqq. Laurent. Ohm. de jure episcop. concl. 20. tit. 6. Myler de stat. imp. cap. 82. n. 5. Ziegler de juribus majest. L. 1. c. 17. §. 3. Reinkingk de reg. sacul. & eccl. L. 3. class. I. c. 10. n. 1. & seqq. Andreas Knichen de sublim. territ. juris. c. 3. n. 233.



mentum veritatis constitutam, usque ad consummationem temporum perduraturam adseverant; ab illis proin jugiter pristino in vigore conservandam stabiliendamque, quos *Spiritus sanctus* posuit *Episcopos regere Ecclesiam Dei, quam acquisivit sanguine suo.* (u) Jejunum igitur ac fungosum eorum emergit consilium, dum suis imperantibus duplicem personam adtingunt, sæcularem nempe & ecclesiasticam, Principis, inquam, & Episcopi, eo pacto: ut Principem jus territorii effingat; Episcopum vero decretum pallaviense constituat. (*) Non enim ex imperii sanctionibus, sed Christi oraculis sacra potestas repetenda venit, illis proin solum domestica, quos in sortem Domini e mundo evocatos, atque divina missione conspicuos novimus, & quod consequens est, potestatis apostolicæ hæredes atque successores.

(*) Quo in sensu Protestantes suos Imperantes tanquam Episcopos venerentur, libentius ex ipsorum verbis discimus. Ita autem discurret Benedictus Carpzovius L. 1. Jurisprud. eccl. defens. XI. n. 14. *Sæcularem & politicam potestatem magistratus tenet jure hæreditario, ut Princeps politicus: ac potestatem ecclesiasticam*
ex

ex transactione passaviensi, usque dum amicaliter negotium religionis universale fuerit compositum, ut pontifex & episcopus exercet. Nequaquam ergo diversæ hæ jurisdictiones misceri, sed diversis in judiciis tractari debent; quia diversa sunt, crucifixus & summa potestas: miles & sacerdos: imperator & pastor: regnum & patibulum: corporalia & spiritualia: arma & sacra: bellum atque pax: cæsar & nuntius: princeps & minister: dominus & servus. Pari quoque cum Carpzovio philosophia utitur Matthæus Stephani L. 2. de Jurisdic. eccl. p. 1. c. 7. n. 472. definiens: Inprimis jura episcopalia ex quasi fiduciario contractu sive deposito principibus concredita, atque commissa sunt, & una cum jurisdictione sive jure episcopali territorium ipsum Atque hoc est, quod dicitur, principes sæculares sustinere duplicem personam, sæcularem & ecclesiasticam, hoc est, principis & episcopi: hanc ratione episcopatus: illam ratione territorii. Non tamen æque principaliter utramque personam sustinent. Principaliter enim ratione territoriorum sunt sæculares. Quod autem simul ecclesiasticam personam sustinent, id fit minus principaliter, cum jurisdictionem ecclesiasticam exercent, non jure proprio, ut sæcularem, sed concessione imperatoris vigore decreti passaviensis, Wolfgangus Textor sequentibus suam mentem propinat Dissert. de jure episc. in terris statuum protest. §. 51. Quamvis de jure probabile videtur, principes nostros atque status in suis territoriis



potuisse sibi asserere potestatem in sacris jure principali vel superioritatis, etiam ante pacem religiosam; tamen fundamenta absque dubio sunt clariora pro asserendis principum statuumque protestantium juribus sacris, quæ vel ex pace religiosa, vel subsecuta immemorialis temporis observantia, vel etiam ex instrumento pacis petuntur.

§. XXXII.

Momentis modo propositis, me nec cogitante, & alius error refellitur, illorum nempe, qui a populo jus in sacra, alias conlegiis proprium ad Episcoporum cathedras devolutum ajunt, quod ipsum tamen tempore reformationis ob varios abusus, lacunatis Episcoporum desideriiis inductos de novo inde avulsum, atque contra fidem datam politicis principum sceptris adsociatum fuisse tuentur. Verum enimvero quisnam præclarus ille artifex, qui Ecclesiæ jura cum majestaticis felici adeo, quamvis arbitrario, nexu conjungere noverit, non obstante Christi oraculo, qui Ecclesiæ jura a majestaticis jam in ipsius institutionis exordio voluit esse discreta, nec alio vinculo nisi ecclesiastica consecratione contorto jungenda atque conliganda? Hujus enim admini-
culo

culo quispiam fundamento Apostolorum successionis jure constringitur, sine quo stabilis haud erit ulla constructio: Sacra enim potestas nec exstructis pecuniarum aggeribus comparatur, nec armis evincitur, nec victoriis paratur, ceu omni bellatore fortior ac potente potentior: sola igitur manuum inpositione non tam expugnanda quam inplantanda, inprimendaque.

§. XXXIII.

Ne tamen praestitutum mox adsertum in pontificiorum solummodo cerebris natum esse videatur, ad ipsa nascentis Ecclesiae primordia memoriam revocemus oportet, ut exinde non tam nostra, quam Christi placita repetere liceat. Verum quid aliud sacra testatur historia, quam per manuum inpositionem, quæ a modernis consecratio dicitur, primigeniam solidamque tum ordinis tum jurisdictionis potestatem Episcopis fuisse conlatam atque inmissam? Idipsum enim gentium Apostolus præ oculis habuisse merito creditur, ad Timotheum scribens: *Admoneo te, ut resuscites gratiam, quæ est in te per inpositionem manuum mearum.* (w) Unde
nec

(w) II. Tim. I. v. 6.



nec mera personæ designatio, nec ab homine facta sufficit injectio, ut quispiam sibi regiminis ecclesiastici sceptrum conquirit, quum, teste eodem Apostolo, *nemo sibi sumat honorem, nisi qui vocatur ad Deo tanquam Aaron.* (x) In divinæ igitur vocationis testimonium jam ab ipsis Apostolis manus inponebantur futuris Ecclesiæ prælatis, non tantum, ut sacrificia peragerent, quæ Thomassini verba sunt, vel ea sacramenta, quibus peccata eluuntur; sed ad id vel maxime, ut prædicationi verbi & disseminando Evangelio incumberent, ut Christo plebem gignerent, fidelium cætum augerent, Apostolatus denique munera implerent. Inungebantur, ut Christi imperio subjugarent, ut subjugatas regerent maximas quascunque provinciarum urbes & civitates, unde fides ad proxima quæque loca diffunderet. (y) Hujus vetustissimæ Ecclesiæ consuetudinis ut vestigia saltem persisterent, etiam curiæ stylus obtinuit, ut ante consecrationem, ad episcopalem sedem promovendus, non Episcopus, sed electus audiat, atque ante illam non pastoris aut sponsi Ecclesiæ munus, sed solum administratoris vi-
ces

(x) Hæbr. 5. v. 5.

(y) De V. & N. eccl. discipl. P. I. L. I. c. I. n. 8.

ees suppleat, mutato tamen, consecratione peracta, non tam titulo quam officio, ejusque potestate, ex delegata, in ordinariam transeunte. Quod ipsum novum argumentum suppeditat, per solam consecrationem, episcopalem gloriam fieri propriam, utpote ante illam solum precariam, imo mancarn; quia potestate ordinis, quæ æque ad regimen animarum instituta est, orbam atque destitutam. (z)

§. XXXIV.

Quum ad solos Episcopos jurisdictionem ecclesiasticam, successionis jure per consecrationem adtracto, devolutam esse ajo, id unum jam eliquati juris esse videtur, eorundem jurisdictionis potestatem, sua in origine spectatam, divina institutione eo potiori jure gloriari: quo clariore luce perstricti adversarii mox futuri hac in parte veritati sacramentum dicere coguntur, urgentibus ipsis, cui nomen dederunt, christianæ religionis principiis divino ex ore haustis, quorum testimonio Christum alios, Apostolis deficientibus, in participium pastora-

(z) Conf. Dissert. Nicol. Kales de potest. episc.
c. 2. §. 8,



storalis sollicitudinis vocari, eisdemque pro
variis temporum periodis fidelium ovium
curam injungi præcepisse, vel dubitare cri-
men dixerò. Huc enim revocantur ea omnia
tum Scripturæ, tum Patrum, tum Ecclesiæ
effata, quibus Episcopi presbyteris jure di-
vino superiores esse adseruntur, quæ omnia
profecto viderentur esse vacua aerique com-
missa, nisi nostro proposito ceu fundamen-
to basique insisterent, quo Episcoporum
prærogativam inter Christi præcepta refe-
rimus, eo propensius adoranda, quia divi-
na. (a)

§. XXXV.

Quo vero alveo jurisdictionis hucusque
spectatæ eminentia ad Apostolorum succes-
sores nempe Episcopos proxime transveha-
tur, quæstio est, quæ & sagacissima usque
eo divexavit ingenia, ut nec ipsi Patres
tridentini eandem, licet toties discussioni
subjectam, finali sententia decidere oppor-
tunum duxerint, Italibus irritò effectu in id
omnem

(a) Conf. Lucii Paleotimi orig. eccl. L. 2. c. 2.
Petavum de eccl. hierarch. L. 5. c. 4. contra
Blondell. Natalis Alexand. tom. IV. ad fac.
4. Dissert. 44. a n. 14. & seqq.

omnem operam conlocantibus ; ut tanti domini diffusionem non a Deo , sed a romano Pontifice ceu causa proxima repeterent, atque clavium potestatem per jus determinandi designatam, divina largitate intercepta , ejus mediante gloria ad Episcopos derivarent. Verum horum conatus, quamvis Didaci Lainez ingenio subfultos, Dominicus Sotto, quem Galliae & Hispaniae praesules defensorem nacti, non tam fortes persentiscere debuit, quin communi cum Apostolis forti novos continuo meatus pararet, aut, ut aptius loquar, pristinos absque interstitiis conservaret, atque protegeret, quorum probatis ductibus Episcoporum cum ordinis tum jurisdictionis potestas absque intercapedine a Christi favoribus placido cursu deflueret. Nec mirum Lainium tam levis solum armaturae copias inmisisse, divinos qui hosce fontes praeccluderent, quum armaturae levitatem non tam ingenii mediocritas quam causae infirmitas pareret, veritatique aliquando cedere omnia eo certius, quo saepius, experientia comprobatum sit.

§. XXXVI.

Aut quidni veritatis præconio illud adfertum celebrem, quod suum robur non in profanis verborum phaleris, sed potius in scripturarum testimoniis conlocat eo minus concutiendis utpote divinis. Ut enim alios longe plurimos sacræ Scripturæ locos brevitas causa nequidem commemorem, quibus divina prorsus Apostolorum eorumque successorum institutio absque alterius personæ interventu exprimitur, illud unum Pauli oraculum, sæpius licet repetitum, de novo repetam, quo a Mileto Ephesum solvens, majoresque Ecclesiæ, nempe Episcopos (*) apostolicis manibus ordinatos, advocans adloquitur: *Attendite vobis & universo gregi, in quo vos Spiritus sanctus posuit Episcopos regere Ecclesiam Dei, quam acquisivit sanguine suo.* (b) Quoniam amplius faciem ejus haud essent visuri omnes illi, per quos transierat prædicans regnum Dei, illo ceu fortissimo præsentis Episcopos urgebat argumento, ut christiano gregi attenderent, *quoniam a Spiritu sancto positi sunt Episcopi regere Ecclesiam Dei, quam ac-*
qui-

(b) Act. 20. v. 20.

quisivit sanguine suo. (c) Totum igitur Pauli argumentum, testamenti tamen loco adstantibus Episcopis depositum, evertere præsumit, qui in alium quam obvium sensum Pauli verba detorquere non formidat, alienumque adfingere, a quolibet bono eo audacius impugnandum, quia ipsi Paulo ignotum.

(*) Non solum Ephesiorum Episcopum, sed plures in provincia ephesina commorantes Paulum advocasse, ex eo videtur inferri, quia ad plures sermonem dirigit, eaque aperta Irænaei aliorumque primorum Ecclesiæ Patrum mens sit teste Cornelio a Lapid. in præfat. Apostoli locum commentante.

§. XXXVII.

Dum igitur Spiritus sanctus Ecclesiæ regimen Episcopis committere dignatus legitur, omnem alium excludi mediatorem quis ambigat, qui non proprio unice spiritui plus quam oportet, indulgere constitutum habet, insuperhabita quacunque Ecclesiæ Patrum expositione, quibus eo firmior debetur fides, quo fideliores verbi divini custodes ipsa mater Ecclesia veneratur, horum abs-

g

que



que patrocínio non tam vidua, quam cujus-
cunque de trivio adfectuum ancilla, abje-
ctissimique mancipatus lege constricta. Quæ
ne confidenter potius quam vere jactasse
videar, ex innumeris pauca feligam Eccle-
siæ antistitum testimonia, præsentiproposito
non tam adcommoda quam nata. Signa cæteris
præferat celeberrimus ille Carthaginiensium
Episcopus ob calamum veritatis vindicem
acerrimum omnis Africæ oraculum, qui
hisce verbis brevem illam præclaramque ad
lapsos orditur epistolam: *Dominus noster,*
cujus præcepta metuere & observare debemus,
Episcopi honorem & Ecclesiæ suæ rationem di-
sponens, in Evangelio loquitur & dicit Petro:
Tibi dabo claves regni cælorum. Inde per tem-
porum & successionum vices Episcoporum ordi-
natio & Ecclesiæ ratio decurrit, ut Ecclesia su-
per Episcopos constituatur, & omnis actus Ec-
clesiæ per eosdem præpositos gubernetur. (d) Do-
minus igitur Cypriano interprete Episcopi
honorem disposuit, ut Ecclesia super Epi-
scopos constituatur ceu fundamento eo fir-
miori, quia divino, nec alterius quam ip-
fius Christi manibus posito. Ejusdem quo-
que argumenti pondere Cyprianus super-
bum illum Diaconum premit, qui & con-
tume-

(d) Epist. inter Cyprian. 33.

tumeliis & injuriis Fortunatum Episcopum
 lacellere non erubuit: *Meminisse*, inquit S.
 Pater, *Diaconi debent, quoniam Apostolos, id*
est Episcopos Dominus elegit: Diaconos autem,
post ascensum Domini in caelos, Apostoli sibi
constituerunt, episcopatus sui & Ecclesiae mini-
stros: quod si nos audere aliquid contra Domi-
num possumus, qui Episcopos facit, possunt &
contra nos Diaconi, a quibus fiunt. (e) En!
 in adversariorum sententia denuo Cypriani
 argumentum non tam infirmari quam ever-
 ti, qui inde Episcoporum præcellentiam re-
 petit, quod Episcopos Dominus elegerit,
 non item Diaconos utpote ab Apostolis pri-
 mum constitutos. Eadem proin & Episco-
 porum & Diaconorum per omnia spectato
 authore foret ratio, si & illos quoque po-
 testatis suæ gloriam Petri successoribus in
 acceptis referre contingeret, atque ab illis
 jurisdictionem in gregem sibi subditum mu-
 tuarent, contra id, quod Origines eloqui-
 tur, in cujus sententia ii, qui Episcoporum
 locum tenent, utuntur eo dicto, sicut Petrus,
 & claves regni calorum a Servatore acceperunt.
 (f) Quibus & Dictinius persuasus suos con-
 g 2 legas

(e) Epist. 65. integrum textum, ejusque argu-
 mentum recitat du Mesnil. tom. I. L. 7. n. 28.

(f) Tract. I. in Matth.



legas in Concilio Toletano I. anno 400. hortatur: *Optimi Sacerdotes! corrigite omnia, quia vobis correctio data est; scriptum est enim: vobis datæ sunt claves regni cælorum.* (g) Ille igitur Episcopis correctionem dedit, qui claves regni cælorum Apostolis contulit, quas tamen Christi favoribus absque medio adscribere nec adversarii dubitant. Basilius iisdem fere verbis suam mentem exprimit: *Hoc a Christo docemur, dum Petrum Ecclesiæ suæ pastorem constituit. Petre, inquit, amas me plus his? pasce oves meas. Et omnibus deinceps pastoribus atque magistris eandem tribuit potestatem, cujus rei quidem signum est, quod similiter atque ille & ligent & solvant.* (h) Non igitur Petrus, sed Dominus eandem Episcopis potestatem tribuit, dum Petro illam committere non displicuit. Ambrosius pariter & Petrum & cæteros Episcopos quoad ipsorum potestatem dicit habere authorem. Quoniam vero nemo in dubium vocare contendit, Petrum haud alium quam Christum potestatis suæ cognoscere fontem, etiam Episcopos ex eodem suos deduxisse rivos Ambrosio exploratum est, ait enim: *Repetitum est ter a Domino: pasce*

(g) apud Harduin. Tom. 2. concil.

(h) Constitut. monach. c. 22.

pasce oves meas. Et quem gregem & quas oves tunc beatus Petrus suscepit? Sed & nobiscum eas suscepit, & cum eo illas suscepimus. (i) Quod ipsum alio in loco innuit, cum scribit: Munus Spiritus sancti est officium sacerdotis: jus autem Spiritus sancti in ligandis solvendisque criminibus est. (k) Quibus jam Episcopos & sua officia & ligandi solvendique jura a Spiritu sancto accepisse invicte demonstrat. Totum jam paucis sed perspicuis pro more verbis Augustinus conficit de agone christiano differens: Huic Ecclesiae claves regni caelorum datae sunt, cum Petro datae sunt: & cum ei dicitur, ad omnes dicitur: pasce oves meas. (l) Verum a quonam ad omnes dicitur: pasce oves meas? non aliam denuo, nisi vocem magistri audio. Ab eo igitur Episcopos pascendarum ovium curam accipere eadem luce proditur, qua, Petri privilegia a Christo proxime dimanasse, perspicitur.

§. XXXVIII.

Sed jam ad ipsos romanae Ecclesiae praefules gressum facio, eorum suffragia roga-

g 3

tu-

(i) L. 2. de dignit. Sacerd. c. 2.

(k) L. 1. de Pœnit. c. 11.

(l) S. August. de agon. christ. c. 30.



turus, quæ eo fortius pro re nostra pug-
 natura nemo non intelligit, quia ab omni
 propriæ authoritatis studio remotissima. Ne
 vero putridis Isidori mercibus inponere vi-
 dear, a Gregorio M. exordium duco, ita
 ad Clerum mediolanensem perscribente:
Consecrato autem vobis, Deo authore, Pastori
tota vos mente committite, atque in illo omni-
potenti Domino, qui vobis hunc prætulit, de-
servite. (m) Ipse igitur Dominus Episcopum
 mediolanensi Ecclesiæ præfecit, nec voca-
 tis ad id præstandum Gregorii manibus.
 Joannes VIII. eundem prorsus loquendi mo-
 dum adhibet, dum de authore, cujus be-
 neficio romana & mediolanensis Ecclesia
 Joanni & Ansperto commissa est, verba fa-
 cit, omnes totius christiani orbis Ecclesias
 non dispensatione humana, sed divina Epi-
 scopis concreditas esse, pronuntians. Ver-
 ba Pontificis sunt ista: *Igitur postulante a*
nobis tua reverentia, quantum ea, quæ ad sta-
bilitatis integritatem, & ad profectum honoris
sanctæ tuæ pertinere noscuntur Ecclesiæ, cui ex
divina largitate præesse dignosceris, enucleate
proficere studeamus. (n) Eundem quoque ho-
 norem

(m) L. 2. indict. 11. epist. 28.

(n) Tom. 1. Italiæ sacre in epist. Joan. VIII. ad
 Ticinens. episc.

norem Gregorius VII. Guiberto ravennatenſi Epifcopo defert, cum ſcribit: *Neque vero dilectioni vestræ dubitandum eſt, quin romanam Eccleſiam, & eam, cui Deo authore præſidetis, ea concordia, & quantum cum communi utriusque honore poterimus, omnimoda charitate copulare deſideremus.* (o) Quod ipſum in epiſtola ad Gebuinum lugdunenſem Epifcopum repetit: *Quapropter, quia, dilectiſſime in Chriſto Frater Gebuine! poſtulasti a nobis quatenus dignitatem ab antecelloribus noſtris conſeſſam Eccleſiæ, cui Deo authore præeſſe dignoſceris, confirmaremus.* (p) Ne vero iis- dem verbis toties repetitis gravis ſiam, paucis dixiſſe ſufficiat, eandem loquendi formam, quod Epifcopi ſuis Eccleſiis *Deo authore* præſideant, etiam adhiberi ab Urbano II. in privilegio, quod conſeſſit Landrico matifconenſi Epifcopo: a Paſchali II. in epiſtola ad Joannem feſulanum Epifcopum: a Calixto II. in epiſtola ad Nicolaum monopolitanum Epifcopum: in epiſtola ad Dodonem mutinenſem Epifcopum: in epiſtola ad Benedic- tum lucenſem Epifcopum: ab Honorio II. in epiſtola ad Petrum feretranum

(o) L. 1. epiſt. 3. ad eundem.

(p) L. 4. epiſt. 34. ad eundem.



Episcopum, quam paululum inmutavit, dum privilegio, quod Burchardo meldensi Episcopo concesserat, inseruit: *Proinde, charissime in Christo frater Burcharde Episcope meldensis Ecclesie! cujus a Deo tibi cura commissæ est, salubriter statuimus, &c.* Ab Innocentio II. in privilegio, quod Raymundo tolosano Episcopo contulit: in privilegio, quod Guilielmo bellicensi Episcopo transmisit: in epistola ad Joannem fesulanum Episcopum: in privilegio, quod Manassi meldensi Episcopo annuit: in epistola ad nicienssem Episcopum: in epistolis vero, quas ad Attonem pistoriensem Episcopum, & Litifredum novariensem Episcopum dirrexerit, eisdem prædictas Ecclesias a Deo commissas esse scribit: a Cœlestino II. in epistola ad Joannem fesulanum Episcopum: a Lucio II. in epistolis ad Rainerium ariminensem, & Joannem olivolensem, Episcopos: ab Eugenio III. in epistola 10. ad Arnoldum coloniensem Archiepiscopum: in epistola ad Gottifredum lucensem Episcopum: in epistola ad Rodulphum imolensem Episcopum: in privilegio Henrico bellovacensi concessio: in epistola ad Anselmum astensem Episcopum: in epistola quoque ad Syrum januensem Episcopum, quibus in locis, modo Eccle-

clesias a Deo Episcopis commissas esse, mo-
 do Episcopos eisdem Deo authore præfide-
 re contendit: ab Anastasio IV. in privile-
 gio Petro massiliensi concessio, in privile-
 gio Raymundo megalonenſi Episcopo imper-
 tito: in epistolis ad Rodolphum fefulanum
 & Dodonem reatinum Episcopos directis
 ab Hadriano IV. in duabus ad Henricum Gra-
 densenſem epistolis: ab Alexandro III. in duo-
 bus privilegiis Stephano meldenſi Episcopo
 conlatis: epistola 52. ad Philippum colo-
 nienſem Archiepiscopum: epistola ad Ste-
 phanum monopolitanum Episcopum: a Lu-
 cio III. in epistolis ad Petrum signinum, &
 Gerardum bellunenſem Episcopos datis: ab
 Urbano III. in privilegio petraboricenſi Epi-
 scopo impertito: a Cœlestino III. in episto-
 la ad melphienſem Episcopum: Innocentius
 III. in epistolis ad Grumerium placentinum,
 & Gualterum lunenſem Episcopos exaratis:
 ab Honorio III. in epistolis ad Bennonem
 fenogallienſem, ad Guidonem papienſem,
 & ad Monaldum forosempronienſem Epi-
 scopos: a Gregorio IX. in epistola ad omnes
 christiani orbis præfules: ab Innocentio IV.
 in epistola ad Joannem cervienſem: a Cle-
 mente IV. in epistola ad Guidonem anti-
 fiodorenſem Episcopum: ab Alexandro IV.



epistola ad Angelum gradensem Patriarcham; quorum omnium testimonia fors ad lectoris nauseam congesta insigni præfati Pontificis loco concludo, in quo hucusque dicta sequenti verborum pondere obfignat: O formidolosa speculatorum, quos populo suo dispensatio divina præposuit, & periculosa conditio! si res perfunctorie agatur. Si eo modo in sollicitudine commissa non militent, quo summus præcipit Imperator. Si sibi & universo gregi, cui Deus eos custodes & Episcopos constituit, non attendant. His præcipue horrendum erit illud humanorum operum finale iudicium, omnibus in commune tremendum. In quo, etsi unusquisque de proprii corporis actionibus districto subiiciendus sit examini, ut recipiat, prout gessit: nobis tamen, quibus populi cura commissa est, non sufficiet propria innocentia, sine cumulo iustitiæ subditorum: quando negligentis ministri pigritiam persequens austerus injunctæ servitutis exactor delicta plebis impinget reatui prælatorum Excitet vel summi pastoris amor, qui vos pascendis rationalibus ovibus dedicavit. (q) Qua in locutione omnia, quæ ad nostrum lemma desiderantur, verbis haud ambi-

(q) Tom. 2. Italiæ sacr. in epist. Alex. IV. ad Rothomagens. Archiepisc. & comprovinciales.

ambiguus comprobari vel bardus advertit. Quid enim aliud, nisi jurisdictionem proxime a Deo Episcopos accepisse, hæ quinque positiones a Pontifice adornatæ sonare valent? quibus statuit, primo: *Vos populo divina dispensatio præposuit.* Secundo: *In sollicitudine commissa Episcopi militent, quomodo summus præcipit imperator.* Tertio: *Universo gregi, cui Deus eos custodes & Episcopos constituit, attendant.* Quarto: *Austerus injunctæ servitutis exactor delicta plebis impinget reatui prælatorum.* Quinto: *Excitet vel summi pastoris amor, qui vos pascendis rationalibus ovibus dedicavit.* Plura qui adhuc desiderat romanorum Pontificum aliorumve Ecclesiæ præfulum testimonia, Italiam sacram, Galliamque christianam a Sammarthiano conscriptam consulat, & præter adducta alia quoque & numero & pondere paria, sat divite manu congesta reperiet, quibus tamen singulis ob pagellarum angustias supersedendum duxi.

§. XXXIX.

Verum licet tot, tantisque tum scripturarum oraculis, tum Patrum effatis, tum ipsorum Petri successorum sententiis veritatem



tatem aliunde inconcussam stabilire contenderim, uno tamen velut impetu cl. Mansius ea delumbare atque subvertere confidit, singula de Spiritus sancti gratia exponens, quam in ordinatione Episcopi accipiunt, vel de peculiari Dei inspiratione intelligens, qua hic præ alio ad singularis Ecclesiæ regimen eligitur. (r) Cui & Bellarminus ad nutum consentit, Episcopos a Spiritu sancto non immediate sed mediate constitutos esse respondens (s) regularum hermanevtices quasi oblitus, quarum hæc videtur esse præcipua: Scripturæ textibus tamdiu sensum proprium & obvium esse tribuendum, donec alienum vel textus vel contextus contrarius, vel Patrum commentatio, vel mens Ecclesiæ vel denique manifesta ratio evicisse videntur. Quem vero alium nobis contrarii adducent scripturæ locum cum obvio Pauli verborum sensu non nisi dolo & arte combinandum? Profecto nullum hosce apud scriptores lego, eo minus ab ipsis filendum: quo fortius pro ipsorum causa præstaret patrocinium.

§. XL.

(r) Animadvers. in illam Natalis propos. Potestas Episcoporum immediate a Deo est, §. 4.

(s) L. 4, de Rom. Pontif. c. 25.

§. XL.

Sed cum novum testamentum sibi Bel-
larminus haud experiretur propitium, ex
veteri mutuavit argumentum, quod tamen
usque adeo videtur peregrinum, ut, vel
totam controversiam ignorare, vel proprium
jugulum persequi, dubio careat. Quorsum
enim hæc verba conliment, ut nostras pha-
langes vel provocare queant? *Et dixit Do-
minus ad Moysen: congrega mihi septuaginta
viros de senibus Israel, quos tu nosti, quod se-
nes populi sint, ac magistri, & duces eos ad
ostium tabernaculi fæderis, faciesque ibi stare
tecum, ut descendam & loquar tibi: & auferam
de spiritu tuo, tradamque eis, ut susten-
tent tecum onus populi, & non tu solus gra-
veris.* (t) Verum quoniam vir non nisi cum
reverentia nominandus in Augustini potis-
simum interpretatione confidit, & hanc pa-
ce nostra in suppetias mittat. Circa hanc
igitur notasse postulat, quod Augustinus
illam ablationem spiritus a Mose non ita
contingere adferat, quasi ob illam spiritus
in Mose jacturam ferret, inde motus, quia
frustra Moses in ejusmodi adjutorio quæsi-
visset subsidium, utpote solum de ejus vir-
tute

(t) Num. II. v. 16. & 17.



tute participantibus. Quare seniorum spiritum non a Moſis virtute dividi, ſed inde ſolum derivari contendit. Quodnam autem Auguſtini fuerit in ea expoſitione propoſitum, ex ipſiusmet verbis eo enucleatius dabitur intelligi: quo ſincerius, juxta dialecticos, voces mentis conceptum prodere amant: ſunt autem iſtæ: *Plerique latini interpretes, non, ut in græco eſt, tranſtulerunt, ſed dixerunt: auferam de ſpiritu tuo, qui eſt in te, & ponam ſuper eos, aut ponam in eis: & fecerunt ſenſum laborioſum ad intelligendum. Putari enim poteſt, de ſpiritu ipſius hominis dictum, quo humana natura completur, corpore adjuncto, quæ conſtat & corpore & ſpiritu, quem etiam animam dicunt Poſſet etiam, ſicut alii interpretati ſunt, intelligi ſpiritus Dei in eo, quo dicitur: de ſpiritu tuo, qui eſt in te, ut dictum ſit tuo, quia ſit etiam noſter, qui Dei eſt, cum accepimus eum Nunc autem, cum ita ita ſcriptum ſit: & auferam de ſpiritu, qui eſt ſuper te, nec dictum ſit: de ſpiritu tuo, facilior eſt abſolutio quæſtionis, quia intelligimus nihil aliud Deum ſignificare voluiſſe, niſi ex eodem ſpiritu gratia illos quoque habituros adiutorium, ex quo habebat Moſes, ut & iſti haberent, quantum Deus vellet,*

non


non ut ideo Moses minus haberet. (u) Hisce præstitutis, absit, ut Mosen romani Pontificis figuram fuisse abnuam, ut ipse etiam per Mosen eundem designari postulem, pro nostra utpote parte exinde robur adeptus. Non enim Moses teste Scriptura de suo spiritu senioribus distribuit, sed ipse Dominus eisdem Mosis spiritum impertiit in bonum populi Mosisque subsidium impendendum: ut eodem proin pacto ipse Dominus spiritum Petri, quem eidem potestatem clavium elargiendo insufflavit, cæteris quoque Apostolis sive Episcopis communicasse merito inferatur, ipsa suffragante Scriptura, cum absque discretionem eadem auctoritate, qua Petrum miserat, & cæteros miserit, eisdemque sicut Petro ligandi & solvendi potestatem concefferit. Nec aliud suis in expositionibus Augustinus intelligit, in utraque eundem spiritum cæteros quoque obumbrasse contestans. (w)

§. XLI.

Alio jam cuniculo adductum sæpius Apostoli monitum Franciscus Vargas subvertere nititur,

(u) August. q. 18. in L. Numer.

(w) Conf. defensio libelli de eccl. & polit. potest. L. 3. c. 5. q. 4. n. 36.



nititur, dicens: *Neque enim dicitur Spiritus sanctus per seipsum Episcopos posuisse, ut Ecclesiam regerent, id est, eis Ecclesiam regendi potestatem per se dedisse.* (x) Verum ubi illud Christi assertivatur testimonium, quo per seipsum Petro claves Ecclesiæ tradituram eloquitur? ut eodem proin argumento conficiam, nec Petrum de jurisdictione a Christo proxime accepta gloriari posse, cum æque nullum in Scripturis legatur Christi effatum, quo, per seipsum Petro claves Ecclesiæ commissurum esse, testari placuit. Quoniam igitur inluperhabitis hisce verborum ambagibus Petri jurisdictionis absque medio a Christo concessa merito creditur, cur pro asserenda Episcoporum gloria verborum apices solum pugnare valeant, æquioribus iudiciis discutiendum relinquo.

§. XLII.

Nec Apostolici vim argumenti Augustini locus imminuit, quem Zaccharias in suis vindictis contra Justinum Febronium recitat, eundem ita perurgens: *Et illud a Febronio mihi explicari velim, qua demum ratione hæc Pauli verba tantopere urgeat, cum illud*
Augu-

(x) De jurisdic. episc. in respons. conf. 9.

*Augustini in comment. ad Psal. 44. mihi ob-
ciat: Pro patribus tuis nati sunt tibi filii. Pa-
tres missi sunt Apostoli: pro Apostolis filii nati
sunt tibi, constituti sunt Episcopi. Hodie enim
Episcopi, qui sunt per totum mundum, unde
nati sunt? Ipsa Ecclesia patres illos appellat;
ipsa illos genuit; ipsa illos constituit in sedi-
bus patrum. Si enim Spiritus sanctus imme-
diate posuit Episcopos regere Ecclesiam Dei, quo-
modo Ecclesia illos constituit in sedibus patrum,
ut Augustinus agebat? Id Febronius ægre edis-
seret. Nos contra id Augustinum recte scripsis-
se, quin cum Paulo conflictaretur, facile osten-
demus. Spiritus enim sanctus cum constituen-
dorum Episcoporum tribuerit Ecclesiæ potestatem,
vere dicitur posuisse Episcopos regere Ecclesiam
Dei. Ecclesia vero cum Spiritus sancti autho-
ritate episcopalem electis præsulibus conferat ju-
risdictionem, illos constituit in sedibus patrum.
(y) Eodem tamen jure, quo cl. Zaccharias
suam expositionem adstruit, & aliam Augu-
stini calamus videtur admittere, ejus do-
ctrinæ fors eo propinquiorem: quo sæpius
alibi insinuatam. (*) Aut quid dicere ve-
tat, per hoc Ecclesiam Episcopos in sedi-
bus patrum constituisse, quod eosdem ad
h Ec-*

(y) Antifebron. vindic. P. I. dissert. 3. c. 2. n.
6. in annotat.



Ecclesias suorum præfulum fama conspicuas elegerit, electos confirmavit, atque hac agendi ratione episcopalis præcellentia exordia dederit, ita segregatos tamen illico ut patres venerata, quamprimum in sacra consecratione præfulis potestate a Spiritu sancto dotatos noverat. (z)

(*) Quæ Augustini mens circa præsentem materiam fuerit, ex ejusdem adferro, principii instar statuto, licet desumere, vi cujus & Petro, & in Petro omnibus Ecclesiæ prælatis clavium potestatem a Domino conatam esse prætendit. Huc enim illius verba conimant: *Cum omnes essent interrogati, solus Petrus respondit: Tu es Christus. Et ei dicitur: Tibi dabo. Tanquam ligandi & solvendi solus acceperit potestatem: cum & illud unus pro omnibus, tanquam personam gerens unitatis acceperit.* Tract. 68. in Joan. n. 4. De agone christiano vero ita c. 30. n. 32. discurrit: *Petro figuram Ecclesiæ sustinenti datæ sunt claves, atque hinc Ecclesiæ datæ sunt. Petrus, Paulus, Joannes, ceteri Apostoli claves acceperunt, acceperunt, illæque adhuc in Ecclesia sunt. Sed omnes in Petro acceperunt, ut Ecclesiæ figura.* Quibus in locis D. Bossuet defenf. declar. Cleri gallic. P. 3. L. 8. c. 13. duo ab Augustino adfirmari ostendit: potestatem nempe clavium Ecclesiæ pastoribus duplici Christi elargitione esse concessam: primum, ut unum

(z) Vid. dicta §. XXXIII.

sint,

sint, quo illa vox soli Petro dicta pertinet
Tibi dabo. Quodcunque ligaveris &c. Secun-
 do, ut multi sint, quo illa refertur: *Quæ-*
cunque alligaveritis &c. Utraque tamen ab ipso
 Christo prolata, cum ille, qui dixit: *Tibi*
dabo: ut uni, dixerit: *accipite*, ut multis.
 Præcessit tamen ea vox, qua datur potestas
 omnibus, ut sunt unum, quia Christus uni-
 tatem sua in Ecclesia constituit fundamentum.
 Tractatu 50. in cap. 12. Joan. ita denuo S.
 Pater perorat: Si in Petro non esset Ecclesiæ
 sacramentum, non ei diceret Dominus: *Tibi*
dabo claves regni cælorum: quæcunque solveris
super terram, erunt soluta & in cælo. Si hoc
 Petro tantum dictum est, non hoc facit Eccle-
 sia: si autem in Ecclesia fit, ut quæ in terra
 ligantur, in cælo ligentur, & quæ solvuntur
 in terra, solvantur in cælo, quia cum excom-
 municat Ecclesia, in cælo ligatur excommunica-
 tus; cum reconciliatur ab Ecclesia in cælo sol-
 vitur reconciliatus. Si hoc ergo in Ecclesia fit,
 Petrus, quando claves accepit, Ecclesiam san-
 ctam significavit. Quid vero Augustinus per
 Ecclesiam intelligat, L. 7. de baptis. c. 51.
 innuit: Omnibus consideratis puto me non te-
 mere dicere, Episcopos ita esse in domo Dei,
 ut ipsi etiam sint eadem domus Dei, quæ di-
 citur ædificari, super petram... Quæ domus
 etiam claves accepit ac potestatem ligandi &
 solvendi, hanc domum si quis corripientem, cor-
 rigentemque contempserit, sit tibi sicut ethnicus
 & publicanus. Totam igitur causam, cur Pe-



tro foli claves promiferit Dominus, Augustinus in eo reponit, ut nempe Christus ipsius apostolatus primatum præ cæteris ostenderet. Non mea denuo, sed S. Doctoris sunt verba tract. 124. in Joan. c. 21. posteris transmissa: *Petrus Apostolus propter apostolatus sui primatum gerebat figurata generalitate personam Ecclesiæ. Quod enim ad ipsum proprie pertinet, natura unus homo erat, gratia unus idemque primus Apostolorum. Atque hæc ad Augustini mentem perscrutandam dicta sufficiant, quam a nostra opinione eo minus abludere contingit: quo sæpius eandem novis argumentis stabilire, certum exploratumque est.*

§. XLIII.

Quibus ita constitutis jam illud responsum mere voluntarium esse videtur, quo Episcopos non immediate, sed mediate solum a Spiritu sancto positos esse dicitur, eo fere eventu: quo Apostolus *omnem potestatem a Deo esse* demonstrat. (a) Disparem enim profanæ potestati cum ecclesiastica esse sortem non abnuo juris naturæ principiis persuasus, hominem ab authore naturæ liberum, nullique determinatæ potestati esse sub-

(a) ad Rom. 13. v. 1.

subjectum: (b) & ideo ferreæ obsequendi necessitati jam natura duce esse inimicum imo hostem infensissimum. (*) Quare profanam solum quoad originem, non vero quoad actualem conlationem juris divini esse consequitur; quatenus supremus hic naturæ author hominibus in societates coeundi non tam potestatem fecerat, quam inditis sensui intimo stimulis ceu tot argumentis ad permovendum disertissimis finem huncce persuaferat, pro constituenda civitate, ea-que primo in vigore eo aptius conservanda imperii jura concedens, quæ vel ab ipso populo suos in Imperantes transfundi, aut ab aliis, quos dominandi fastus mancipia habet, temerariis licet nefandisque ausibus adripi possent. Ut adeo hoc in negotio tum liberarum tum coactarum civitatum æqua sit conditio, atque potestatum in illis regnantium natura, utpote quoad ipsam concessionem semper humana. (c) Verum quam longe alia rerum facies, si de potestate ecclesiæ-

h 3

fia-

(b) Conf. dissert. Borzagæ de Judice in statu naturæ §. 16. & seqq.

(c) Conf. Magnif. Schmier Jurispr. publ. univers. L. 2. c. 1. sect. 3. §. 1. Boehmer Jur. publ. special. L. 1. c. 4. §. 2. Zallwein Tom. 4. q. 1. c. 2. §. 6.



fiastica sermo recurrit, quam etiam hoc sub obtutu divinam esse vel inde consecrarium fit, quod nullo sub respectu rationalis licet naturæ particula sit, utpote immensa solum divini Deum inter & hominem mediatoris charitate non solum instituta, verum etiam injuncta atque concessa.

(*) Ne difficultatem propositam solum declinare videar, nolo heic politicorum adsertum multis urgere, statuentium: Incircumscriptum principibus imperium ab ipso etiam Deo in subjectos sibi populos immediate esse concessum, tota insuper ferme Gallia in hoc propositum conspirante, atque in concilio Parisiensi L. 2. c. 25. Ludovicum Imperatorem, ut cuique jus suum redderet, hoc argumento persuadente: *Nemo regium a progenitoribus regnum sibi administrari, sed a Deo veraciter & humiliter credere debet dari, qui dicit: meum est consilium & æquitas: mea est prudentia, mea est fortitudo; per me reges regnant, & legum conditores justa decernunt, per me Principes imperant, & potentes justitiam decernunt. Quod autem non ab hominibus, sed a Deo regnum terrenum tribuatur, Daniel testatur . . . hi vero qui a progenitoribus regnum terrenum & non potius a Deo dari putant, illis aptantur, quos Dominus per Prophetam improbat, dicens: Ipsi regnaverunt, sed non ex me: principes extiterunt, & non cognovi.*

agnovi. Ignorare quippe Dei procul dubio improbare est. Quapropter quisquis cæteris mortalibus temporaliter imperat, non ab hominibus, sed a Deo sibi commissum regnum credat. Multi namque munere divino, multi etiam Dei permissu regnant. Neque novella isthæc est constitutio, quam jam sæculo III. a Tertulliano insinuari adverto, ita in suo apologet. c. 30. scribente ad imperatores: Inde est imperator, unde & homo, antequam imperator. Inde potestas illi, unde & spiritus. Conf. Victorinus in relect. de potest. civil. n. 8. Du Vallius de suprema rom. pontif. potest. part. 1. q. 1. Horum virorum si placitis subscribere vellem, totius argumenti robur in nostros usus merito converterem, hac videlicet philosophia usus: quod pari fato & principum & Episcoporum potestas in adversariorum sententia a Deo sit. Quoniam vero principes nullum medium Deum inter potestatis suæ authorem agnoscunt, Episcopi quoque habebunt, unde de tanta latentur gloria.

§. XLIV.

Quoniam igitur nullum Scripturæ locum obvio Apostoli verborum sensui contrarium reperio, multo levius studium contextus parit, nostræ parti, ne favere dicam, certe non feralis: pergit enim gentium doctor:



Et nunc commendo vos Deo, & verbo gratiæ ipsius, qui potens est ædificare & dare hæreditatem in sanctificatis omnibus. (d) Non jam ad Petrum discessurus provocat, ut hæreditatem per manuum impositionem sanctificatis elargiri dignetur, sed Dominum precatur, ut successores, atque habitæ potestatis hæredes instituat, haud in alio quam in episcopali munere futuros. Aut cur Petri gratiæ potius confidat, qui ipsum Deum in semetipso expertus tam benevolum? ut gloriari potuerit: *Paulus Apostolus non ab hominibus, neque per hominem, sed per Jesum Christum & Deum Patrem.* (e) Ne vero quis mediante Petro ceu Ecclesiæ capite tunc jam constituto, eundem suum apostolatum accepisse, dubitare valeat, subjungit: *Cum autem placuit ei, qui me segregavit ex utero matris meæ, & vocavit per gratiam suam, ut revelaret Filium suum in me, ut evangelizarem illum in gentibus, continuo non acquievi carni & sanguini, neque veni Jerosolymam ad antecessores meos Apostolos: sed abii in Arabiam, & iterum reversus sum Damascum. Deinde post tres annos veni Jerosolymam videre Petrum.* (f)

Quod

(d) Actor. 20. v. 29.

(e) Galat. 1. v. 1.

(f) Loc. cit. v. 15. & seqq.

Quod vero non illa occasione primum a Petro suum apostolatum acceperit, sequenti capite præcludit, ajens: *Mihi, qui videbantur aliquid esse, nihil contulerunt; sed e contra cum vidissent, quod creditum est mihi Evangelium præputii, sicut & Petro circumcisionis (qui enim operatus est Petro in apostolatum circumcisionis, operatus est & mihi inter gentes) & cum cognovissent gratiam, quæ data est mihi, Jacobus & Cephas, & Joannes, qui videbantur columnæ esse, dextras dederunt mihi & Barnabæ societatis.* (g) His ex testimoniis sat limpidum, si recte sentio, ducitur argumentum, nec Paulum nec Barnabam a Petri favoribus suum accepisse apostolatum, utpote illi ipsi rectius adscribendum, cui & Petrum ob concessam pastoralis curæ gloriam oportet esse gratum.

§. XLV.

SS. Patrum interpretationem quod spectat, eorum vel unum parti adversæ pernego (*) Alphonfi de Castro eruditione fretus, adseverantis: opinionem authoritati episcopali faventem omnium sacrorum doctorum

h 5

ctorum

(g) Galat. c. 2. v. 6. & seqq.



etorum effatis esse conformem. (h) Omnium vices Chrysoctomi facundia suppleat de Eustathio Antiochiæ Episcopo ita perorantis : *Hic edoctus probe fuerat, a Spiritus sancti gratia, Ecclesiæ antistitem non de illa solum, quæ ipsi a sancto Spiritu sit commissæ, curam debere gestare, verum etiam de universa, quæ per orbem terrarum degit.* (i) Ut adeo continua Patrum traditione Alexandrum IV. romanum Pontificem inductum fuisse merito autumem, ut hac tuba rothomagensis Ecclesiæ præsulibus ferale iudicium omnibus in commune tremendum insonaret: Quod in sollicitudine sibi pro grege subdito commissæ non militent, quamvis a Deo illius custodes constituti, atque pastoralis curæ onere pressi.

(*) Mox dicta solum circa textus Apostoli intellecta volo, quod nempe nullus Patrum illos in nostrum odium convertat: alios vero quamplurimis, quos adversarii pro se perorare contendunt, in integrum pro sua vastissima eruditione satisfacit D. Bossuet loc. cit. conf. Kales loc. cit. c. 3. §. 8. & 9.

§. XLVI.


(h) De iusta hæret. punitione L. 2. c. 24.

(i) Orat. in laud. Eustathii episc. Antioch.

§. XLVI.

De sanctæ Matris Ecclesiæ jam quid mente dicam, proprii capitis calamo tam manifesta, a concilio tridentino tamen fors ideo non dogmatis instar proposita, quia circa quæstionem in scholis agitari utrinque solitam versata? Quoniam vero opinio pro Petri autoritate decertans Ecclesiæ gallicanæ periculi plenissima esse videretur, imo mater fecundissima, quæ nova heterodoxis arma progigneret, sapientissimo consilio eisdem, teste Claudio Fleury (k) decernere placuit: ut Joannes Sarrazin suas retractaret vespérias, quas inter & hanc erat legere: *Dicere inferiorum prælatorum potestatem jurisdictionis, sive sint Episcopi sive curati, esse immediate a Deo, sicut potestatem Papæ, quodammodo veritati repugnat.* Quod fatum & circa illam experiri meruit, qua dixit: *Omnes potestates jurisdictionis Ecclesiæ aliæ a papali potestate, sunt ab ipso Papa, quantum ad institutionem & collationem.* Qua ex loquutione nova denuo arma succrescerent hæreticis, quibus institutionem episcopatus ex jure divino præmanantem non tam impugnant, quam everterent. Ecclesiæ proin
vota

(k) Tom. 29. ad an. Chr. 1429.



vota in hoc decreto conspicua , fat literis , fatque tabulis consignata arbitror, ut adeo in iisdem pluribus demonstrandis me nimis molestum futurum esse arbitrarer.

§. XLVII.

Quænam vero superesse poterit ratio, Ecclesiæ usque adeo ignota , quæ Pauli oracula , nescio , quibus verborum atque distinctionum involucris persuadeat involvenda atque limitanda ? Plures equidem in medium adduci non ignoro , quarum tamen vim non reformido , utpote non vi sed congrua expositione propulsandas , dispescendasque. Illud igitur præprimis explicari postulant : num juxta Pauli verbum Spiritus sanctus Episcopos vel super universalem, vel singularem tantummodo Ecclesiam constituat , utrinque scopulos latere gaudentes : cum primum Petri primatum de fide certum destruat ; alterum vero cum illius Ecclesiæ disciplina non conhæreat , quæ non determinatæ Ecclesiæ Episcopos præficere consueverat , Episcoporum jura ad quascunque , remotissimas licet barbarasque , regiones exporrigens : *Ut* , teste Eusebio (1)

viri

(1) Hist. E. L. 3. c. 37.

viri ejusmodi apostolici munus obierint Evange-
listarum , ac postquam in remotis ac barbaris
regionibus fidei fundamenta jecerant, aliosque
pastores constituerant , ad alias gentes propera-
rint. Cujus rei & illud quoque haberi,
 ajunt monumentum: quod sequioribus etiam
 sæculis plures Episcopi non solum pro ali-
 qua civitate, sed pro integra etiam natio-
 ne fuerint ordinati. Verum Episcopos &
 pro universali Ecclesia, & pro singulis, de
 qua nomen fortiuntur, a Spiritu sancto con-
 stitui eo minus relinquitur dubium: quo
 firmitus pro utraque adsertione fundamen-
 tum in eo conlocatur, quod plures Episco-
 pi christianæ Religionis zelatores magis exi-
 mii universis Ecclesiis, spiritualis ruinæ pe-
 riculo expositis, suum pastorale officium
 impenderint, nec his contenti in generali-
 bus conciliis ut Judices in bonum Eccle-
 siæ universalis sententias dixerint, dogmata
 statuerint, canones sanxerint, talique au-
 thoritate paternæ sollicitudinis plena totius
 Ecclesiæ saluti communique ecclesiasticæ di-
 sciplinæ bono prospexerint, quin tamen ex-
 inde Petri sedes vel levissimum perpeffa sit
 authoritatis suæ præjudicium; cum ex hac
 agendi ratione primatus jura divino privi-
 legio concessa nec minimum fuerint immi-
 nuta,



nuta, utpote in illis, quæ ad unitatem conservandam pertinent, semper suprema. At vero Paulum illis verbis de privato potissimum grege esse locutum, ex adjectis desumitur: *Ego scio, quoniam intrabunt post discessionem meam lupi rapaces, non parcentes gregi Propter quod vigilate, memoria retinentes: quoniam per triennium nocte & die non cessavi cum lacrimis monens unumquemque vestrum.* (m) Suo enim exemplo eosdem stimulat, ut pari vigilantia a commisso tibi grege lupos arceant, quam adhibere pro ipsorum salute per triennium die ac nocte ipsum non piguit, toto videlicet tempore, quo ipse tanquam Episcopus ephesinæ præfuit Ecclesiæ. Pro eo igitur Pauli monitum decertat, ut quilibet ex præsentibus Episcopis parem curam commisso tibi gregi impendant, quam ipse ephesino adhibere voluit. Eam enim jam illius temporis Ecclesiæ fuisse disciplinam, quod Apostoli novellis plantationibus, seu singulis Ecclesiis a se per Evangelium Christo genitis, proprios pastores præficere consueverint, ex eo datur intelligi: quod ipse Paulus Titum ad cretensem, Timotheum ad ephesinam, Ty-chi-

(m) Act. 20. v. 29. & seq.

chium & Trophimum ad asiaticas, Aristarchum vero & Gajum Berbeum ad alias miserit Ecclesias, quorum amplitudo potestatis certis terminis erat constricta, nec extra indigentiae casum ad alios protendenda, teste Ignatio: *Episcopi per terminos terrae definiti, ex Jesu Christi sunt sententia.* (n) Quo cum proposito saeculi VI. & VIII. disciplina ex asse concordat, vi cujus illo aëvo regionarios Episcopos constitutos fuisse adseritur; quid enim prohibet, quo minus Ecclesiae caput Episcopi potestatem ad integram regionem, infidelitatis tenebris immerfam, extendere valeat, ut eo feliciore successu integram provinciam suavissimo Christi jugo subjiciat, subjectamque per constitutos pastores in suo officio contineat? cum ex sua natura aliunde episcopalis jurisdictionis non certis constringatur ovibus; divino tamen consilio certis est adfixa locis, ne, dum plures Episcopi eidem praessent gregi, oriatur confusio, eo cautius praecavenda: quo amplius mutuae paci, fideliumque salutis nocuisse consuevit, pluresque paedagogi solum officium exerceant, patris

(n) Epist. ad Ephes.



patris curam negligentes, unice tamen in omnibus negotiis exercendam.

§. XLVIII.

Dum Episcopos nullatenus mediante Petro pro Ecclesiis singularibus a Spiritu sancto positos esse ajo, illud unum jam quorundam captum videtur transcendere, (o) quo temporis puncto a Christo soleant jurisdictionis potestatem Episcopi derivare, cum id consecratione tantum valeat perfici, & ne hac quidem, utpote potestate ordinis tantum, non jurisdictionis fecunda; jurisdictionem enim ecclesiasticam Episcopis & electis & confirmatis, absque consecratione esse domesticam non tot quin plura testantur Ecclesiae decreta: ut adeo scepticismi patronus videatur, qui vel per electionem vel per confirmationem jurisdictionis potestatem devolvi etiam dubitare præsumit. Quare penes illum jurisdictionis conlationem residere facile concludunt, cujus ex arbitrio vel electionem vel

confir-

(o) Conf. Antifebron. vindic. p. 1. Dissert. 3. c. 2. n. 4. Chaifaing Privil. regul. tract. 2. c. 1. propos. 1. a n. 2. Salmeron tom. 12. in Evang. tract. 72.

confirmationem perfici noscitur; romani vero Pontificis juxta placita utrumque negotium semper fuisse absolutum nonnisi in historia ecclesiastica rudissimum inficias iturum confidunt, quamvis & hunc erroris illico ex publicis Ecclesiæ tabulis convincendum. Verum ejusmodi argumenta longe confidentius quam verius esse proposita, iisdem testimoniis comprobare adgediar, atque ostendere, nec minimum partem adversam in illis reperire patrocinium.

§. XLIX.

Aut quænam Sedi romanæ exinde succrescet gloria, si jurisdictionis conlatio illius arbitrio dicatur subjecta, in cujus libertate, electionis ferre calculum fuerit constitutum? Primis certe Ecclesiæ sæculis nullum erat romani Pontificis in Episcoporum electionibus suffragium, quos provincialium interventu electos fuisse ex Eusebio discimus de Dii tertii post S. Jacobum Hierosolymorum Episcopi electione ita scribente: *Post Narcissi fugam ignavis omnibus, ubinam gentium ageret, visum est finitimarum Ecclesiarum Episcopis alium ejus*
i *loco*



loco Episcopum ordinare, nomine Dium. (p) In concilio apud Carthaginem Africæ statutum legitur: *A nobis veterum statuta debent observari: sicut & inconsulto primatu cuiuslibet provincie tam facile non præsumant multi Episcopi congregati Episcopum ordinare.* (q) * De Acholio Thesalonienſium Episcopo agens Ambrosius illum a populis macedonicis expetitur, ab Episcopis vero electum ait: *Ille se monasteriis puer dedit, ad summum sacerdotium a Macedonicis obsecratus populis, ab Episcopis electus.* (r) Concilium Laodicenum omnes electiones Episcoporum electiones iudicio Metropolitanorum, & vicinorum Episcoporum terminandas esse decrevit, faneiens: *Ut Episcopi iudicio Metropolitanorum & eorum Episcoporum, qui circum circa sunt, provehantur ad ecclesiasticam potestatem.* (s) Concilio Antiocheno placuit, ut Metropolita omnes provincie Episcopos ad electionem convocet: *quod si non omnes, plures saltem confluant, cæteris scripto electioni consentire iussis,* (t) Quo decreto

(p) H. E. L. 6. c. 10.

(q) Cen. 13.

(r) Epist. 59.

(s) Can. 12.

(t) Can. 19.

to motum Regiense Concilium irritam declaravit Armentarii Ebrodunensis Episcopi ordinationem, utpote in duorum solummodo Episcoporum litteris robur adeptam. (u) Haud multum ab simile Sardicenis synodi videtur esse placitum: *Osius Episcopus dixit: si contigerit in una provincia, in qua plurimū fuerint Episcopi, unum forte remanere Episcopum, ille vero per negligentiam noluerit ordinare Episcopum, & populi convenerint Episcopos provinciae vicinæ; debere illum prius convenire Episcopum, qui in ea provincia moratur, & ostendere, quod populi sibi petant rectorem, & hoc justum esse, ut & ipsi veniant, & cum ipso ordinent Episcopum. Quod si conventus litteris tacuerit, & dissimulaverit, nihilque rescripserit, satisfaciendum esse populis, ut veniant ex vicina provincia Episcopi, & ordinent Episcopum.* (w) Cum insulae Cypri Metropolitanus ob continuas barbarorum incursiones Hellepontum & sedem & populum transferre cogeretur, synodus Trullana æquitati conforme esse censuit, ut omnibus ille ejus provinciae præsint Episcopis ab iis etiam eligendus: *Præsint, concilii*

(u) Biner adparat. erudit. P. 4. fac. 5. c. 5. artic.

(w) Canon. 5.

lii verba sunt omnibus Hellespontiorum provincia Episcopis, & a suis Episcopis eligatur. (x) Eadem quoque africanæ Ecclesiæ erat consuetudo a S. Cypriano in causa Sabini & Felicis observata. Perlectis enim in triginta sex Episcoporum synodo eorum litteris, quas a suis quilibet Ecclesiis asportaverat, Cyprianus hunc in modum pro sententia dixit: *Episcopi ejusdem provincie proximi quique conveniant, & Episcopus deligatur plebe præsente quod & apud vos factum videmus in Sabini conlegæ nostri ordinatione, ut de universæ fraternitatis suffragio, & de Episcoporum, qui in præsentia conveniant, quisque de eo ad vos litteras fecerant, judicio episcopatus deferatur.* (y)

(*) Per ordinationem sæpe etiam electionem intelligi ex Can. 4. Concil. Nicæni videtur conspicuum, in quo statuitur: *Episcopum convenit, maxime quidem ab omnibus qui sunt in Provincia, Episcopis ordinari.* Quo in loco Balsamon, Zouaras, aliisque, quos citat & sequitur cl. Guiliel. Beveregius in notis ad hunc Canon. solum de electione tractari contendunt, eo quod in græco legatur *constitui.* conf.

(x) Can. 39.

(y) apud du Mesnil doct. discipl. Eccl. Tom. I.
L. 7. n. 32.

conf. Van Espen comment in Canon. schol. in 4. Nicæn. Becker Jur. Eccl. univ. antiq. in not. ad Canon. 155 & 166. Laodic. Thomasinus part. 2. L. 2. c. 11.

§. L.

Quoniam vero in conservandis primis Ecclesiæ moribus gallicanam Ecclesiam præ cæteris novimus studiosissimam, ad ejus disciplinam circa Episcoporum electiones observatam eo aptius provocavero: quo magis palmare argumentum ex illius testimonio mutare dabitur. Verum quid aliud, quam quod mihi propositum, in concilio Aurelianiensi II. decrevit? ubi statuit: *In ordinandis metropolitanis Episcopis antiquam institutionis formulam renovamus, quam per incuriam omnimodis videmus ommissam. Itaque metropolitanus Episcopus a comprovincialibus Episcopis electus, congregatis in unum omnibus comprovincialibus Episcopis ordinetur. (z) De Episcopo autem ordinario Parisiense V. legem tulit: Decedente Episcopo in loco ipsius debet ordinari, quem Metropolitanus, a quo ordinandus est, cum comprovincialibus suis absque ullo commodo, aut datione pecuniæ elegerint.*



rint. (a) Cabillonense vero sub Clodovæo II. insuperhabito regio Clotarii II. diplomate electionum potestatem in regem transferente, nihilominus traditionis memoriam recolit: *si quis Episcopus, de quacunque fuerit civitate, defunctus fuerit, non ab alio nisi a comprovincialibus civibus & clero alterius electio habeatur.* (b) Concilium quoque Tolosanum totum electionis suffragium in Episcoporum, Cleri, & populi voluntate ponit, definiens: *Sed nec ille deinceps sacerdos erit, quem nec clerus nec populus propriæ civitatis elegerit, vel authoritas Metropolitanæ, vel comprovincialium Sacerdotum assensio exquirat.* (c) Quibus ex statutis nec ipsis regum sanctionibus infringendis, Gallicanæ Ecclesiæ lenia fat perspicue dantur intelligenda, quæ in Episcoporum electionibus ea semper libertate gaudere voluit, quæ primis fidei patribus erat familiarissima, nec aliorum usurpationibus perturbata.

S. LI.

(a) Can. 4.

(b) Can. 10.

(c) Can. 18.

§. LI.

Sed Patriæ insuper normam in dictis electionibus adhiberi solitam consulamus proposito nostro apprime consentaneam, quia domesticam. Germaniam vero, utpote Gallia Principibus tributariam, etiam gallicanæ disciplinæ in ecclesiasticis negotiis adfuetam fuisse dubio caret. Sæculo tamen IX. anno videlicet 887. in concilio Coloniensi a Mindensi Clero Drogo presbyter, in Episcopum electus fuisse perhibetur atque a concilii Episcopis inauguratus. Eadem ratione Herebertum ad Coloniensis Ecclesiæ verticem elevatum fuisse testatur Surius (d) Cum enim vacante hac sede clerus plebem in suam sententiam pertrahere haud valeret, Præpositi arbitrio compromittere detrectantem, ipsemet tandem Præpositus Herebertum prius Ottonis III. Cancellarium atque Imperatoris consilio presbyterum Coloniensis Ecclesiæ clavigerum fecit, applaudentibus illico cleri, populique suffragiis una voce, unaque voluntate expressis. Eadem quoque via S. Wolfgangum Ratisbonensem cathedram conscendisse ex eodem authore

i 4

disci-

(d) ad diem 19. Martii c. 5.



discimus. Reiectis enim Ottonis II. opera cæteris candidatis, ambitione turgidis, ut tanto viro planior pateret aditus: Legati profecti sunt Ratisbonam, ubi clerus & populus, ut Imperator petebat, more ecclesiastico S. *Wolfgangum* unanimiter elegerunt, electumque cum Imperatoris nuntiis, ad ejus aulam dimiserunt. (e) Uniformem hanc fuisse sæculo IX. & X. electionum conditionem, Meinverci regio sanguine clari ad Paderbornensem episcopatum promotio evincit. Ast brevi constantia defuit; Episcoporum enim electio ad hujus præfati sæculi finem, mox aliam sortita est normam, eo quod electionis prærogativa cathedralium Ecclesiarum Canonicis fuerat vendicata, clericis civibusque insuperhabitis. Sed & huic consilio, utpote in varios abusus degeneranti, mox concilium Lateranense II. fortiter resistendum duxit definiens: Obeuntibus sane Episcopis, quoniam ultra tres menses vacare Ecclesias prohibent Patrum sanctiones, sub anathemate interdicimus, ne Canonici de sede episcopali ab electione Episcoporum excludant religiosos viros, sed eorum consilio honesta & idonea persona
in

(e) Series ad 31. Octob. c. I.

*in Episcopum eligatur, Quodsi exclusis eisdem
religiosis electio fuerit celebrata, quod absque
eorum assensu & conniventia factum fuerit,
irritum habeatur & vacuum. (f) Verum ne-
que hæc Patrum constitutio ætatem tulit,
pleno electionis suffragio ad capitula re-
deunte, atque jam sæculo XIII. per auream
Bullam Friderici II. eisdem stabilito. Hu-
jus enim juxta statutum Pontificis consen-
su firmatum: *Is viduata præficiatur Ecclesiæ,
quem totum Capitulum, vel major vel sanior
pars ipsius duxerit eligendum, dummodo nihil
desit de canonicis statutis. (g)* Huic Impe-
ratoris sanctioni post diuturnum illud, no-
tissimumque interregnum Rudolphus Hab-
spurgicus suum quoque calculum adjecit,
roburque præstitit; quamvis tantis licet
munita præfidiis hæc eligendi libertas no-
vas post breve temporis spatium subierit
vices, variisque romanorum Pontificum
provisionibus, reservationibus, gratiisque
expectativis fuerit refrænata, donec tan-
dem ea inluxit aurora, omnium votis to-
ties expetita, cujus luce omnes erroris*

i 5

con-

(f) Can. 28.

(g) Refert hanc Bullam anno 1213. de libert.
Eccles. conditam Cl. Riegger in Corp. Jur.
publ. Eccl. German. pag. 7.



confusionisque fugatæ sunt nebulae, atque perennaturæ libertatis serenitates immixtæ; initis nimirum de consensu nationis germanicæ celeberrimis illis inter Nicolaum V. & Fridericum III. concordatis, in quibus Metropolitanis & cathedralibus etiam immediate non subjectis Ecclesiis canonicæ electionis libertas adferitur, nec per provisiones gravanda: nec per expectativas turbanda: nec per reservationes tollenda: nec per Coadjutoriarum elargitiones aliasve dispositiones præripienda, aut suo vigore destituenda. (h) Quam & P. W. per suum instrumentum innovasse exinde dignoscitur; quod liberum Capitulo & quibus præterea cum Capitulo pro more congruit, tam electionem quam postulationem relinquat, excluso omni hæreditatis jure, nullis temporum vicissitudinibus inducendo. Hanc enim paciscentibus fuisse mentem, J. P. Videtur innuere, cujus verba sunt: *Postulati vero, seu electi in capitulationibus suis spondeant, se susceptos ecclesiasticos principatus, dignitates, & beneficia nequaquam hæreditario jure possessuros, aut id æturos, ut hæreditaria fiant, sed libera sit*
ubi-

(h) apud Warwein subsid, rei diplom. tom. 4. & 5.

ubique Capitulo, & quibus id præterea pariter cum Capitulo pro more competit, tam electio & postulatio, quam sede vacante administratio, & jurium episcopaliū exercitium: operaque detur an nobiles Patritii gradibus academicis insigniti aliæque personæ idoneæ, ubi id foundationibus non adversatur, excludantur, sed ut potius in iis conserventur. (i) Adductis nodo sat prolixè testimoniis jam illud Zacchariæ argumentum elevasse confido, quo in Episcoporum electionibus primis etiam sæculis romani Pontificis (*) auctoritatem intervenisse defendit; (k) cum in præstitutis modo synodis aliisque tum Ecclesiæ tum Imperii sanctionibus ejusdem nequidem memoria reviviscat, quæ tamen illico occurrit vivacissima, si de Episcopi suburbicarii electione quæstio proponitur. (l)

(*) Jam a Gregorio M. compluribus Ecclesiæ Episcopos fuisse præpositos, quos ipse dignissimos undique accerferet, ex Joanne Diacono discimus, qui lib. 3. c. 7. de Gregorio testatum reliquit: *Quod Episcopos, undecunque*

(i) Instrum. Pacis Westph. artic. V. §. 17.

(k) Antifebron. vindic. P. 1. dissert. 3. c. 2. n. 4.

(l) conf. du Mesnil loc. cit. Tom. 3. lib. 30. n. 9.

Thomassinus loc. cit. P. 2. L. 2. c. 8, n. 2.



eunque meliores invenire potuit, studiosissimo
 ordinavit: & si quando necessitas ordinandi sa-
 cerdotis obrepfit, neque Cardinales Ecclesiæ suæ
 neque Monachos monasterii sui penitus excusa-
 vit. Quod si vero ad præsentis tunc temporis
 circumstantias revocemus animum, neque Gre-
 gorium, nec alios Pontifices ejus successores
 jus quoddam ordinarium in constituendis Epi-
 scopis exercuisse persuadebimur, intelligen-
 tes: aut penuria hominum tanto culmini pa-
 rium, aut suffragiorum divisione, aut deni-
 que cleri populique compromisso ad Petri
 Cathedram electionis jus fuisse devolutum,
 ipso testante Gregorio, atque Syracusanæ
 Ecclesiæ, de bono post Maximianum pastore
 anxie, hujus tenoris rescriptum concedente:
*Quam direxistis, epistola electionis vos onera
 sapienter declinasse significat. Et quoniam no-
 stro hoc arbitrio commisistis desiderii no-
 stri est, talem illic ordinare Pontificem, qui
 Deo placuerit, & utilior visus fuerit. Nun-
 quam igitur ordinaria romani Pontificis erat
 Episcopos eligendi potestas. Duravit quoque
 hoc Capitulorum canonicorum privilegium,
 donec Bonifacius VIII. & Clemens V. Ecclesiæ
 gubernacula sumferunt. Primus enim Ecclesias
 cathedrales romano Pontifici reservasse Bo-
 nifacius VIII. creditur de elect. & elect. po-
 test. in 6. cap. quamquam. Reservationes enim
 Clementis IV. solum Ecclesias minores, per-
 sonatus, dignitates, aliaque beneficia respi-
 cere videntur juxta Barbosam L. 1. Jur. Eccl.
 c. 8.*

c. 8. Cum prima de cathedralium Ecclesiarum reservatione mentio in Bonifacii constitutione fiat. Nec ab hoc barbosa judicio Van-Espen dissentit P. 1. J. E. U. de elect. & nominat. Episc. c. 2. n. 4. Bonifacii mox exemplum secutus Clemens V. cathedrales Ecclesias, apud romanam curiam vacantes suæ dispositioni reservavit, in Extrav. *Etsi in temporalium* de præbend. in comm. Sicut & illas ecclesias, quæ clero populoque christiano forent destitutæ, Clem. *In plerisque*. de elect. Celebre quoque est Benedicti IX. decretum, quo irrita quatuor patriarchalium Ecclesiarum, si vacaverint, electio declaratur, si ea fuerit inconsulto romano Pontifice peracta. Extrav. *Sancta romana Ecclesia*. de elect. comm. Conformiter ad Clementis V. constitutionem non solum episcopales, sed etiam superiores sedes ipso vivente apud curiam vacaturas suo arbitrio providendas censuit Joannes XXII. Extrav. *ex debito*. eod. Tit. comm. Quod ulterius extendit Benedictus XII. *ad regimen*. de præbend. comm. Apostolicæ provisioni non solum episcopales & archiepiscopales, sed etiam parochiales ecclesias apud curiam non solum ipso vivente, sed etiam quodocunque vacaturas reservans: donec tandem res per successores Pontifices eo devenit, ut per regulam secundam Cancellariæ absque exceptione statuere placuerit, omnes omnino episcopales ecclesias, ubicunque etiam extra curiam vacaturas romanæ sedis



dis arbitrio esse reservatas. Quantas vero præsens propositum in Ecclesia moverit turbas, acta Constantiensis Synodi eloquuntur; quamvis per illam utpote maximam partem ad tollendum præsens schisma congregatam, necdum extinctas. Unde in Basileensi Concilio de novo oblata ecclesiarum gravamina, atque tandem pro regno Galliarum celeberrima pragmatica sanctio constituta, cujus abrogationem Pius II. a Regibus Galliarum frustra petiit, Leo X. vero a Francisco I. derogationem obtinuit, qua Episcoporum nominatio protinus Regi, eorum vero confirmatio romano Pontifici competat. Germaniarum circa præsens negotium, quæ fuerint fata, concordata inter Nicolaum V. & Fridericum III. inita, omniumque manibus obvia, fatis superque promulgant. Unde inferendum censeo, nimis infirmum pro hoc argumento ex romanorum Pontificum electionibus fundamentum sterni, ut, inde Episcoporum jurisdictionem promanare, valeat evinci.

§. LII.

Neque illum, pro quo decertant finem a nostra sententia alienos, in confirmationis jure inventuros esse opinor, cum etiam circa hanc Ecclesiarum disciplinam novas continuo periodos invaluisse, omnis historia comprobatur. Ut adeo nec inde limpidum quis-

quispiam possit argumentum eruere: Ecclesiarum nempe Episcopos confirmandi copiam romano Pontifici jure divino esse constitutam, cum ea, quæ divina gloriantur origine, humanæ mutationi eo minus possint esse obnoxia: quo sanius lex divina humanæ dispositioni nescitur subjecta. Vana igitur omnisque valoris expers Episcoporum foret jurisdictio, quæ absque confirmatione, a sede Petri hausta, foret exercita, arborique haud multum abfimilis, quæ fructibus vacua, luxuriantibus foliis, intuentium oculos dementare non erubescit. Quem vero usque adeo emotæ mentis hominem stupere dabitur, qui illam jurisdictionem robore destitutam adferat, eo quod conditione careat, quam omnis fere Ecclesia ignorat, nec ullibi requirit, ubi Episcoporum promotionibus regulas decernit?

§. LIII.

Ne vero confidentius ista, quam verius a me jactata nonnemo fuggillet, ad ipsas denovo sacræ historiæ tabulas provoco, quas eo usque mihi lætor propitias, ut, dum primi, quod ex toto orbe christiano confluxe-



fluxerat, Patrum concilii decreta perlustro, jam illud pro nostra causa sententiam dixisse, gloriari queam, talia utpote legens: *Episcopum oportet maxime quidem ab omnibus, qui sint in provincia, constitui. Si autem sit hoc difficile, vel propter urgentem necessitatem, vel viæ longitudinem, per tres omnino eundem in locum congregatos, absentibus quoque suffragium ferentibus, scriptisque assentientibus, tunc electionem fieri: eorum autem, quæ fiunt, confirmationem in unaquaque provincia, a Metropolitano fieri.* (m) Inter particularia vero Carthaginense II. idipsum non obstante quacunque Episcoporum provinciæ electione requirit: ut nulla nempe electio stare valeat, quæ non per Metropolitanæ consensum suum fuerit robur adepta. Patrum sensa hisce verbis fuere expressa: *Ab universis Episcopis dictum est: placet omnibus, ut inconsulto Primate cujuslibet Provinciæ tam facile nemo præsumat, licet cum multis Episcopis in quocunque loco sine ejus præcepto Episcopum ordinare. Si autem necessitas fuerit, tres Episcopi, in quocunque loco sint, cum Primatis præcepto ordinare debent Episcopum.* (n) Huic
haud

(m) Conc. Nicæn. I. Can. 4.
 Can. 12.

haud abfimile videtur, quod Concilium Arelatense II. statuit: *Episcopum sine Metropolitano, vel epistola Metropolitanani, vel tribus comprovincialibus non licet ordinare. Quod si inter partes aliqua nata fuerit dubitatio, majori numero Metropolitanus in electione consentiat.* (o) Idem fuisse videtur Arverni concilii placitum paria decernentis: *Episcopatum desiderans electione clericorum vel civium consensu etiam Metropolitanani ejusdem provinciae Episcopus ordinetur.* (p) Aurelianensis IV. Canon est: *Episcopus aut sub praesentia Metropolitanani, aut certe cum ejus auctoritate intra provinciam omnino a comprovincialibus ordinetur.* (q) Idem quopue Metropolitanorum Hispaniae erat privilegium in Tarracoenfi synodo illis circa suffraganeorum confirmationem vindicatum: *Si quis, Canonis verba sunt, in Metropolitana civitate non fuerit Episcopus ordinatus, postquam suscepta benedictione per Metropolitanani litteras, honorem Episcopi fuerit adeptus, id optimum esse decrevimus: ut postmodum statuto tempore, id est: impletis duobus mensibus se Metropolitanani sui*
k
repra-

(o) Can. 5.

(p) Can. 2.

(q) Can. 3.



representet aspectibus, ut ab illo monitis ecclesiasticis instructus, plenius, quid observare debeat, recognoscat. (r) Quæ vetustissima Hispaniarum disciplina eo in honore fuit habita, ut a Concilio Toletetano XII. integra episcopales electiones confirmandi prærogativa, in solum Toletanæ Ecclesiæ Metropolitam fuerit conjecta atque translata. Canon hæc habet: *Licetum maneat deinceps Toletano Pontifici, quoscunque potestas regalis elegerit, & jam dicti Toletani Episcopi iudicium dignos esse probaverit, in quibuslibet provinciis eligere Episcopis decedentibus successores.* (s) Atque hæc constitutio per XIII. omnino sæcula suo in vigore permansit, ut ipse etiam Gregorii IX. decretales eidem non solum deferant, sed novis decretis robur addere adlaborent. (t)

§. LIV.

Patriæ denuo circa confirmationis negotium mores exploraturus, conventus Moguntini principes decretis Basileensibus cum certis limi-

(r) Can. 5.

(s) Can. 6.

(t) Conf. Joan, Eckius de primat. Petri L. 3. c. 40.

limitibus inclitæ nationi germanicæ opportunis consensisse deprehendo, quibus haud aliæ electiones, confirmationi Pontificis submittebantur, quam in Ecclesiæ ruinam patriæque incommodum vergentes: nec in ædificationem amplius, quam destructionem disciplinæ ecclesiasticæ natura sua pronæ. Adcomodatius insuper illud nostro intento deservit, quo synodus diœcesana Frisingæ A. C. 1440. celebrata in votis sibi esse proponit: ut, quos etiam Papa promoveret, confirmationem nihilominus ordinationemque ab immediato superiore, cuius obedientiæ sacramento adstricti, efflagitare non negligant. Quoniam vero indignum, longeque inconveniens reputari cœperat, ut, quem totius Ecclesiæ Primas ad tantos honores promovisset, eisdem haud potiri posset, donec Metropolitæ confirmatio accederet, etiam confirmandi prærogativa Petri cathedra cessit, in ea tamen usque ad id temporis fluctuans; donec tandem A. C. 1447. solemnî conventionem per concordata Germaniæ eidem fuisset adserta. Ut vero in Germaniæ Ecclesiis antiquæ (*) disciplinæ saltem memoria persisteret, factum reor; quod Salisburgensi Archiepiscopo quatuor episcopalium Ec-




elektiarum, nempe Chiemenfis, Seccovienfis, Gurcenis, & Lavantina Episcopos confirmandi privilegium fuerit relervatum, nec per concordata Germaniæ violandum: ut adeo tantum decus non abs re a Tridentinis Patribus magis admirationem quam laudem tulerit. (u)

(*) Dum juxta antiquam Ecclesiæ disciplinam Metropolitanos Episcoporum electiones confirmasse ajo; non mihi propugnare animus est, quod nulla in ecclesiasticis monumentis usque ad sæculum XIII. occurrant vestigia, pro romani Pontificis jure decertantia, cum jam sæculo VI. Gregorius M. Dalmatiæ Episcopis legem tulerit, ne ullum præter ipsius consensum permissionemque Salonitanæ civitatis Episcopum consecrarent. Quod vero, dum in Persona Maximi factum audiret, insuperhabitis ipsius statutis, Maximum jam sacra unctione delibutum, mox omnium sacrorum celebratione interdixit, mori paratior, quam B. Petri Apostoli honoribus Ecclesiam suis diebus degenerem intueri. Idem confirmandi jus in causa Joannis romanæ sedis vindicasse, dum Primas & Exarchus Justinianæ primæ fuisset electus, ejus ad synodum Illyricam testatur epistola, in qua scribit: *Juxta postulationis vestræ desiderium prædictum fratrem*

(u) conf. Lehmann in not. litter. German.

*trem & coepiscopum nostrum in eo, in quo est
sacerdotii ordine constitutus, nostri assensus au-
thoritate firmamus: ratamque nos ejus conse-
crationem habere, dirigentes pallium indicamus.*
Pari autoritate usus videtur Joannas VIII.
qui in causa Hieronymi Lausanensis Epi-
scopi Carolo Crasso, qui ei omnes Eccle-
siae aditus intercluserat, rescripsisse legitur:
*Eo vivente in alterius electione vel episcopali
consecratione assensum nullo modo praebeimus.*
*Quin potius apostolica hoc fieri autoritate mo-
dis omnibus inhibemus.* Joannem quoque X.
Hugonis Rhemensis Archiepiscopi electionem
confirmasse testatur Flodoardus L. 4. c. 20.
cui & illud meretur adjungi, quod idem au-
thor L. 3. c. 1. de Theutboldo Lingonensis
Ecclesiae Diacono refert, quem Stephanus VI.
renitente Aureliano Lugdunensis Ecclesiae Me-
tropolitano Lingonensi Ecclesiae praefecerat.
Verum & haec & alia, quae adhuc adduci
possent, historiae ecclesiasticae testimonia haud
aliud persuadere videntur, quam eas quan-
doque fuisse Ecclesiae circumstantias ut ille
debuerit potestatis suae sceptrum ostendere, qui
omnium Ecclesiarum in B. Petro Apostolo-
rum Principe curam susceperat, pro omni-
bus etiam exercendam, si orta inter fideles
dissidia alia respuissent media. Canonicae igitur
devolutionis jure gavissus videtur Pontifex,
dum extra Italiam Episcopos confirmavit,
hocque pacto Ecclesiarum necessitati & utili-
tati providit, nec per hoc Metropolitanorum



jura usurpavit, dum eorum aut negligentiam aut improbitatem supplere debuit, alias cum tantis impendiis Ecclesiæ maceriam destrueturam, everfuramque.

§. LV.

Non hunc ipsissimum jugiter eligendi & confirmandi jure in Ecclesia potitum fuisse, ea, quæ largiori vola effudi, ecclesiasticæ historiæ monumenta sat deserto ore eloqui videntur. Sed jam illud insuper eliquati juris esse, nemo unus elevabit: ab uno videlicet eodemque omnes totius orbis Episcopos jurisdictionis suæ eminentia dotari, præfocato illo superbientis animi fomite, quo quidam adusti gloriari possent: *Ego sum Pauli: Ego autem Apollo: Ego vero Cephæ.* Non alia certe philosophia de fortis æqualitate convincendi, nisi omnes Jesu Christi esse, fuerint edocti. Quisnam igitur vel solo naturæ lumine conlustratus, huic placito adsurgere poterit, ut omnem potestatis suæ ambitum vel per electionem, vel per confirmationem conlatam esse adseverare non dubitet? Cum utrumque persæpe negotium vel ab Episcopis vel Metropolitibus & Patriarchis peractum fuisse eo certior esse poterit: quo
soler-

folertius antiquæ disciplinæ monumenta investigarit. Ut adeo tam disjuncta conjugandi ea solum peritia sufficere possit, quæ tum ordinis, tum jurisdictionis a cæteris presbyteris differentiam ab ipso Deo in consecratione concedi comprobarit. (w)

§. LVI.

Constitutio tandem præsentis principio, me nec monente, illud consuetaneum fieri auguror; illam quam electus vel confirmatus solum in futura sponsa exercet Ecclesia, jurisdictionem delegatæ prorsus esse consimilem, Papæque procul dubio favoribus tribuendam, qui eam quamvis olim per X. omnino sæcula ignotam (*) per confirmationem neoelecto dignatur concedere, eo ferre modo: quo Episcopo vita functo in Germania illam cathedralia exercent capitula; quin ullus hucusque tam rudis emerferit, jure divinitus concessio tanta cathedrale capitulum potestate gaudere adfirmans. Non igitur eandem repetitis vicibus, quod Zacchariæ dubium est (x) po-

k 4

testa-

(w) conf. §. XXXIII.

(x) loc. cit.



testatem Episcopus sibi per consecrationem in nostris principiis adglomerat, principii adinstar habentes: omnem Episcopi jurisdictionem alio quam consecrationis alveo transfusam, ab ordinaria atque ab ipso Christo tantæ dignitati constituta, prorsus esse alienam, quin immo aliis insuper, quamvis nec electis nec confirmatis communem ac familiarem.

(*) Per XII. & amplius sæcula Episcoporum consecrationem a confirmatione non fuisse sejunctam Van Espen P. J. E. U. tit. 15. c. 1. fat fuisse demonstrat. Durante igitur hac disciplina electus nullum jus circa Ecclesiæ administrationem sibi arrogare poterat; imo nec Ecclesiæ pastoris aut prælati æstimationem, nisi consecratione peracta, sibi pepererat. Quare per consecrationem omnis devolvebatur potestas tum ad ordinem administrandum, tum jurisdictionem exercendam necessaria.

§. LVII.


Ne vero ullus saniori quam academico locus relinquatur dubio, illud jam meridiana in luce constitui ordo doctrinæ postulat: jurisdictionem nempe consecrationis privilegio adquisitam haud egenam, inanem, neque frustaneam esse, prout
illam

illam nonnullis ridere placet, eo cum primis ex capite, quod populo careat, cui pastorem curam impendere possit. Huic argumento ut majus insuper robur addant, plura ex ecclesiastica historia conquirunt monumenta, viros de Ecclesia amplius meritos non urbis alicujus, sed honoris causa episcopali consecratione ornatos fuisse adfirmantia. Testem veritatis præ cæteris provocant Sozomenum qui de Bersen & Eulogio scribit: *Hi ambo post creabantur Episcopi non urbis alicujus sed honoris causa, qui velut vitæ piæ antea actæ compensatio in propriis Monasteriis illis deferebatur, ad quem modum Lazarus quoque, de quo supra diximus, Episcopus fuit.* (y) Majorem tamen auctoritatem huic argumento, quantum mihi sapere datum, ejusmodi facta parerent, quibus hujusmodi Episcopos nequidem ordinis sacramentum contulisse constaret, ne quis amplius justo frivolus, jam per hoc jurisdictionem illos exercuisse, obtendere possit, quod sacri ordinis sacramentum administrarint, haud aliis ab Episcopo juxta canonicas sanctiones conferendum quam conlatoris jurisdictioni quocunque titulo subjectis. Verum

k 5

his

(y) Hist. Eccl. L. 6. c. 34.



his solum per abundantiam dictis in eo potius confidimus, quod ejusmodi consecratio haudquaquam jurisdictione fuerit vacua, utpote sicuti cæteris urbis causa consecratis pleno alveo immisa, atque concessa. Quod enim ejusmodi Episcopus proprio careat populo, obscurum sane absentis jurisdictionis signum esse vel inde dignoscitur, quod juxta ipsos adversæ sententiæ Patronos quilibet presbyter post sacram ordinationem vera jurisdictione gaudeat, quamvis in ejus exercitio impeditus, usque dum a proprio pastore certa gregis portio assignetur, in quam illius vim exercere valeat, quin per hanc plebis designationem dicatur conferri, utpote jam per manuum impositionem impressa, atque communicata. Unde jam inferendum duco, etiam Episcopos jam per sacram consecrationem omni potestate episcopali spectata ipsius essentia ditari, quamvis ejus exercitium usque ad plebis adsignationem maneat impeditum suoque fine destitutum.

§. LVIII.

Argumentum istud ex paritate cum sacramento ordinis instituta conlustratum, cum
ni-

nimum palmare videretur, a nostra adfertione remotis, omnibus illud viribus infringere adlaborant, atque ut veluti clavum clavo pellerent, etiam presbyteris jurisdictionem in corpus Christi mysticum non per sacram ordinationem, sed per Episcopi concessionem conferri ajunt, illo ducti momento, quod Episcopi penes arbitrium semper fuerit poenitentiae fori ambitum vel pro libitu extendere, vel placitos intra fines constringere, eo fere modo: quo illud concedere vel obferare unice ex Episcopi beneplacito dependet, frustra procul dubio obnifuri, si divina jam autoritate non prohibendum patere aditum nosceretur. Quare idem quoque Episcoporum fatum esse adfirmant, cum & horum jurisdictionem variis mutationibus sedis apostolicae juxta placitum inducendis, obnoxiam esse, vaticana fulmina in meridiana luce constituent: ut adeo Episcoporum jurisdictio etiam consecratione peracta cuicunque dispositioni romani Pontificis cedere non detrectet, utpote cujus in potestate positum, quosnam eidem terminos constituere, num vero eandem omnino suo effectu frustrare velit, ipsis etiam tridentinis Patribus pro hac tacita conventionem Pontificem inter ceterosque




que Episcopos suos calculos adjicientibus, summoque Pontifici quorundam casuum absolutionis sibi reservandæ potestatem vindicantibus. (z) Quales profecto limites potestas divinitus collata haud sustineret, nisi ea divino auctori placuisset œconomia, vi cujus non solum ipsa episcopalis jurisdictionis substantia, sed determinatus insuper modus ex arbitrio Petri dimetendus ipsius mediante ministerio transfunderetur.

§. LIX.

Verum enimvero hæc si philosophia stringit, idem quoque argumentum Petri successoribus ferale erit, quorum jurisdictio teste eruditissimo Gersone (*) non solum mutationi, sed cessationi etiam eo certius creditur subjecta: quo divinæ institutioni conformius esse claves non uni sed unitati commissas esse demonstrat. Unde fuit, solum potestatis a Christo conlatæ exercitium humanæ dispositioni esse subditum, quo non obstante ipsa jurisdictio privilegio divinitus concessa ordinata esse poterit, sacerdotalis
ordi-

(z) Sess. 14. c. 7. de pœnit.

ordinis ad instar, quem ab ipso Christo in sacra ordinatione conferri nec ille inficias ibit, qui eum etiam suspensione aliave censura ecclesiastica suo exercitio privari noverit. Licet proinde potestas ordinis nullius hominis temerario ausu possit imminui, auferri, neque etiam amplificari, cuicunque tamen eadem ditato illius exercitium prohiberi posse, omnis Ecclesia perorat, ad compescendos quoscunque discolos potestate ligandi instructa: ut adeo eadem prorsus sit episcopalis jurisdictionis conditio quam ullo sub respectu ab Episcopo legitime consecrato auferri posse qui adseruerit, vel exinde erroris convincitur, quod suæ sedi saniora cogitans restitutus haud nova jurisdictione indigeat, propria utpote in episcopali consecratione conlata etiam quoad exercitium reviviscente, quam solum in bonum Ecclesiæ exerceri Christum præcepisse vel inde datur intelligi, quod Petrum constituerit unitatis vinculum, nullius privata improbitate rumpendum, verum per exactam subordinationem circa negotia unitatem spectantia, strictamque in illis a Petri cathedra dependentiam continuo in primæva integritate retinendum, conservandumque. Propter quod ea nobis semper



per infedit opinio, ut Episcoporum jurisdictionem, quam quoad conlationem mediante consecratione a Deo infundi diximus, nihilominus in suo exercitio Petri favoribus tributariam esse fateremur: qua dicendi methodo & illa potestatem ordinis inter & jurisdictionis differentia facilem fortitur explicatum; inde enim fieri auguror, quod ea, quæ etiam potestate ordinis impedita fiunt, nihilominus suum nanciscantur effectum, irrito tamen conatu Episcopo suam jurisdictionem exercente, quam vaticanis vinculis constrictam esse contigerit, cum ad illius effectum non mera potestas sufficiat absque subjecto, in quod illam exerat, eo denuo modo, quo & ordinis potestas absque materia cassa atque irrita habetur. Quoniam igitur plebis consignatio posterioribus temporibus (***) in plerisque provinciis Petri memoriæ fuerat vindicata, etiam jurisdictionis exercitium inde mutuari accidit, quin tamen ipsa potestas ex eodem fonte aquas hauserit: nisi quis dixisse amet, etiam ordinis potestatem illius benevolentiae tribuendam esse, qui sacrificii materiam a Christo determinatam suppeditarit, cum hac quoque absente nemo Christi personam sustinere cum optato successu poterit, deficiente
nimi-

nimirum illa conditione, qua non adimpleta sacrificii quoque rationem deficere necessum habet.

(*) Dum celeberrimus Gerson libellum: *de auferibilitate Papæ ab Ecclesia* inscripsit, illius mens nullatenus fuit ostendere, ipsum Papatum ab Ecclesia eliminari posse; consider. 20. enim scribit: *Auferibilis non est usque ad consummationem sæculi vicarius sponsus Ecclesiæ quin aliquis certus & unicus præficiatur, & hoc lege stante, & mundi duratione longissima. Datur oppositum, tunc Ecclesia maneret imperfecta usque ad consummationem sæculi, nec suorum gauderet integritate membrorum & præsertim membri principalis. Unde illud unum Gersonis fuisse videtur propositum, romani videlicet Pontificis potestatem non usque adeo esse expeditam, quin gravissimis ex causis ab Ecclesia vel Concilio generali uni auferatur, mox tamen alteri communicanda, alioquin posset Ecclesia permanere jugiter sine summo Pontifice, quod fieri nequit lege stante. Ut ait loc. cit. confid. 6. Modum vero, quo removendus foret Pontifex, dignum tali pæna crimen admittens insinuant Thomas Illyricus, & Thomas Cajetanus, Theologi solidæ doctrinæ fama notissimi.*

(**) Non eam semper fuisse Ecclesiæ disciplinam, ut romanus Episcopus novos episcopatus erigeret, plebemque designaret, ex Ecclesiæ monumentis discimus. Exiguam Sasimorum



rum urbem a S. Basilio caſarienſi in Cappado-
cia Archiepiſcopo in epiſcopalem ſedem ere-
ctam eſſe, eidemque Gregorium Nazianzenum
præpoſitum fuiſſe Baronius teſtatur ad ann.
371.n. 90. & 91. Idem a Nicææ Epiſcopo Ba-
ſinopoli actum fuiſſe, quam epiſcopatum inſti-
tuerat, ex act. 13. concilii Chalcedonenſis
conligitur. Sub finem concilii ephesine li-
bellus legitur a duobus Europæ in Thracia
Epiſcopis oblatus, a ſynodo poſtulantibus:
ut ſua iſſis vetuſtiſſima omnique hominum
memoria prior conſervaretur poſſeſſio, mo-
do tamen ab Heracleenſi Metropolitæ Neſto-
rii partes ſecuto atque cuius provincie no-
vum Epiſcopum ordinaturo certo certius im-
minuenda. Ex quibus denuo Metropolitæ
potestatem metiri licet. Cum in Sardicenſi
concilio viros quærerent, in quos paſtoralis
ſarcinæ partem exonerarent, eorum tamen
inſtitutio, non romani Pontificis, ſed pro-
vincie Epiſcoporum arbitrio relicta eſt, jux-
ta canon. 6. ita ex editione græca in ſyno-
do lectum: *Provincie Epiſcopi debent in iis*
urbibus Epiſcopos conſtituere, ubi etiam prius
Epiſcopi fuerunt. Si autem inveniatur urbs
aliqua tam populosa, ut ipſa Epiſcopatu digna
cenſeatur, accipiat. In ea tamen lege obser-
vanda minus forte religioſi erant Africae Epi-
ſcopi, exiſtimantes: contra ſolos orientalis
Eccleſiæ præſules ſardicenſem Canonem eſſe
ſtatutum, atque Tyrii concilii Epiſcoporum
vitio tribuentes, utpote Iſchyra manus im-

ponentium, qui pagi solum Presbyter erat, cui teste Athanasio apol. 2. ne Corepiscopus unquam præerat; dicit enim: *Ager est Alexandria, in quo loco nunquam Episcopus fuit, imo ne Corepiscopus quidem. Nihilo tamen minus Ischyram, qui ne Presbyter quidem erat, hujus pagi præter majorum traditionem Episcopum appellaverunt.* Habita solemni illa Alipium inter & Petilianum de Episcoporum controversia & ambabus hinc illincque partibus eorum per agros villasque dispersionem obtrudentibus, collat. I. n. 181. & 182. altercationi Carthaginense II. can. 5. finem imposuit saluberrimo decreto constituens, ne vicis præficerentur Episcopi prius non tanto honore beatis: quos vero auctus fidelium numerus civitatibus æquaverit, a Metropolitano rectorem accipiant, ejus tamen consensu, sub cujus diœcesi paræcia fuerit constituta, stabiliendum: *At diœceses, quæ nunquam habuerunt Episcopos, non habeant. Et illa diœcesis, quæ aliquando habuit, habeat proprium. Et si accedente tempore crescente fide populus Dei multiplicatus desideraverit proprium habere rectorem, ejus videlicet voluntate, in cujus potestate diœcesis est constituta, habeat Episcopum.* Nec romanæ sedis auctoritatem intervenisse Augustinus vel verbo innuit Fussulani castri episcopatum quadraginta passuum millibus ab hyponensi civitate distitum excitans, atque felicem operis successum Numidiæ Primatis benevolentia epist. 261. quæ est ad Bonifacium



facium comitem, adscribens: Cum me viderem latius, quam oportebat, extendi, nec adhibendo sufficerem diligentiae, quam certissima ratione adhiberi debere cernebam, Episcopum ibi ordinandum, constituendumque curavi. Propter quem ordinandum sanctum senem, qui tunc Primatum Numidia gerebat, de longinquo, ut veniret, rogans, litteris impetravi. Primus igitur, quem lego, omnium Cœlestinus Hybernis ordinavit Palladium, de quo S. Prosper advers. collat. scribit: Ordinato Scotis Episcopo, dum romanam insulam studet servare catholicam, fecit etiam barbaram christianam. Cujus exemplum posterioribus temporibus ita imitari placuit: ut nulli episcopatus, nisi de consensu Papæ, Metropolitanis, Synodi, imo etiam Principis territorialis erigerentur, tribus omnino sæculis hoc ad propositum suffragia ferentibus. Testem appello præter exempla a Petro de Marca L. de concord. sacerdot. & Imp. l. 4. c. 13. & a Thomassino V. & N. eccl. discipl. P. 1. L. 1. c. 55. adducta, continuam imo & ab origine ductam patriæ consuetudinem. Quem enim alium in finem Gregorius II. Bonifacium Germaniæ Episcopum constituens, atque infideles hisce in finibus latentes christianæ fidei luce conustraturus tam anxias illico ad Carolum majorem Palatii Franciæ regum, apostolicos in Christo Episcopos, ac duces, & comites dedit litteras, nisi ut Germaniæ Apostolum regia autoritate suis in laboribus subcollarent atque protegerent?

Qua

Qua subfultus Bonifacius Bavariam mox in quatuor Episcopatus divisit, Salisburgensem videlicet, Frisingensem, Ratisbonensem, Pataviensem, uti conligitur ex epistola Gregorii III. ad eundem Bonifacium, quam recitat Baronius ad an. Ch. 739. n. 1. & 3. in qua ita Pontifex scribit: *Cum ex consensu Otilonis ducis eorundem Bojariorum seu optimatum provinciae illius tres alios ordinasses Episcopos, & in quatuor parochias provinciam illis divisisses, ut unusquisque Episcopus suam habeat parochiam, bene & prudenter peregisti. Cum vero indies fidelium numerus incrementasumeret, Bonifacius mox novos Episcopatus instituit: Herbipolensem videlicet, Buraburgensem, Erphesfurdensem, & Eistettensem, qua in urbe Episcopum consecravat S. Villibaldum, accedente Carolomanni principis consensione, ita in synodo germanica an. Chr. 742. juxta Baron. & Natal. Alex. juxta Thomassin. vero 743. perorantis: *Ordinavimus per civitates Episcopos & super eos constituimus Archiepiscopum Bonifacium.* Quare si jam illud pugnaret argumentum; nempe jurisdictionem per plebis consignationem devolvi ajens, eadem consecutione confectaneum fieri arbitror, eandem non tam romano Pontifici, quam Metropolitae, imo hujus mundi Principibus esse in acceptis referendam, quorum juxta placita episcopatum divisiones saepius factas fuisse Ecclesiarum monumenta non obscuro indice*



produnt. Plebis igitur consignationem solum praviæ conditionis ad instar requiri eo solemnius eloquimur; quo ante consecrationem Episcopos solum jurisdictione delegata pollere, indubitatus est; prudenti etenim romanorum Pontificum æconomia præprimis Cœlestini III. cap. 15. de elect. adscribendum venit, ut neoelecto Episcopo per confirmationem jurisdictionis exercitium concederetur, eo studiosius in bonum sponsæ suæ Ecclesiæ mox futuræ exercenda: quo amplius eidem per acceptatam confirmationem fuerit devinctus. His enim insuper habitis juxta rituale Gregorii M. primum chrismate delibuto dicitur: *Tribuas ei Domine cathedram episcopalem ad regendam Ecclesiam tuam, & plebem universam.* Quæ verba suo frustrari effectu nemo non advertit, si ante consecrationem episcopalem jam plenaria & ordinaria potestas jurisdictionis foret. Conf. §. LVI.

§. LX.

His jam, quantum licuit, complanatis, ad illud tridentinorum Patrum decretum protinus debetur responsio, eo leviori brachio impertienda: quo solidior ab ipsissimis Patribus est insinuata. Sola igitur verborum recitatione illam absolvo, quæ ita invenio ordine disposita: *Magnopere vero ad christiani populi disciplinam pertinere sanctissimis*

mis Patribus nostris visum est, ut atrociora quadam & graviora crimina non a quibusvis, sed a summis duntaxat sacerdotibus absolverentur. Unde merito Pontifices maximi pro suprema potestate sibi in universali Ecclesia tradita causas aliquas criminum graviores suo poterunt peculiari iudicio reservare. (a) Quis enim hasce reservationes a Patribus primum concessas vel saltem adprobatas fuisse dubitare poterit decreti verba æqua lance ponderans? sicut idem circa beneficiorum reservationes contigisse Thomassinus (b) memorat: ut illam Lovaniensium & Colonensium Theologorum resistantiam vel commemorasse pigeat, totum negotium, tanquam rem non perspicuæ veritatis contemnentium. (c) Verum utraque hac responsione missum facta, vel ideo, quia neutra Petri cathedræ fat videtur esse devota, illud unum ex cl. Zallwein notasse juverit: (d) reservationem casuum graviorum tanquam rem majoris momenti a concilii Patribus inter causas majores esse relatam, quarum iudicium ceu pontifi-

1 3

tifi-

(a) Loc. supr. cit.

(b) Tom. 2. P. 2. L. 3. c. 24.

(c) Conf. Petri suavis Polani hist. trident. L. 4. in edit. nov. pag. 426.

(d) Tom. 1. q. 4. c. 3. §. 4.



absque involucris Pontifex indigitat, ex aureo Cypriani libro procul dubio haustam, atque veluti compendio expressam: *Episcopatus unus est, cujus a singulis pars in solidum tenetur.* (g) Continuis quoque idiplum Ecclesiae moribus comprobatum habemus, Episcoporum videlicet in conciliis coadunatorum suffragia absque amplioris gregis respectu aestimari, nec ullam hujus vel illius diœceseos rationem haberi, testante Hieronymus: *Ubique fuerit Episcopus, sive Roma, sive Eugubii, sive Constantinopoli, sive Rhegii, sive Alexandria, sive Tanis ejusdem meriti, ejusdem est & sacerdotii. Potentia divitiarum, & paupertatis humilitas vel sublimiorem vel inferiorem Episcopum non facit. Cæterum omnes Apostolorum successores sunt.* (h) Nec ordinis igitur nec potestatis inter Episcopos reperitur differentia; utrumque etenim privilegium ex eo, quod Apostolorum successores sint, mutuantes. Quæ proin prærogativa, cum omnibus Episcopis ex æquo respondeat, omnes quoque pari gloria conspicuos esse cl. Riegger concludit, (i)

(g) L. de unit. eccl. cujus summam refert Gratian. XXIV. q. 1. c. 18.

(h) Epist. ad Evagr.

(i) eo certius: quo minor inter Apostolos ab ipsorum Magistro concedebatur præcellentiae æmulatio, parvuli exemplo condemnata, (k) ut ita ad simplicitatem infantium reversi, atque in ea conlocati speciem humilitatis dominicæ circumferrent, gloriam suam non ex amplis potestatis concessæ finibus, sed ex ministerio etiam minimis impendendo petitori. Vanus igitur omnis murorum circuitus, turriumque licet altissimarum numerus: infirma omnis paræciarum copia: nec fortior plurima subditarum ovium caterva, ut hæc incrementa sumens etiam Episcoporum potestati incrementa tribuat, aut illa deficiente hæc quoque deficiat; proveniente utpote atque redundante omni Episcoporum præeminentia ex apostolicæ successione prerogativa, non pro singulis diversa, sed in omnibus ipsissima, vi cuius Ecclesiæ cura, singulis Apostolis divinitus præcepta, ad eos hæreditario jure devolvitur; transeunte quoque onere, ut pro tota Ecclesia vigilant, suumque ministerium impendant, quamvis præcipuo titulo pro grege singulariter concredito speculatores constituti, atque præordinati.

1 5

§. LXIII.

(i) Instit. Jurispr. eccl. P. I. sect. I. c. 7. §. 85.

(k) Matth. 18. v. 4.



§. LXIII.

Proletariam optimo jure illam modo consecutionem dixero, vi cujus ex præstituta episcopalis potestatis æqualitate vanum atque egenum romani Pontificis primatum esse concluditur; cujus tamen revérentiam tot scripturarum oraculis Patrumque effatis celebrari contingit. Absit enim, ut vel latum, quod vetus habet verbum, unguem a tritis Ecclesiæ Patrumque vestigiis recedamus, Petrique honoribus non illam omnem præcellentiæ dignitatem vindicemus, quæ ad unitatem conservandam commissa creditur, utpote cum Cypriano dogmatis instar habentes: *Quamvis Apostolis omnibus parem potestatem tribuat, & dicat: Sicut misit me Pater, & ego mitto vos: Accipite Spiritum sanctum, si cui remiseritis peccata, remittuntur eis: Si cui retinueritis, tenebuntur: tamen ut unitatem manifestaret, unitatis ejusdem originem ab uno incipientem sua auctoritate disposuit Hoc erant utique & cæteri Apostoli, quod fuit Petrus, pari consortio præditi, & honoris & potestatis; sed exordium ab unitate proficiscitur, ut Ecclesia una monstretur.* (1) Hac enim non obstante prærogativa in
uni-

(1) Loc. cit,

unitate fundata , quoad cætera eadem Epi-
scopis Ecclesiam gubernandi potestas adtri-
bui potest. Salva igitur est in nostris disci-
plinis statuta a Leone M. discretio potesta-
tis : *Uni tantum datum esse , ajente , ut cæ-
teris præmineat.* (m) Eminent profecto præ
cæteris Episcopis Christi in terris Vicarius,
dum non ex benevolentia hominum , sed
divino potius ex instituto eidem defendi-
tur *Jus petendarum recipiendarumque relatio-
nem , & appellationum , ad servandam unio-
nem fidei.* In terminandis fidei controversiis
partes ejus inter cæteros Episcopos præcipuæ.
*Jus convocandi concilia , iisque præsidendi , ce-
lebrataque confirmandi.* *Jus primario defen-
dendi causas fidei.* *Jus tutandi , vindicandi-
que observantiam canonum per omnes Ecclesias.*
Jus ferendi leges disciplinares universales
*Jus relaxandi Canones conciliorum etiam gene-
ralium in casibus particularibus , in quibus
nempe concilia ipsa legis gratiam facerent secun-
dum dispensationum regulas in conciliis præ-
scriptas.* *Jus devolutionis supremum , quo
Pontifex romanus desciscentes ab officio pralatos*
ad

(m) Epist. 14. in quo vero hæc Petri præ cæteris
Apostolis præ eminentia consistat , fat bene
explicat D. de Marca dissert. select. de sing.
Primat. Petri §. 7. & seq.

ad muneris expletionem revocare, & ita negligentiam eorum supplere valeat, salvis tamen devolutionibus intermediis. (n) Quæ proin privilegia, cum soli romano Pontifici ceu legitimo Petri successoris concedamus, discretionem quoque potestatis nos venerari non nisi livor inficias ibit. Celebriora vero prædicare cur non liceat, inde causam petimus: quod Petrum ea quoad Apostolos, quorum successores Episcopos diximus, exercuisse nullis Ecclesiæ tabulis consignatum habeamus, certe non reticendis, si eas digito Dei scriptas fuisse constaret.

§. LXIV.

Apostolica successio proin illud argumentum est, quod nec evigilatissimis consiliis delumbari patiemur, probe gnari: hoc evigorato totius ædificii nostri fundamenta nutare, ipsosque angulares lapides suo nexu dissolvi, illis eo fortius innixos: quo firmiori fiducia omnibus insultibus superiora fore persuasum habemus. Porro tantæ efficaciam cum successio quædam similitudinaria esse haud valeat, illam ad metaphoram

(n) Synops. Jur. eccl. quæ per terras hæredit. Am-
 briae. obtinet, pag. 18.


ram detorquere, eo abjectiora animi senſa prodiſit: quo turpiorem violentiam SS. Patrum effatis nuper recitatis (o) inferri contingit. In hanc enim partem ſi Patrum ſententias exponere placet, romanum quoque Pontificem non in officii, perſonæque excellentia Petro ſucceſſiſſe cum Calvino (p) mentiar, utpote eodem jure Patrum, ipſiusque Eccleſiæ decreta ſolum de quadam ſimilitudine atque proportionem intelligenda eſſe ariolatus. Vera igitur quibus non placet ſucceſſio, Eccleſiam quoque metaphoricam ſtatuant, oportet; cum ea, quam Chriſtus inſtituit, ſuiſque in paſtoribus repræſentatur, ſolum per proportionem quandam ſeu ſimilitudinem exiſtere adfirmatur, qua aſſertione quid infelicius vel excogitari poſſit, omnis bonus ignorat.

§. LXV.

Horſum neutiquam diſputata volo, illa quoque privilegia ad Episcopos tranſiſſe, quæ Apoſtoliſ non ut Episcopis, ſed ut primis Eccleſiarum fundatoribus erant divinitus conceſſa, neque prudenti Eccleſiæ admini-

(o) §. XXIX.

(p) Inſtitut. L. 4. c. 3.



ministrationi, nisi fors ad tempus, fuerint necessaria. In his enim, ut Espenii verbis utar, (q) Apostolorum proprietatibus nulla datur successio ordinaria in Ecclesia: fuerunt enim dona & privilegia apostolatus proprie dicti, in quem Episcopi non successerunt. Succedunt igitur Apostolis in ecclesiastici regiminis ministeriali potestate; nequaquam vero in hoc, ut sint testes vitæ, doctrinæ, & resurrectionis Jesu Christi; neque in eo, quod vivæ vocis oraculo a Christo eligantur, atque Evangelio prædicando prædestinentur: quibus alias quoque prærogativas oportet adjungere, uti Spiritus sancti copiam, doctrinæ infallibilitatem, plenitudinem scientiæ, donum linguarum & miraculorum &c. Omnia enim gratiarum dona Apostolis communia etiam ad posteros esse transfusa, absit, ut vindicemus, ultro in negantem partem provolantes; si de illis solum quæstio proposita sit, quæ adolescenti solum Ecclesiæ fuerunt necessaria, quamvis quoad cætera, etiam adultæ opportuna, mox in porta loqui gestiamus, eisdem non solos Apostolos, sed modernos que Ecclesiæ prælatos gloriari, agentes.

§. LXVI.

(q) P. I. I, E. U. tit. XVI. c. I. n. 8.

§. LXVI,

Circa illud jam pugna ancipiti adhuc hæret alea, quarum in numero ea reponenda prærogativa veniat, vi cuius Apostolos divino authore non tam quoad institutionem, quam ipsam conationem suæ jurisdictionis lætari exploratum est. Sunt enim, quibus Christi dignationem inter prærogativas solis Apostolis proprias referre placet, eodem argumento illam cum Apostolis defecisse concludentibus, quo donum linguarum, Spiritumque discretionem ad cæteros Episcopos nunquam devolutum esse conficiunt, quos circa posterius posita privilegia ipsa rerum magistra statuminat experientia, eadem eloquentia pro hoc negotio perorans, qua contrarium testimonium non nisi ex remotissimis temporum epochis repetendum esse ostendit, ex ipsis videlicet Ecclesiæ cunis mutuandum, cumque illis dilapsum. Quos ita arguere contingit, equidem tanquam in venerandissima Patrum oracula magis officiosos veneror, eisdemque verborum perspicuitatem ad sensum veræ propriæque successioni præstandum subfuratam esse gaudeo; quamvis & hos, nescio, quo glaucomate laborasse dixerò, ut nativa ipsis,
in-

inque cæteris disciplinis perspicacissima oculorum acies intercepta fuerit: quo minus divinæ institutioni consentaneum discrimen inter Apostolorum privilegia decernerent, arbitraria a necessariis dispecerent, segregarent. Pristinis enim insistendum duco principiis vel ideo: quia veritati sacramento junctis, quorum sub ductu Episcopos Apostolis in juribus adhuc Ecclesiæ non tam commodis quam necessariis succedere, sat manifesto indice proditur. Quid vero sublevandis Ecclesiæ necessitatibus opportunum magis, quidve adcomodatius, quam illam ligandi atque solvendi potestatem in Christi Ecclesia persistere, divinaque mysteria a ministris divinitus in sortem Domini evocatis, dispensari? Quæ tamen singula in sententia nobis adversa sat viderentur ambigua, cum Patrum ex sententiis omnis potestas ecclesiastica successionis folliculo ad posteros devolvatur, illoque intercepto in spuriam degeneret. (*) Quo fit, ut Ecclesiæ quoque potestas Apostolis primitus a Christo concessa deficeret, nisi per successionis ductum ad Episcopos derivaretur, quod vix contingeret, nisi eundem quoque jurisdictionis episcopalis authorem profiteri daretur.

(*) Videtur hoc palmare argumentum esse contra Angliæ Episcopos, de quibus F. le Cou-
 rayer P. 2. dissert. 13. testatur, quod quo-
 ties aliquis minister Anglus ad Ecclesiam catho-
 licam redit, si dignus habitus est, ut admitte-
 retur in Clero, omnes ordines tanquam mero
 laico illi collati sint, & ita quoque recenter
 actum sit Romæ. Ideo enim illorum ordina-
 tiones censentur nullæ, quia novam congre-
 gationem suæ plantationis erigentes, omnium
 Episcoporum in orbe christiano successionem
 abjecerunt, dum ex una parte ordinationis
 suæ Parkerum a Barlovio in taberna sub Eli-
 sabeth Regina ordinatum, caput & originem
 habent: ex altera vero parte ritu ab Eduar-
 do VI. statuto ordinantur, quem ritum quam-
 vis si in seipso spectetur, fors non repu-
 diandum, relatum tamen ad ea, quæ præce-
 dunt, interrogata & responsa invalidum esse
 constat. Illis vero, qui eundem ritum a Par-
 lamento probatum esse ajunt, fat solide Sta-
 pletonius in confut. Horni respondet: Si
 vero dixerint, hunc defectum jam sublatum esse:
 meminerint tamen, se Parlamenti, non Eccle-
 siæ esse Episcopos, & per consequens, non ca-
 tholicos, novo utique & inaudito more & ritu
 ordinatos.



§. LXVII.

Ea enim, teste Jueninio, (r) successio-
nis veræ natura est, ut in novam protinus
institutionem degeneret, quam primum alius
a primario ejusdem authore suam interferit
potestatem, atque per hujus interventum
in eodem negotio pro lubitu disponere va-
let. Aut quis illos Episcopos Apostolis suc-
cedere somniabit, quos romanus Pontifex
proprio motu institueret, atque necessariæ
potestatis privilegio dotaret, quamvis ea-
dem ipsorum foret præcellentia, licet Apo-
stolis tanta gloria nunquam conspicuis? ex-
igente nimirum ipso successionis jure, ut
communi ex fonte tum prædecessori, tum
successori, quam ambit, potestatis excel-
lencia profluat, nec alieno insuper rivo in-
digeat, cujus adminiculo tandem prioris
sibi jura consciscat. Atque hæc ipsissima
Jctorum de successione differentium consi-
lia esse deprehendo authoritati legis salicæ
communi suffragio tribuentium; quod regius
continuo sanguis in Gallia regni sceptrum ca-
peffat, illoque deficiente ad sanguine pro-
ximius junctos successionis prærogativa tran-
seat,

(r) Tom. 5. de sacrm. ordin. c. 12. de episcopat.

feat, (s) indicto mox quoad successionis
 vocabulum silentio, si regio in masculis stem-
 mate in Bohemiæ provinciis penitus extin-
 cto, electio cuiusdam regni coronam impri-
 meret, ejusque sceptrum amplior meritorum
 copia vendicaret. (*) Quo fit, ut tamdiu
 successionis seriem protendi contingat: quo-
 usque commune idemque principium adipi-
 scendam gloriam suppeditat, novo tamen
 mox subcrescente titulo, quando illud haud
 amplius suum officium subministrat. Quæ
 proin nostro adcomodata proposito alter-
 utrum, favente Marte evictura confido:
 Episcopos sua jurisdictione, aut non suc-
 cessionis jure gloriari, contra id quod Pa-
 tres uno testantur calamo; aut ab eodem
 quoque authore cum Apostolis absque omni
 ambitionis nota illa fuisse instructos divinis
 utpote promissionibus insistentes, quarum
 testimonio *Ipse Dominus dedit quosdam qui-
 dem Apostolos, quosdam autem Prophetas, alios
 vero Evangelistas, alios autem Pastores & do-
 ctiores, ad consummationem sanctorum, in opus
 ministerii, in ædificationem corporis Christi, do-
 nec occurramus omnes in unitatem fidei & ag-
 nitio-*

III 2

nitio-

(s) Conf. Philip. Cominæus de bell. Neap. L. 5.
 circa fin. Hotomannus de antiq. Jur. regno
 Gall. L. 1. c. 14. Heig P. 1. q. 16.



nitiois filii Dei, in virum perfectum, in mensuram ætatis plenitudinis Christi. (t) Frustra igitur divinæ largitati ponuntur termini, Apostolorum videlicet temporibus concludendi; quos utpote omnes Christi dignatio perrumpit, episcopali gloriæ, teste Apostolo, tam benevola, vel ideo autem a ponendis ipsi angustiiis alienissima.

(*) Deducta fuit hæc dispositio ex aurea Bulla Caroli IV. Pragæ 7. Aprilis 1349. edita. Eadem habet ordinatio Uladislai de an. 1510. Similis quoque tenoris est clausula reversaliū Ferdinandi I. Rom. Imperat. & Bohem. Regis de an. 1541. Qui vero plura desiderat adglomerari testimonia conf. Baumannii tract. *Schlesischer Landmann* inscriptum. Hubertum Miræi canonicum Antverp. de reb. Bohem. & omnium loco integrum & elaboratissimum tractatum de hac re ex antiquis & recentioribus scriptis magna opera & industria compilatum a viro celeberrimo Melchiore Goldasto ab Heiminsfeld.

(t) Ephes. 4. v. 11. & seq.

Emendatio præcipuorum

ERRORVM.

	<i>Errata.</i>	<i>Corrige.</i>
Pag 16	exagerandæ	exaggerandæ
—	mollissimos	mollissimos
24	faustus	fastus
25	erubefant	erubescant.
28	arbitrion	arbitrio
31	depræcipue	præcipue
—	aggressures	aggressores
—	profacto	profecto
32	præscripta,	præscripta, &
—	debita	dictata
34	inereft	interest
38	concesia	concessa
44	judicare	judicare
47	inprimis hunc	inprimis, qui hunc
52	Constantinus	Constantinus.
56	potestatemquē	potestatemque
59	docrevit	decrevit
61	ani reputans	animo repurans
64	deducuit	deducit
66	constifutos	constitutos
69	verbum N. L.	verum N. L.
86	Rex christiana	Rex christiane
94	Petavum	Petavium
102	pratulit	prætulit
112	tradituram	traditurum
114	conatam	conlatam
—	conimant	conlimant
117	profanam so-	profanam potestatem so-
	lum	lum

Pag. 118	conspiraute	conspirante
—	regium	regum
122	alios vero	aliis vero
127	Tychium	Tychicum
129	proposita	proposita
130	Theſſalonien- ſium	Theſſalonicenſium
—	omnes electio- nes	omnes
132	Zouaras	Zonaras
133	mutare	mutuare
138	liberum capi- tulum	liberam capitulo
—	hereditario	hereditario
—	Würwein	Würdtwein
139	compluribus; eccleſiæ	compluribus Eccleſiis
145	quoque	quoque
149	Joannas VIII.	Joannes VIII.
—	præbeibmus	præbebimus
151	conſtitutio	conſtituto
—	eo ferre modo	eo fere modo
154	alveo immiſa	alveo immiſſa
165	Petri ſuavis	Petri Soavis
167	fideatur	videatur
—	oriental.	oriental.
168	teſtante Hiero- nymus	teſtante Hieronymo
172	ſapides	lapides
175	conationem ſuæ juridi- ctionis	conlationem ſuæ juridi- ctionis

Ceteros errores & interpunctiones male poſitas
benevolus Leſtor corrigat.

POSITIO NES
EX
SYNOPSIS IURIS
ECCLESIASTICI
PUBLICI & PRIVATI,
QVOD
PER TERRAS HAEREDITARIAS
AVGVSTISSIMAE IMPERATRICIS
MARIAE THERESIAE
OBTINET,
DEPROMPTAE,
ET
EX PRAELECTIONIBVS ORDINARIIS
a P. AVGVSTINO M.
STEINLECHNER
ORD. SERV. B. V. M.
IN VENERABILI
CONVENTV AD D. JOSEPH
PROPVGNATAE
DIE 29 MENSIS IVLII M. D. C. C. LXXIX.
HORIS ANTE ET POST MERIDIEM CONSVETIS.

PERMISSV SUPERIORVM.

OENIPONTE,
LITERIS ACADEMICIS WAGNERIANIS.



EX

J V R E

ECCLESIASTICO PVBLICO.



I.



Jurisprudentia ecclesiastica
est scientia legum eccle-
siasticarum conjuncta cum
habitu leges ad facta appli-
candi. SYNOPSIS N. 1.

2.

Ut leges hæ recte & intelligantur,
& ad facta applicentur, determinatio-
nes



nes legum diligenter evolvendæ sunt.
S. N. II.

3.

Nascente Ecclesia leges perpaucae: auctæ illæ postmodum Conciliorum decretis, unde codices Canonum multiplices orti, codex Canonum Ecclesiæ græcæ, Romanæ, Africanæ, Hispanicæ. In Germania sola vetus Canonum compilatio obtinuit, donec Carolus M. collectionem Dionysianum Romæ ab Hadriano Papa post medium sæculi VIII. acceptum domum referret. S. N. VIII, IX, X.

4.

Exeunte sæculo VIII. Jus novum ecclesiasticum; sub schemate tamen antiquitatis disseminatum est, per collectionem Canonum Isidori Mercatoris. S. N. XI.

5.

Celebriores cæteræ collectiones erant Reginonis, Burchardi, Ivonis, & Gratiani, cujus postremi collectio brevi in scholis & foris civitate ubivis donata fuit. S. N. XIII.

6.

6.

Sæculo XIII. ineunte Pontifices Romani ipsi collectionibus Canonum edendis animum adjecere, Innocentius III. Innocentianæ, & Honorius III. Honorianæ, quas tamen longe postea superavere Libri V. Decretalium auctoritate Gregorii IX. collecti, & ab eodem anno 1234. ad Doctores & Scholares Academiæ Bononiensis missi. s. N. XIV.

7.

His anno 1298. sextus Decretalium auctoritate Bonifacii VIII. additus. s. N. XV.

8.

Librum VI. Decretalium subsecutæ sunt anno 1317. Constitutiones Clementinæ, & has demum Extravagantes Joannis XXII. & Extravagantes communes. s. N. XVI.

9.

Atque his collectionibus universum Juris canonici corpus absolvitur, dum, quæ postea conditæ leges sunt,



non amplius in corpus Juris canonici referebantur, quorum complexus idcirco Jus novissimum audit, cujus partes nobiliores sunt Concilium Constantiense & Tridentinum. S. N. XVII.

IO.

In Germania non modo Juris novissimi partem specialem constituunt concordata Germaniæ, sed etiam Pax religiosa, & Westphalica omnino est custodienda. S. N. XVIII.

II.

Quandoquidem Jurisprudentia ecclesiastica scientia est legum ecclesiasticarum, principiis certis & indubiis illa nitatur oportet, unde doctrinam suam de legibus deducat. Quare cum aliæ quidem in Jure ecclesiastico leges divinæ sint, ab ipso JEsu Christo latæ, quas tum in sacra Scriptura, tum in Traditione, Ecclesiæ reliquit suæ: aliæ humanæ, quas seu Apostoli, seu successores eorum Episcopi in, aut extra Concilia sanxerunt, relinquitur: duo omnium prima Juris ecclesiastici principia Scripturam sacram esse atque Traditionem.

ditionem, cujus testes & depositarii sancti Patres Ecclesiæ sunt; quæque ex eorum scriptis, ex actis Conciliorum, aliisque Decretis, præcipue Romanorum Pontificum potissimum colligitur. S. N. XXIV.

12.

At quoniam nonnullæ disciplinæ ecclesiasticæ exterioris partes sæpe aliquid admixtum habent, quod ad statum regnorum civilem pertinet, in his etiam Principibus & Imperantibus civilibus Jus, quæ ad salutem publico pertinent, determinandi competere, res ipsa loquitur; quo fit, ut & summorum Imperantium civilium leges in tradendo jure ecclesiastico probe cognoscendæ, & sancte observandæ sint. S. N. XXV.

13.

De ejusmodi disciplinæ exterioris partibus interdum integræ nationes pacta singularia iniere. In Germania sunt supra laudata Concordata Germaniæ, tum Pax religiosa & westphalica, quæ proinde a studio Juris nostri ecclesiastici exulare non possunt. S. N. XXVI.



I4.

Sed & Juris naturalis leges inter principia Juris ecclesiastici collocandæ. Uti enim religio revelata Legem naturalem non destruxit, imo perfecit, ita & leges Juris naturalis obtinere etiamnum in Ecclesia debent. S. N. XXVII.

I5.

Servator mundi Christus Jesus cum inter homines vitam ageret, interitum legis Mosaicæ non annuntiavit modo persæpe, sed aliam etiam in ejus locum societatem instituit, a Judaica omnino diversam, quæ societas christiana vocatur. S. N. XXVIII.

I6.

Nexus institutæ hujus societatis per ejusdem veræ fidei, eorundemque Sacramentorum participationem, ac dilectionis mandatum, nec non per concessam hujus societatis Pastoribus, principaliter Petro & ejus successoribus potestatem clavium, subsistit. S. N. XXIX.

17.

Quam societatem qui intrare vel-
lent, per Baptismum ceu pactum so-
lemne ad nexus hujus observantiam se-
se adstringerent. S. N. XXX.

18.

Societas igitur christiana divinæ ori-
ginis est. Est societas perfecta nexu
animorum non interno solum, sed ex-
terno etiam colligata cum unionis tum
subjectionis, nec non & pacti solem-
nis. S. N. XXXI.

19.

Quoniam porro formam, secundum
quam societatem hanc suam Christus in-
stituit, in Scriptura sacra Testamenti,
tum in traditione orali nobis reliquit,
liquet: Scripturam N. I. nec non Te-
stamenti ejusdem traditiones divinas
legem societatis christianæ esse funda-
mentalem. S. N. XXXII.

20.

Unde sicut in Jure ecclesiastico ad
verbum Dei scriptum & traditum pri-
mo loco recurrendum, ita quæ ex iis
rite

rite deducuntur, invictæ sunt auctori-
tatis, modo ex genuino sensu Scriptu-
ræ sacræ & traditionibus vere divinis
deductæ sint. S. N. XXXIII.

21.

Quapropter uti sensus Scripturæ di-
vinus a sensu humano, ita & traditio-
nes divinæ ab ecclesiasticis & hæ iterum
a vulgaribus & piis credulitatibus pro-
be sunt in Jurisprudencia ecclesiastica
secernendæ. S. N. XXXIV.

22.

Neque tamen propterea Scripturæ
sacræ V. T. negligendæ. Sunt enim il-
læ æque verbum Dei, & quantum ad
veritates credendas in iis contentas,
credere eas hodie debet Ecclesia chri-
stiana non minus ac olim Judaica, eo
solum discrimine, quod quæ tum in fi-
guris tantum nota, credebantur even-
tura, nos evenisse jam credamus. S.
N. XXXVI.

23.

At quantum ad Jus agendorum, quod
in iisdem V. T. Scripturis continetur,
sane

sane leges illorum cæremoniales, politicae & judiciales nihil ad nos attinent, qui alias tum civiles tum ecclesiasticas leges habemus. S. N. XXXVII.

24.

Quamobrem neque a statu publico synagogæ & a sacerdotio veteris Testamenti ad statum & sacra Ecclesiæ christianæ invicta valet consecutio. S. N. XXXVIII.

25.

Jus determinandi cum correspondente obligatione parendi societatibus perfectis alioqui proprium, a Christo etiam Ecclesiæ suæ in potestate clavium, potestate ligandi & solvendi concessum esse, Scripturæ N. T. locis bene multis luculenter perhibent. S. N. XL.

26.

Ac Juris hujus concessionem mox usus ipse praxisque vel in nascente Ecclesia comprobavit, quod tamen inter sphaeram Sacrorum stetit. S. N. XLI. XLII.

27.



27.

In jure determinandi porro quoniam potestas & legislatoria continetur & judiciaria utraque a Christo Ecclesiæ concessa intelligitur, quam Apostoli etiam eorumque successores reapse exercuere. S. N. XLIII.

28.

Cum distributio bonorum spiritualium, quæ e societate christiana promanant, Ecclesiæ divinitus concessa sit, non temere utique sed prudenti cum judicio facienda: Ecclesia etiam jure pollet subtrahendi eadem bona immerentibus; proin & subtractione horum bonorum cogere fideles potest ad obediendum legibus iis, quarum sancientiarum & penes Ecclesiam jus est, & penes fideles obligatio parendi. S. N. XLIV.

29.

Id quod dum agit Ecclesia, excommunicare dicitur. Jus igitur ferendi excommunicationem ex instituto manat divino, excommunicatioque privatione communionis sacrorum continetur. S. N. XLV.

30.

30.

Unde quos cæteros effectus mere civiles annexos habet excommunicatio, eos ex Principum consensu habet. s. N. XLVI.

31.

Quoniam ubi potestas judiciaria legislatoria & jus cogendi est, ibi & imperium est; Ecclesiæ quoque imperium divinitus, concessum esse negari nequit. s. N. XLVII.

32.

Quod tamen cum imperium mere sacrum sit & intra sphæram sacrorum contineatur, Majestati civili nec quidquam detrahit; & utrumque suo in genere summum manet & independens. s. N. XLVIII.

33.

Imperium sacrum porro Ecclesiæ omnium semper splendidissime in conciliis generalibus exercuit; quorum ut firmior adhuc & inexpugnabilis esset auctoritas, privilegio inerrantiæ in fidei morumque controversiis determinandis Christus illam munivit. s. N. LI.

A

34.



34.

Quæ porro Conciliorum horum definitionibus in rebus fidei & morum immutabilitas competit, non ea ad res disciplinæ etiam pertinet, de quibus proin cum leges sanciant, mutationi illæ utique sunt obnoxia. Quare videndum semper diligenter, num leges illæ ubivis receptæ aut abrogatæ iterum seu consuetudine, seu legibus posteriorum Conciliorum. S. N. LIII.

35.

Imperium sacrum Christus non quibusvis de populo, sed solis Apostolis contulit, ac inter hos præcipuo quodam modo Petro, ut is & ipsorum Apostolorum caput esset, quo ita Ecclesiæ unitas conservaretur. Atque hæc Petri in Imperio sacro prærogativa Primatus Petri vulgo appellatur. S. N. LIV.

36.

Quemadmodum autem Imperium sacrum non intra fines nudi directorii aut sola prærogativa honoris consistit: ita & illud, quod in ipso hoc imperio peculiare Petro præ cæteris Apostolis datum

datum fuit, id est, Primatus Petri, Primatus auctoritatis & jurisdictionis sit oportet. S. N. LV.

37.

Cumque instituti hujus primatus causa finisque omnis in eo esset, unitas ut conservaretur in Ecclesia: fane non is merum Petri privilegium personale fuit, sed reale, in Ecclesiae commodum perpetuo impertitum, perinde ac reliquum Imperium sacrum Apostolis concessum. S. N. LVI.

38.

Quamobrem regimen Ecclesiae, quale quidem divinitus institutum accepimus, haud mere est Monarchicum, sed Aristocratia temperatum. S. N. LVII.

39.

Ex constituto divinitus in Ecclesia Imperio recte consequitur, Ecclesiam esse societatem inaequalem & Rempubli-
cā quandam sacram, in qua nempe sint alii, qui imperium exercent, alii, quorum sita in obediendo gloria.
S. N. LVIII.

Postquam divus Petrus Ecclesiæ Romanæ regendæ immortalus est, quotquot post illum rite electi eidem Ecclesiæ præsunt Episcopi, eos & jure & merito universa Ecclesia etiam Petri in Primatu successores agnoscit. s. N. LXII.

Primatus hujus jura ut sunt hodie multijuga, ita non omnia uniusmodi. Sunt alia essentialia, seu quæ ex institutione divina competant, quo refertur Jus petendarum, recipiendarumque relationum & appellationum ad servandam unionem fidei. In terminandis fidei controversiis partes ejus inter cæteros Episcopos præcipuæ. Jus convocandi Concilia, iisque præsidendi, celebrataque confirmandi. Jus primario defendendi causas fidei. Jus tutandi vindicandique observantiam Canonum per omnes Ecclesias. Jus ferendi leges disciplinares universales, quæ tamen ut ubivis obligent, promulgationem earum in singulis diœcesibus per Episcopos diœcesanos faciendam

accedere oportet, neve juribus singularibus Ecclesiarum aut Regnorum sint contrariæ. Unde quali polleant auctoritate Libri Decretalium, Clementinæ, Extravagantes, Decretum Gratiani, nec non Curia Romanæ tribunalium declarationes & sententiæ, facile intelligitur. Jus relaxandi Canones Conciliorum etiam generalium in casibus particularibus, in quibus nempe Concilia ipsa legis gratiam facerent, secundum dispensationum regulas in Conciliis præscriptas. Jus devolutionis supremum, quo Romanus Pontifex desciscentes ab officio Prælatos ad muneris expletio revocare, & ita negligentiam eorum supplere valeat, falvis tamen devolutionibus intermediis. S. N. LXIV.

42.

Alia Jura Primatus sunt accidentaria, seu quæ non divino promanant instituto, sed aliunde accedere, & superioribus temporibus Pontifici Romano reservata sunt; quo pertinent Jus confirmandi Episcopos: Jus eosdem consecrandi, transferendi: Jus admittendi resignationes Episcoporum: Jus ex-

auctorandi Episcopos: Jus erigendi novos Episcopatus: Jus uniendi dividendique Episcopatus: Jus beatificandi & canonizandi: Jus approbandi, tollendique instituta Religiosorum Ordinum &c. S. N. LXV.

43.

Ad neutram Jurium istorum classem potestas illa Pontificis pertinet, quam vulgo indirectam in temporalia Regum vocant, & qua ille etiam de temporalibus Regum præcipere, ac eos Regnis etiam mulctare possit, si Ecclesiæ salutique animarum noceant. Hæc enim potestas a mente Ecclesiæ aliena est. S. N. LXVI.

44.

Legatorum modernorum, quorum tria habemus genera, Jura & potestas non ex Jure Decretalium, sed ex decretis Concilii Tridentini potius, ex Concordatis Germaniæ, ac maxime ex moribus, usuque hodierno determinanda. S. N. LXXVI.

45.

Jura metropolitana vel honoris sunt vel jurisdictionis. Illa absolvuntur jure proedriæ seu primæ sedis ante cæteros Provinciæ Episcopos, jure præferendæ crucis archiepiscopalis, ac jure Pallii, cujus quidem pallii origo nondum satis est eliquata. S. N. LXXXIII.

46.

Hæc autem quum olim essent amplissima, imminui cœpere jam inde a sæculo IX. & deinceps, ad Tridentini usque Concilii tempora. Ac inter cætera, quæ eis adempta sunt, omnium maxime duo eminebant: Jus nempe confirmandi Episcopos, ac judicandi eorundem causas majores, depositione vel degradatione dignas. Quorum illud in Concordatis Germaniæ, istud in synodo Tridentina soli fuit Pontifici stabilitum, quamquam jam antea de Episcoporum criminalibus causis judicium Romano Pontifici esset reservatum. S. N. LXXXIV.



47.

Potestas Episcoporum originis & instituti divini est. S. N. LXXXVI.

48.

Hac illi Presbyteris superiores sunt, hancque non a Romano Pontifice, sed proxime a Deo nanciscuntur. S. N. LXXXVII.

49.

Quare & diœceses suas regunt nomine & jure non quodam vicario Pontificis & beneficio alieno, sed jure proprio, tanquam veri nominis hierarchæ a Deo instituti, subordinati tamen Pontifici ceu Primati universæ ecclesiæ. S. N. LXXXVIII.

50.

Potestas igitur eorum, qua suis præfunt diœcesibus, plenaria est & solida ac ordinaria, cujus cum pars præcipua sit præficere Pastores inferiores, in quos curam pastorem secure partiantur, collatio quoque beneficiorum ad eosdem jure pertinet. S. N. LXXXIX.

51.

Duo maxime peculiarem Episcoporum Germaniæ mentionem exigunt, insignis illa potestas civilis (superioritatem territorialem vocant) quem Episcopi Germaniæ conjunctam cum sacerdotio tenent; ac dein mutatio, quam eorundem jurisdictio ecclesiastica in pace Westphalica subiit. S. N. XCIII.

52.

Nimirum jurisdictio eorum ecclesiastica in Protestantes suspensa est in pace religiosa primum, quoad aliqua solum capita, ac demum penitus in Pace Westphalica, tribus duntaxat adjectis casibus exceptis. Quorum primus est: ad consequendos tamen redditus, census, decimas & pensiones in his A. C. statuum ditionibus, ubi Catholici anno 1624. notorie in possessione vel quasi exercitii jurisditionis ecclesiasticæ fuerunt, utantur eadem post hac quoque sed nonnisi in exigendis hisce pensionibus nec procedatur ad excommunicationem, nisi post tertiam demum denuntiationem Catholicorum. P. W. art. V. §. 48. S. N. CXIV.



53.

Alter hisce continetur: A. C. addicti status provinciales & subditi, qui anno 1624. ecclesiasticam jurisdictionem agnoverunt, in iis casibus modo dictæ jurisdictioni subsint, qui A. C. nullatenus concernunt, modo ipsis occasione processus nihil injungatur A. C. vel conscientia repugnans. Tertius denique mox subnectitur his verbis: eodem etiam jure A. C. magistratum Catholici subditi censeantur, inque hos, qui anno 1624. publicum Catholicæ religionis exercitium habuerunt, jus diocesenum, quatenus Episcopi illud dicto anno quiete in eos exercuerunt, salvum esto. §. cit. s. N. XCV.

54.

Cum jam inde ab Ecclesiæ primordiis Episcopi sua haberent presbyteria, seu senatum quemdam ecclesiasticum, cujus opera & consilio in rebus majoris momenti uterentur: sæculo VIII. vitam illi communem agere cœperunt, secundum Crodegandi Metensis Episcopi regulam, monasticis institutis multum assimilem. s. N. xcix.

55.


Et si vero hoc vitæ institutum postea iterum abjecerant, mansere tamen hodiernum coadunati in Collegia seu in Congregationes ecclesiasticas de vita ex certa regula, & statutis agenda, divinisque officiis communiter in Ecclesia peragendis. Quæ si ex Clericis Ecclesiarum Cathedralium, Capitula cathedralia: si ex Clericis aliarum Ecclesiarum inferiorum non cathedralium constant, Capitula Ecclesiæ collegiata vocantur. S. N. C.

56.

Ex quo autem bona Episcopi a bonis Capituli sejungere, corpus formare ab Episcopo separatum, ac denique redditus capituli inter se partiri cœperunt Canonici, jura etiam & Prærogativas singulares pedetentim acquirere quæ tamen non sunt ubivis uniusmodi. S. N. Cl.

57.

In Germania certe prærogativa illorum splendidissima est jus, quod habent, liberum eligendi Episcopos &
Ar.



Archiepiscopos, qui S. R. I. Principes
simul sint & Electores. s. N. cii.

58.

Parœcia olim diœcesim, hodie diœ-
ceseos partem duntaxat indicat, cujus
incolæ cœtum quendam minorem de
Deo per sacra christiana colendo con-
stituunt sub regimine Presbyteri, qui
& Parochus audit. s. N. cvi.

59.

Institutione divina extitere jam in-
de ab ecclesiæ christianæ initiis Pres-
byteri quidam inferiores seu secundi
ordinis, qui sub regimine Episcoporum
cœtibus christianorum præessent, a qui-
bus quoniam ii, quos hodie Parochos
vocamus, nihil differunt, si pauca se-
jungas, quæ recentior ecclesiæ disci-
plina addidit, divinæ quoque illi insti-
tutionis sunt, si rem ipsam spectes &
substantiam; quo sensu & potestatem
suam proxime a Deo obtinent, quæ
ordinaria est, non vicaria tantum &
mere delegata. s. N. cvii.

60.

Clericorum jura ad duo summa genera revocantur ad immunitatem ecclesiasticam personalem & realem, quorum illa privilegium Canonis, quod vocant, privilegium fori, privilegium servitiorum & privilegium competentiae complectitur. S. N. CX.

61.

Privilegio Canonis excommunicatio major continetur, lata in notorios Clericorum percussores, de quorum tamen percussione inquisitio facienda ab utraque, ecclesiastica & civili potestate. S. N. CXI.

62.

In causis quidem sacris, quemadmodum Clerici foro civili non sunt obnoxii: ita in cæteris civilibus causis, quidquid exemptionis, quam privilegium fori vocant, habuere aut habent etiamnum, regum aut principum concessioni referendum in acceptis. S. N. CXII.

63.



63.

Privilegio fervitiorum Clerici exempti sunt fervitiis statui clericali minus convenientibus, ut sacris vacare magis possint. Quare inter cætera etiam a militia exempti sunt, nisi forte Patria defendi non posset, quo casu iuri sequelæ, quod regibus ceu confectarium ex jure belli competit, etiam clerici sunt obnoxii. S. N. CXIII.

64.

Privilegium competentia, quo clericis non habentibus unde creditoribus satisfaciant, salvam oportet esse sustentationem statui eorum congruam, ex observatione diuturna æquitate subnixam repetendum. S. N. CXIV.

65.

Prima immunitatis reulis initia Constantino M. debet ecclesia. Cumque initio varia ea esset immunitas, modo auctior modo contractior, pedetentim a sæculo XI. usque eo crevit, ut etiam ad possessiones patrimoniales & privatas clericorum extenderetur. Posteaquam enim ex falsis Isidori Decretalibus

bus semel creditum est, clericos civili jurisdictioni nequaquam subiacere, idque instituto divino; proclive fuit, ut etiam a tributorum præstatione, quæ subjectionis illius signum esset, liberi crederentur eodem jure. Prædia porro clericorum ac possessiones eorum, tanquam accessoria personæ tum spectabantur; igitur & has tributis minime obnoxias esse, velut suapte consequi videbatur secundum vulgarem regulam: accessorium sequitur principale. At hodie philosophia utimur: quæ majoris gratitudinis sit, & quantulumcunque immunitatis realis superest, illud ex beneficio Principum habere nos grati recognoscimus. S. N. CXV - CXVI.

66.

De exemptionibus Regularium cum sæpe quærelæ ortæ, sæpe etiam modus iis est positus, tum novissime in concilio Tridentino, ut via quadam media res complanaretur, concessum episcopis, ut saltem qua sedis apostolicæ delegati jurisdictionem in exemptos exercere certis casibus valeant. Trident. Sess. 6. de reform. c. 3. Sess.



25. c. 14. Sess. 7. c. 15. Sess. 22. c. 8.
& 9. S. N. CXXI.

67.

Qua ipsa tamen Tridentini sanctione quoniam non tam nova quædam concessa quam vetus potius & avita episcopis restituta est auctoritas (solum enim obstaculum remotum fuit, quod potestati eorum posuerat exemptio) profecto delegatam illam a synodo Tridentina jurisdictionem æquivalere jurisdictioni ordinariæ & adeo latioris esse interpretationis censendum est.
S. N. CXXII.

68.

Peractæ electioni sub stirpis Carolinæ & Saxonie Regibus, cum episcopi Germaniæ Regalia non pauca possiderent, addita investitura est, per anulum & baculum; ob quam dein ortum sub Gregorio VII. R. P. dissidium Pontifices inter & Imperatores. quod annis propemodum 50. ecclesiam æque ac imperium vehementer afflixit transactione Calixtina demum extinctum. Utque reddita Ecclesiæ Imperioque
pax

pax esset firmior, etiam Jure Regaliae & Spolii sese abdicavere Imperatores. S. N. CXXVIII.

69.

Novam electiones episcoporum faciem acceperere saeculo XIII. dum Capirula cathedralia electiones has sibi solis adtribuerunt; quod jus moribus initio quaesitum postea & Pontificum & Imperatorum constitutionibus est confirmatum, imminutum tamen rursus per Pontifices maxime Avenione residentes, qui reservationes episcopatum permultum auxerant. S. N. CXXIX.

70.

At restitutum illis rursus quantum ad Germaniam per Concordata Germaniae est anno 1448. quibus libera & canonica Archiepiscoporum, Episcoporum, & Abbatum electio Capitulis metropolitans, cathedralibus & monasticis confirmata fuit reservato solum Pontifici jure confirmandi electos in ecclesiis Metropolitanis & cathedralibus etiam Apostolicae sedi immediate non subjectis, & in monasteriis Apo-



stolicæ sedi immediate subiectis. Concord. germ. §. 3. Qua electionum libertate perfruitur Germania etiamnum. S. N. CXXX.

71.

Facienda autem hæc electio est secundum formam in cap. 42. de elect. & elect. potest præscriptam. S. N. CXXXI.

72.

Alter post electionem modus perveniendi ad dignitates ecclesiasticas postulatio audit, quæ est electio personæ defectu canonico laborantis, annexam habens implorationem superioris, de eadem persona per dispensationem ad Prælaturam admittenda. S. N. CXXXII.

73.

Quare cum postulatio reipsa electio sit, diversa ab illa duntaxat in eo, quod annexam habeat implorationem superioris de concedenda dispensatione, relinquitur: ut forma electioni præscripta servanda itidem in postulatione sit; & adeo pro postularo habenden-

bendus fit ille, in quem maior capituli pars consenserit, nisi fors pars capituli postulet, pars eligat, quo casu postulatus duplo majorem numerum suffragiorum habere debet quam electus. Secus prævalet electio, dummodo suffragia pro electo unam tertiam personæ postulatae superent. s. N. CXXIII.

74.

Insignis & permagna est Religionis christianæ ad felicitatem Reipublicæ præstantia, augetur autem hæc mirifice per sacerdotii & Imperii concordiam. s. N. CXL - CXLI.

75.

Quorum sicut quodque suo in genere est summum & alterum ab altero indepeudens: ita limites eorum determinantur ex diversitate finium, quorum gratia Sacerdotium & Imperium institutum est: ex diversitate mediorum, quæ eis ad consequendos fines suos data sunt, & ex diversitate objecti, circa quod Imperium & Sacerdotium occupantur. s. N. CXLII.



76.

Ex determinatione horum limitum consequitur porro, potestati civili jus in Sacra, quod in determinatione sacrorum situm est, haudquaquam competere; competere tamen jus aliquod circa sacra, quod jus ex ipso imperio civili profluit. S. N. CXLIII.

77.

Consistitque jus istud in jure Regio supremæ inspectionis in ea, quæ in territorio Reipublicæ aguntur, ne quid detrimenti exinde perlentiat respublica: nec non in jure munereque Patrocinii ac Tuitiois res fidei, disciplinæque Ecclesiæ. S. N. CXLIV.

78.

Quare vi juris Patrocinii ac Tuitiois competit Principi Jus convocandi certis casibus concilia: coercendi veræ Religionis impugnatores: prohibendi libros noxios: monendi de Canonum observantia: prohibendi, ne Prælati Ecclesiæ bona ecclesiastica alienent. S. N. CXLV.

79.

79.

Ex jure Regio autem supremæ Inspectionis competit Principi jus Placeti Regii, ut vocant, circa bullas ecclesiasticas: Jus dandi exclusivam, quam ajunt, in electionibus Prælatorum: condendi legem amortizationis: recipiendi recursum & appellationem ab abusu: jus permittendi civibus a vera religione alienis liberum sacrorum exercitium in casu inevitabilis necessitatis, præcipue avertendi majoris damni religionis. S. N. CXLVI.

80.

In Germania exortis sæculo XVI. funestissimis illis Religionis diffidiis, Principes Protestantici paulo ampliora jura circa sacra sibi sumserunt; nimirum sumfere sibi Jus veterem religionem possessione dejiciendi, substituentique novam ac determinandi annexa Religionis, quorum jurium complexus jus reformandi vulgo audit. S. N. CXLVII.

81.

Jus hoc reformandi a Principibus Protestantibus jam occupatum in Pace
 O 3 weit.



Westphalica tandem Imperatori, statibusque Imperii immediatis, ecclesiasticis non minus, quam sæcularibus, cum jure territorii & superioritatis ex communi per Imperium totum hætenus usitata praxi, comprehensa etiam nobilitate immediata, firmatum fuit. S. N. CXLVIII.

82.

Adjecta tamen exceptio est, vicus omnes & singuli, qui sive publicum sive privatum Catholicæ vel Augustanæ Confess. exercitium anno 1624. quacunque anni parte habuerunt, illud etiam deinceps retineant cum annexis quatenus illa dicto anno exercuerunt aut exercita esse probare possunt. Quare Jus reformandi instar regulæ se habet respectu statuum, subditisque contra illud excipientibus onus probandæ exceptionis incumbit. S. N. CXLVIX.

83.

Quapropter & Dominis territorialibus Jus simultanei innoxii competit, seu Jus introducendi coexercitium Religionis, quæ in anno regulativo haud

viguit, modo subditi in Religionis exercitio anno normali habito, non impediuntur. S. N. CL.

84.

Qui vero possessione ejusmodi in anno normali non fruebantur, his si diversam a Domino territoriali religionem profiteri velint, non nisi flebile beneficium emigrationis concessum, quo si uti velint, detineri a Domino territorii nequeant, esto etiam homines proprii sint, modo æquum manumissionis pretium solvant. S. N. CLI.

85.

Possunt tamen hi etiam inviti a Domino territorii cogi ad emigrandum. Unde beneficio emigrationis subditis diversæ religionis concessio, nequaquam sublatum esse Jus transplantandi eosdem subditos, ex æquali relatione utriusque medii ad finem facile intelligitur. S. N. CLII.

86.

Sive autem sponte velint, sive emigrare cogantur, semper eis integrum est



est bona vel alienare vel retinere ac
per ministros administrare, libere etiam,
si opus, accedere, recedere, nec de-
negandæ sunt emigrantibus nativitatis
honestæque vitæ testimonia, nec in-
uitatis reversalibus vel decimationi-
bus sunt gravandi. Artic. V. §. 36. &
37. S. N. CLIII.

87.

Denique Ecclesia Protestantium una
cum illa Reformatorum ita in Germa-
nia jure civitatis donata est, ut jura
illius cum juribus Ecclesiæ Catholicæ
in Imperio Romano - Germanico sint
æqualia, ita ut quod uni justum est,
alteri quoque justum sit. P. W. artic.
V. §. 1. artic. VII. §. 1. S. N. CLIV.

88.

At nihil hæc, quæ de jure refor-
mandi statuta sunt, ad regna & Pro-
vincias Domus Austriacæ attinent, quo-
rum intuitu regia Majestas Sueciæ &
Augustanæ Confessionis Ordines sibi
nihil aliud reservarunt, quam faculta-
tem apud suam Cæsaream Majestatem,
pace tamen semper permanente, & ex-
clausa

clusa omni hostilitate, ulterius res-
 pecte interveniendi & demisse interce-
 denti. Artic. V. §. 41. S. N. CLV.

EX

J V R E

ECCLESIASTICO


PRIVATO.

89.

Rectio & collatio beneficiorum Epi-
 scopatu minorum quemadmodum
 jure proprio & quasi congenito ad Epi-
 scopos diocesanos pertinet, ita decem
 primis ecclesiæ sæculis, quibus colla-
 tio beneficiorum a sacra ordinatione
 sejuncta non erat, & ipsorum ordinum
 collatio vice collationis beneficiorum
 fuit, omnis quoque beneficiorum col-
 latio apud solum episcopum remansit.
 S. N. XI.

90.

Jus Patronatus viget etiamnum,
 contineturque jure præsentandi Cleri-
 cum



cum ad beneficium vacans: percipien-
di alimenta in necessitate: capiendi
locum honoratiorem in ecclesia in so-
lemniis ecclesiasticis: obligatione de-
fendendi ecclesiam, & ad ejus repara-
tionem concurrendi. S. N. XIV.

91.

Jus Patronatus utcunque inter res
spirituali annexas reteratur, id tamen
haud officit, quo minus Christiani omnes,
ne fæminis quidem exceptis, juris hu-
jus capaces sint, acquirique illud pos-
sit aut modo originario, & quidem or-
dinarie fundatione, dotatione, extru-
ctione; extraordinarie præscriptione,
privilegio; aut modis derivativis, suc-
cessionem, donationem, seu etiam una
cum castri, vel prædii, cui cohæret,
permutatione & venditione. S. N. XV.

92.

Quis autem cunque beneficia con-
ferat, semper is eam fervare debet re-
gulam, ut homines det beneficiis, non
beneficia hominibus, id est, ut ea non
nisi dignioribus, & qui ecclesiæ magis
proficui futuri sint, impertiatur. S.
N. XVII.

93.

Ad quam regulam proin consentaneae intelligenda consuetudo, quæ alicubi inoluit, recipiendi Canonicos nobiles tantum: dandi Expectativas & Canonicatus in herbis. S. N. XVIII.

94.

Beneficio obtento variæ tum obligationes, tum jura in beneficiato oriuntur. Ac primum quidem jure divino obligatur is ad rite præstandum officium beneficio annexum. Id quod si præstare pro eo, ac oportet, non possit, nisi quoque in loco beneficii resideat, eodem jure ad residentiam in loco beneficii obstringitur, illamque non otiosam, sed diligentem cum officii expletione conjunctam. S. N. XIX.

95.

Quæ obligatio potissimum ad Beneficiatos curatos pertinet, nisi forte officiorum collisio exceptionem a residentiae necessitate quandoque postulet, id est, ut Tridentina Synodus explicat, nisi christiana charitas, urgens necessitas, debita obedientia, ac evidens Ecclesiae vel Reipublicae utilitas aliquos

non

nonnunquam abesse postulent. Sess. 23.
c. 1. de Reform. s. N. XX.

96.

Quoniam porro qui in uno beneficii loco residet, nequit simul residere in alterius beneficii loco, relinquitur, ut quæ lex residere in loco beneficii præcipit, eadem & beneficiorum pluralitatem prohibeat. S. N. XXII.

97.

Obtinenti plene beneficium etiam jus in ipso beneficio nascitur, vi cuius jure pollet exercendi cuncta jura beneficii & spiritualia & temporalia: exigendi & percipiendi proventus residentiae veræ & fictæ assignatos: utendi, fruendi prædiis ecclesiasticis, in beneficium datis. S. N. XXIII.

98.

Quod tamen de proventibus ultra vitæ honestæ sustentationem superest, impendere is in usus pios obstringitur adeo, ut si in profanos usus eroget, ad refarciendum obligetur. S. N. XXIX.

99.

99.

Quare neque consuetudine effici potest, ut de redditibus superfluis ad causas profanas testari Clericis sit integrum; quanquam in foro externo id genus testamentorum tolerentur, ob odium litium, & quod perarduum sit bona superflua beneficialia secernere a Patrimonio, de quo libera illis disponendi testandique potestas est. S. N. xxv.

100.

Beneficiatus quemadmodum ob jus in beneficio privari beneficio non potest nisi in pœnam & ob causas in Canonibus expressas: ita propter obligationem quam contraxit, præstandi officium beneficio annexum abdicare se beneficio non potest, nisi & iusta causa & superioris adsit annutus. S. N. xxvi.

101.

Resignationes autem has pure & sine adjecta conditione, omnium autem minime in favorem tertii fieri oportet, quales recentior primum ætas contra canones a sæculo XIV. introduxit. S. N. xxvii.

102.



102.

In Germania sicut beneficiorum omnium dominium & collatio non creditur Pontifici competere, ita nec Jus onerandi pensionibus beneficia. Ac quanquam beneficiis mense Papali vacantibus pensiones imponere possit, haud illæ tamen ad successorem trans-eunt, si postea in mense Ordinarii collatoris vacaverint. S. N. xxxi.

103.

Etiam Annatis, quæ sunt pars reddituum primi anni Pontifici ex recens collato beneficio solvenda, is est per Concordata Germaniæ modus positus, ut de Ecclesiis cathedralibus & monasteriis virorum solvantur quidem moderatæ: de cæteris beneficiis autem non aliter, nisi valorem 24. Ducatorum excedant; unde dignitates & Canonicatus nullas hodie Annatas solvunt, quod omnes ad valorem duntaxat 24. Ducatorum in camera apostolica taxati sint. S. N. xxxii.

104.

Ecclesia jure statuendi impedimen-
ta matrimonii ut Sacramenti: Princeps
jure statuendi impedimenta matrimo-
nii ut contractus civilis est, gaudet. s.
N. xxxiv.

105.

Jure ecclesiastico Austriaco pro ir-
ritis censentur minorennium sponsalia
sine Curatorum & Magistratus consen-
su celebrata. s. N. xxxv.

106.

Matrimonium in infidelitate con-
tractum per solam professionem Reli-
gionis Christianæ alterutrius Conjugum
haud solvitur. s. N. xxxvi.

107.

In Germania in quantum jus con-
cedendi Ecclesiarum erectionem ad jus
reformandi pertinet, normam specia-
lem habet ex lege publica P. W. s. N.
xli.

108.

Ecclesiæ reficiendæ & restaurandæ
jus & obligatio penes Ecclesiam est.
Quare



Quare reficienda illa est ex redditibus ipsius Ecclesiæ, atque adeo ex ipsorum etiam beneficiatorum redditibus, si qui congruæ sustentationi supersunt. His deficientibus membra Ecclesiæ, Parochiani primum, tum Patroni subsidia conferre debent. S. N. XLII.

109.

A sæculo X. in ipsis Ecclesiis fideles quidam honoratiores sepulturæ dati. Qua in re quid hodie fieri oporteat, speciali Rescripto Regio de 14. Aug. 1772. determinatum. S. N. XLVII.

110.

Oblationes etiam funerarias quales, quantasque tum Ecclesiæ, tum ejus ministris dare oporteat, constitutum inidem Rescriptis Regiis de anno 1751. & 1769. S. N. XLVIII.

III.

In Pace westphal. conventum quidem, ne quis intuitu Religionis a publicis cœmeteriis, honoreve sepulturæ arceatur. artic. V. §. 35. At accipi illud non potest de locis, ubi publicum
cum

cum religionis Protestanticæ exercitium non toleratur, in quibus proinde locus est legi ecclesiasticæ, sepulturam ecclesiasticam hæreticis neganti. s. N. XLIX.

112.

Inter immunitates ecclesiis datas jus asyli celeberrimum est, quo securitas data confugientibus ad ecclesias, ut extrahi inde nequeant, utcunque scelera morteplectenda commiserint. s. N. LII.

113.

Est itaque jus asyli species quædam juris adgratiandi. Istud autem quum pars sit juris, quod vitæ & necis dicimus, quodque solis Imperantibus civilibus competit, fane ipsius etiam juris asyli concessio ad eosdem imperantes civiles pertinet, quorum imperium civile religio christiana haudquaquam imminuit. Et possunt profecto & tempora ostendi & tabulæ, quando & in quibus jus asyli ab imperantibus civilibus concessum ecclesiis, ac quantum illud, & quam vario modo auctum, modo iterum restitutum. s. N. LIII.



114.

Cum jure divino homicidæ etiam ab altaribus abripi possent ad supplicium, crimina atrociora excepta sunt. Jure Austriaco etiam obæratī, qui in fraudem Creditorum fugam capiunt, asylo non gaudent. S. N. LVII.

115.

Jure Austriaco speciali nequeunt Clerici conficere testamenta aliena, & qui de Clero regulari sunt, ne testium quidem numero defungi in iis possunt. S. N. LXI.

116.

Quum porro ecclesia semper acquireret, nunquam alienaret, periculumque esset, ne omnium immobilium, vel majoris partis domina fieret, unde in rempublicam, cujus interest, ut multi fundi sint in commercio, multum incommodi; in Principes vero ob immunitatem ecclesiasticam ingens detrimentum redundaret: cum in multis regnis, tum in terris hæreditariis augustissimæ Domus Austriacæ, lex amortisationis lata fuit, quæ novæ immobilium acquisitionis-

sitiones communitatibus ecclesiasticis interdictæ sunt, nisi Rex speciatim acquirendi potestatem faciat; quam haud facit, nisi amortisationis jus eidem sit præstitum, id est, solutum certum pretium de prædio, quod devenit in manus mortuas. S. N. LXIV.

117.

De acquisitione etiam mobilium per terras hæreditarias Austriacas peculiariter sancitum, ut claustra regularium ab iis, qui per vota solemnia sese illis mancipant, ultra Summam 1500 fl. acquirere nihil possint. S. N. LXV.

118.

Consensus Principis ad validam alienationem vel maxime requiritur, tanquam Protectoris ecclesiarum, & supremi Inspectoris in republica. S. N. LXVII.

119.

Quum primis Ecclesiæ sæculis arbitrio fidelium relictum esset, quid, quantumve symbolæ conferre ad sustentationem ministerii sacri quisque vellet, in eunte sæculo IV. Patres hortari fideles



cœpere, ut exemplo Reipublicæ Judaicæ decimas divinarum rerum ministris persolverent. Hortatibus leges dein additæ: ecclesiasticæ primum sæculo VI. ac civiles etiam sæculo VII. a Carolo M., quin imo jure plane divino decimas deberi, sequentibus sæculis putabatur. S. N. LXXI.

120.

Inde porro creditum: causas decimarum omnes ad forum pertinere ecclesiasticum, remque hanc totam ex legibus potestatis ecclesiasticæ, maxime Pontificis esse dirigendam. Unde tot Rescripta Pontificum in causis decimarum, collectioni Decretalium Gregorii IX. inserta. S. N. LXXII.

121.

Hodie eliquati satis juris est, decimas jure divino non deberi, etsi sustentatio congrua ministris ecclesiæ debeat, quum nihil æquius, quam ut qui aliorum ministerio se dedit, ab iisdem etiam sustentetur. S. N. LXXIII.

122.

122.

Penduntur tamen hodiernum decimæ in locis non paucis, ex consuetudine pia Principum voluntate sustentata; quorum ea sane est auctoritas; ut si reipublicæ salus posceret, decimarum usum omnino tollere, atque in ejus locum surrogare alium modum possent, quo congrua sustentatio suppeditaretur Clericis. S. N. LXXIV.

123.

Quare etiam causæ decimarum ad judicem civilem tam in Bohemia, quam in Austria pertinent. S. N. LXXV.

124.

Cum forum sit locus exercendæ jurisdictionis, quousque forum ecclesiasticum sese jure suo primigenio, & quousque jure adventitio exporrigat, facile intelligitur. S. N. LXXIX.

125.

Fori autem ecclesiastici privilegium largitate Principum clericis concessum, quum olim ad omnes clericos, qui tonsuram haberent, extenderetur, restri-



Etum illud demum sanctione synodi Tridentinæ ita est, ut fori privilegio non gaudeant clerici prima tonsura initiati, aut etiam in minoribus ordinibus constituti, nisi beneficium ecclesiasticum habeant, aut clericalem habitum & tonsuram deferentes alicui ecclesiæ ex mandato Episcopi interviant, vel in seminario Clericorum aut in aliqua schola vel universitate de licentia Episcopi, quasi in via ad majores ordines suscipiendos versentur. Trident. sess. 23. c. 6. de reform. s. N. LXXX.

126.

Juri puniendi sicut omnia Ecclesiæ membra subjacent: ita cum per illud nihil imminuta sit potestas puniendi civilis Principum, manebant huic subiecti etiam Clerici. Sed favore & reverentia Religionis, a foro Reipublicæ criminali Clericos exemptos voluerunt Principes, causis Clericorum criminalibus discussioni ecclesiasticæ relictis. S. N. LXXXVIII.

127.

Jus cogendi porro & puniendi Ecclesia inflictione censurarum exercet. Censuræ ergo in plurium vel pauciorum bonorum spiritualium privatione consistunt, quarum maxima, & quæ omnibus his bonis privat, excommunicatio major audit. Cæteræ quibusdam tantum bonis privant, & sunt: Excommunicatio minor, interdictum, suspensio. S. N. XCIII, XCIV, XCV.

128.

Effectibus Excommunicationis spiritualibus additi subin etiam civiles sunt; unde Principum circa Excommunicationem jura quædam orta, quæ tamen scopo spirituali non posse repugnare, facile quivis intelliget. S. N. XCVI.

129.

Quibus usa Augustiss. Imperatr. Maria Theresia anno 1768. præcepit, ut causa percussionis Clerici, cui jure canonico pœna Excommunicationis annexa est, a Commissariis ecclesiasticis, & sæcularibus pari numero discutiatur, ante



ante sententiæ tamen incurse excommunicationis executionem, tam in hoc, quam in aliis casibus, Placetum, seu consensus regius exquiratur. S. N. XCVII.

130.

Vulgatissima hodie, ac frequentissima est excommunicatio, quam latæ sententiæ dicimus; cujus tamen per novem Ecclesiæ sæcula, imo in ipso Gratiani Decreto vix ullum vestigium. Nempe monitionum vicem, quæ alias præmittebantur, lex ipsa, cui excommunicatio latæ sententiæ inserta est, subire creditur. S. N. XCVIII.

O. A. M. D. V. M. H. & G.



Emendatio præcipuorum

E R R O R V M.

	<i>Errata.</i>	<i>Corrige.</i>
Pag. 16	exagerandæ	exaggerandæ
—	molissimos	mollissimos
24	faustus	fastus
25	erubefant	erubescant.
28	arbitrion	arbitrio
31	depræcipue	præcipue
—	aggressures	aggressores
—	profacto	profecto
32	præscripta,	præscripta, &
—	debita	dictata
34	inereft	interest
38	conceſſa	conceſſa
44	judicare	judicare
47	inprimis hunc	inprimis, qui hunc
52	Constantinus	Constantinus.
56	potestatemque	potestatemque
59	docrevit	decrevit
61	ani reputans	animo repurans
64	deducuit	deducit
66	constitutos	constitutos
69	verbum N. L.	verum N. L.
86	Rex christiana	Rex christiane
94	Petavum	Petavium
102	pratulit	prætulit
112	tradituram	traditurum
114	conatam	conlatam
—	conimant	conlimant
117	profanam so- lum	profanam potestatem so- lum

Pag. 118	conspiraute	conspirante
—	regium	regum
122	alios vero	aliis vero
127	Tychium	Tychicum
129	proposita	proposita
130	Theſſalonien- ſium	Theſſalonicenſium
—	omnes electio- nes	omnes
132	Zouaras	Zonaras
133	mutare	mutuare
138	liberum capi- tulum	liberam capitulo
—	hereditario	hereditario
—	Würwein	Würdtwein
139	compluribus eccleſiæ	compluribus Eccleſiis
145	quoque	quoque
149	Joannas VIII.	Joannes VIII.
—	præbeibimus	præbebimus
151	conſtitutio	conſtituto
—	eo ferre modo	eo fere modo
154	alveo immiſa	alveo immiſſa
165	Petri ſuavis	Petri Soavis
167	fideatur	videatur
—	oriental.	oriental.
168	teſtante Hiero- nymus	teſtante Hieronymo
172	lapides	lapides
175	conationem ſuæ juridi- ctionis	conlationem ſuæ juridi- ctionis

Ceteros errores & interpunctiones male poſitas
benevolus Lector corrigat.

C. XIV. 6 C25

C. XIV. 6 C25

